

ს. ჯანაშიას სახ. საქართველოს სახელმწიფო მუზეუმი

ნოდარ ლომოური

ნარკვევები ქართლის (იბერიის)

სამეფოს ისტორიიდან

(III საუკუნეში და IV ს. დასაწყისში)



გამომცემლობა „მეცნიერება“

1975

„ნარკვევებში“ განხილულია ქართლის სამეფოს ისტორიის შედარებით ნაკლებშესწავლილი პერიოდის, III საუკუნის პოლიტიკური ისტორიის ზოგიერთი მნიშვნელოვანი საკითხი, კერძოდ ქართლის სასანურ ირანთან და რომის იმპერიასთან ურთიერთობის ისტორია, რომაულ-ბიზანტიურ, ქართულ და სომხურ ლიტერატურულ წყაროებთან ერთად, გამოყენებულია სპარსული ეპიგრაფიკული ძეგლები, რომლებიც ჩვენს ისტორიოგრაფიაში ასე სრულად და დაწერილებით განხილულ არ ყოფილა. ამ მასალებზე დაყრდნობით დაზუსტებულია სასანურ ირანთან ქართლის სამეფოს ურთიერთობის რიგი კონკრეტული საკითხი, გარკვეულია ამ პერიოდში ირანზე ქართლის დამოკიდებულების რეალური ხასიათი. ამას გარდა „ნარკვევებში“, სხვადასხვა წყაროთა ურთიერთშეჭერების საფუძველზე, გაკეთებულია ცდა ქართლში ქრისტიანობის სახელმწიფო რელიგიად გამოცხადების თარიღის დაზუსტებისა, რაც ხელს შეუწყობს ამ მნიშვნელოვანი მოვლენის კონკრეტული ისტორიული პირობების შესწავლას. ბოლოს, „ნარკვევებში“ მოცემულია ქართლის გაქრისტიანების გარეპოლიტიკური მნიშვნელობის გარკვევა, ნაჩვენებია კავშირი სხვადასხვა პოლიტიკურ დაჭგუფებათა ახალი რელიგიის გარშემო ბრძოლისა და საგარეო ორიენტაციის გარშემო ქიშპობისა. წყაროებში შენახული ცნობები ამ ასპექტში აქ პირველადია განხილული.

წინასიტყვაობა

ახ. წ. III ს. მაკლობელი აღმოსავლეთის ქვეყნებისათვის და აგრეთვე ამიერკავკასიის სახელმწიფოებისათვის მნიშვნელოვანი მოვლენებით ხასიათდება. სასანიანთა გაბატონებამ ირანში და ძლიერი სპარსული სახელმწიფოს შექმნამ საგრძნობად შეცვალა აქ პოლიტიკურ ძალთა თანაფარდობა და ახალი საგარეო პრობლემები დააყენა ირანის მეზობელ პოლიტიკურ ერთეულთა წინაშე.

ამიერკავკასიის ერთერთი წამყვანი სახელმწიფოს — ქართლის (იბერიის) სამეფოს ისტორია III საუკუნეში შედარებით სუსტად არის შესწავლილი. ეს აიხსნება, პირველ რიგში, წყაროთა მონაცემების სიმწირით. ამ პერიოდის რომელიმე ნაწილები მხოლოდ მოკლედ და აქა-იქ თუ ახსენებენ იბერიას, ხოლო შედარებით გვიანდელი ქართული და სომხური ნარატიული წყაროები ბევრ შეუსაბამობას, ანაქრონიზმს და აშკარა შეცდომას შეიცავენ. სწორედ ამის შედეგია, რომ III საუკუნის ქართლის ისტორია მეტად ზოგადად იყო გაშუქებული ქართულ ისტორიოგრაფიაში.

ამავე დროს, მკვლევართა განკარგულებაში ამჟამად არის საკმაოდ მნიშვნელოვანი წყაროები — სპარსული ეპიგრაფიკული ძეგლები, რომელთა მონაცემები, მიუხედავად მათი ლაკონიურობისა, მეტად მნიშვნელოვან ცნობებს გვაწვდიან ქართლის სამეფოს ამდროინდელი ისტორიისათვის, სხვა წყაროთა ცნობების დაზუსტებისა და მათში კორექტივების შეტანისათვის.

ამ ძეგლთაგან განსაკუთრებული მნიშვნელობა ენიჭება შაპან-შაპ შაბურ I-ისა და ირანის დიდი მაგუპატის კარტირის წარწერებს ე. წ. „ზოროასტრის ქააბაზე“. ქართულ ისტორიოგრაფიაში ამ წარწერებიდან პირველი — შაბურის სამეფოვანი წარწერა პირველად გამოიყენა გ. მელიქიშვილმა, რომელმაც გააანალიზა წარწერის ის ადგილები, რომლებიც უშუალოდ ქართულ პოლიტიკურ ერთეულებს (მახელონია, იბერია) და ქართლის მეფე ამაზასპს ასახე-

ლებენ. ამ მონაცემებმა მკვლევარს საშუალება მისცეს ახლებურად დაესვა III საუკუნის ქართლის პოლიტიკური ისტორიის რიგი საკითხი.

მაგრამ, როგორც ირკვევა, შაბურ I-ის წარწერის სხვა ადგილებზეც მნიშვნელოვანია იბერიის ამდროინდელი ისტორიისათვის, კერძოდ ირანზე ქართლის დამოკიდებულების დამყარების დროის დასადგენად და ამ დამოკიდებულების ხასიათის გასარკვევად. ასევე საყურადღებოა მაგუპატ კარტირის წარწერის ცნობებიც. როჭლებიც ქართულ ისტორიოგრაფიაში დღემდე გამოყენებული არ ყოფილა, ჩვენ ნაშრომში მოტანილია აღნიშნულ წარწერათა საყმაროდ მოზრდილი პასაჟების ქართული თარგმანიც, რაც დაინტერესებულ მკითხველს და მკვლევართაც საშუალებას მისცემს წარწერების ტექსტის იმ ნაწილებს გაეცნონ, რომლებიც საქართველოს შეეხება.

ამას გარდა, ჩვენ ცალკე ნარკვევი მივუძღვევით ქართლში ქრისტიანობის ოფიციალურ სარწმუნოებად გამოცხადების თარიღის დაზუსტებას. ამასთან შევეცადეთ გაგვერკვია მეცნიერთა შორის საკამათოდ ქცეული საკითხი: ვინ იყო ქართლის ის მეფე, რომელმაც ახალი რელიგია სახელმწიფოებრივ სარწმუნოებად გამოაცხადა. ცნობილია, რომ ქრისტიანობის გამარჯვება ყველა ხალხის ისტორიაში უმნიშვნელოვანეს მოვლენას წარმოადგენდა და ასახავდა ხალხის სოციალურ-ეკონომიური და პოლიტიკური განვითარების გარკვეულ დონეს. ამდენად ამ მოვლენის ზუსტი თარიღის გარკვევა თავისთავადაც საინტერესოა. ამას გარდა, ქართლის ისტორიისათვის მას სხვა მხრივაც აქვს მნიშვნელობა: სულ სხვა იყო ქართლის პოლიტიკური ვითარება IV ს-ის 30-იან წლებში, როცა ქართლის გაქრისტიანებას ივ. ჭავჭავაძის ვარაუდობდა, და სულ სხვა 50—60-იან წლებში, რომელთაც კ. კეკელიძე და ი. მარკვერტი მიიჩნევდნენ ქართლის მოქცევის თარიღად. ამრიგად ამ აქტის ზუსტი დათარიღება საშუალებას მოგვცემს ავხსნათ ის კონკრეტული ისტორიული პირობები, რომელშიაც მოხდა ქართლში ქრისტიანობის ოფიციალურ რელიგიად გამოცხადება. სწორედ ამიტომ ჩავთვალეთ ჩვენ მიზანშეწონილად, კვლავ დაგვბრუნებოდით ამ საკითხს და მისი უფრო მეტად დაზუსტება გვეცადა.

ქართლის სამეფოს პოლიტიკური ვითარება III საუკუნეში

ახ. წ. III ს. დასაწყისში მახლობელი აღმოსავლეთის პოლიტიკურ სარბიელზე მნიშვნელოვანი ცვლილებები მოხდა. ეს ცვლილებები შეეხო როგორც რომის იმპერიას, ისე მის ძირითად მეტოქეს — პართიის სამეფოს, ე. ი. ორივე სახელმწიფოს, რომლებიც დიდი ხნის მანძილზე წარმართავდნენ პოლიტიკურ ურთიერთობას სსოფლიოს ამ მხარეში.

II ს. მეორე ნახევრიდან რომის იმპერიაში სულ უფრო აშკარად შეიმჩნევა მონათმფლობელური წყობილების კრიზისის ნიშნები, რომლებიც მელავნდება როგორც იტალიის, ისე პროვინციების ეკონომიკის დაცემაში, წვრილ და საშუალო მიწათმფლობელთა გაღატაკებაში, მსხვილი მიწათმფლობელობის ზრდასა და კოლონატის განვითარებაში, მმართველი კლასის შიგნით წინააღმდეგობათა გამწვავებაში¹.

რომის სახელმწიფოს სხვადასხვა პროვინციებში სულ უფრო აქტიური ხდება კლასობრივი ბრძოლა, რომელსაც ეწევიან მონები და კოლონები, რომელთაც ადგილობრივი მოსახლეობის ფართო ფენები უერთდება (მონათა აჯანყებები სიცილიაში, კოლონებისა და გლეხების გამოსვლები აფრიკაში, მავრიტანულ ტომთა აჯანყება, ისავრების გამოსვლა მცირე აზიაში, „ბუკოლებისა“ და „ბაგაულების“ მოძრაობა და სხვ.²

¹ С. И. К о в а л е в, Е. М. Ш т а е р м а н, Очерки истории древнего Рима, М., 1956, стр. 265-273.

² Н. А. М а ш к и н, К вопросу о революционном движении рабов и колонов в Римской Африке, ВДИ, 1949, № 4, стр. 51-61; А. Д. Д м и т р и е в, Движение багаудов, ВДИ, 1940, № 3-4, стр. 101-104; Е г о ж е, Буколы, ВДИ, 1964, № 4, стр. 92-100; Е г о ж е, Движение latrones, как особая форма классової борьбы в Римской империи, ВДИ, 1951, № 4, стр. 61-72.

„ეს გამოსვლები განსხვავდებოდა ძვ. წ. II—I სს. აჯანყებებისაგან იმით, რომ მათი მთავარი მამოძრავებელი ძალა იყვნენ არა მონები (თუმცა მონებიც ლებულობდნენ მათში აქტიურ მონაწილეობას), არამედ ექსპლუატირებულ მიწისმომქმედთა სხვადასხვა კატეგორიები. ისინი იბრძოდნენ მათ დამმონებელ მსხვილ მესაკუთრეთა წინააღმდეგაც, გადასახადებითა და ბეგარით მათ გამჩანავებელ საიმპერატორო ხელისუფლებისა, მის ანგარებიან მოხელეთა და მოსახლეობის შემავიწროებელ ჯარისკაცთა წინააღმდეგაც“³.

საერთო ეკონომიურმა და ცემამ და სოციალურმა კრიზისმა გამოიწვია პოლიტიკური კრიზისიც. ძლიერდება წინააღმდეგობანი სენატორულ დიდკაცობასა, პროვინციების მიწათმფლობელ მფუნატთა და საიმპერატორო ხელისუფლებას შორის; არმია თვითნებურად ნიშნავს და ამხობს იმპერატორებს, სახელმწიფოში ხშირად ერთდროულად რამდენიმე იმპერატორია გამოცხადებული და მათ შორის ვაუთავებელი ომი მიმდინარეობს. 50-იან წლებში თითქმის ყველა პროვინციაში ჩნდებიან უზურპატორები, რომელთა ხელისუფლება, როგორც წესი, მეტად ხანმოკლეა — ზოგიერთს არმია უსწორდება, ზოგს ამხობს სენატორული ზედაფენა. ნ. მაშკინის სიტყვით „აღვირახსნილმა პრეტორიანულმა გვარდიამ, პროვინციალურმა არმიებმა და დიდკაცობამ საიმპერატორო ტახტზე თავისებური „აუქციონი“ გამოაცხადეს“⁴. საკმარისია აღინიშნოს, რომ სევერუსთა დინასტიის (193—235) ხუთი წარმომადგენლიდან მხოლოდ პირველი — სეპტიმიუსი გარდაიცვალა თავისი სიკვდილით, დანარჩენები შეთქმულების მსხვერპლნი გახდნენ.

რომის იმპერიამ დაშლა იწყო. გალია, ესპანეთი, ბრიტანეთი განუღწენ მას, იმპერატორად პოსტუმუსი გამოაცხადეს და თითუმეტი წლის მანძილზე დამოუკიდებლობას ინარჩუნებდნენ. იმპერატორი გალიენი (253—268), რომელიც გაჭირვებით იგერიებდა ფრანკთა, ალემანთა და გუთთა თავდასხმებს, იძულებული იყო „გალიის იმპერია“ ეცნო.

აღმოსავლეთში, სირიაში, შეიქმნა პალმირის სამეფო. ადგილობრივი დიდკაცობის წარმომადგენელი ოდენატი ახერხებს სირიულ და არაბულ ტომთა გაერთიანებას, ამარცხებს ეფფრატზე გადმოსულ სპარსელებს და თავს დამოუკიდებელ მმართველად აცხა-

³ С. И. Ковалев, Е. М. Штаерман, Очерки..., стр. 272.

⁴ Н. А. Машкин, История древнего Рима, М., 1956, стр. 518.

დებს. გალიენს მისი იმპერატორად და „რომაელ დუკად“ ცნობა მოუხდა⁵.

ოღენატი დამოუკიდებელ პოლიტიკას ახორციელებს, მოხერხებულად იყენებს რა რომსა და სპარსეთს შორის წინააღმდეგობას, ხოლო მისი ქვრივი — ზენობია სრულიად უარს ამბობს რომისაგან ყოველგვარ დამოკიდებულებაზე და თავის სამფლობელოებს მცირე აზიის საკმაოდ დიდ ნაწილსა და ეგვიპტეს უერთებს⁶.

III ს. იმპერია რამდენიმე მძიმე მარცხს განიცდის: 251 წ. ქ. აბრიტასთან გუთებთან ბრძოლაში რომის არმია განადგურდა და ბრძოლის ველზე დაეცა იმპერატორი დეციუსი. 244 წ. მესოპოტამიაში, სპარსელებთან ბრძოლაში მარცხდება და იღუპება იმპერატორი გორდიანუსი, ხოლო 260 წ. რომაელებმა მარცხი განიცადეს სპარსელებთან ომში, იმპერატორი ვალერიანე ტყვედ ჩავარდა და ტყვეობაში გარდაიცვალა.

III ს. მეორე ნახევარში სახალხო აჯანყებების მძლავრი აღმავლობით დაშინებული მიწისმფლობელი ნაგნატები საიმპერატორო აქლისუფლებათან მორიგებას ცდილობენ, დიდკაცობის სხვადასხვა დაჭფუფებები ერთიანდებიან და იმპერატორების კლავდიუს I (268—270) და ავრელიანეს (270—275) დროს იმპერია თანდათან კვლავ ძველ საზღვრებში აღდგება. III ს. ბოლოსთვის გაბატონებული კლასი ანერბებს წარმოების მონათმფლობელური წესის კრიზისის დროებით დაძლევას. იმპერიის, როგორც ექსპლუატირებული მასების დათრგუნვის ორგანოს, შენარჩუნებას. იმპერატორ დიოკლეტიანეს მმართველობაში (284—305) იწყება რომის იმპერიის მოჩვენებითი განმტკიცების უკანასკნელი, საკმაოდ ხანმოკლე პერიოდი⁷.

მაგრამ ამ ერთგვარი სტაბილიზაციის შემდეგაც იმპერია მაინც საგრძნობლად იყო დასუსტებული როგორც პოლიტიკურად, ისე ეკონომიურად⁸.

აქეთ პირობებში ქართულ სახელმწიფოებრივ ერთეულებს თითქოს ხელსაყრელი კონიუნქტურა უნდა შექმნოდათ რომთან ურ-

⁵ Всемирная история, т. II, стр. 737

⁶ Т. М о м м з е и, История Рима, т. V, М., 1949, стр. 389—396.

⁷ С. И. К о в а л е в, Е. М. Ш т а е р м а н, Очерки..., стр. 280—283.

⁸ Н. А. М а ш к и н, Из истории африканских городов в II—III вв. н. э., ВДИ, 1951, № 2, стр. 70—83; С. И. К о в а л е в, К вопросу о характере социального переворота III—V вв. в Западной Римской империи, ВДИ, 1951, № 3, стр. 39—44.

თიერობაში: ქართლს (იბერიას) შეეძლო უფრო თავისუფლად ემოქმედა და განეფითარებინა თავისი წარმატებები, რომლებსაც ახ. წ. II ს-ში მიაღწია, ხოლო დასავლეთ ქართულ სამეფოებს უნდა მეტი დამოუკიდებლობისათვის მიეღწიათ. მაგრამ სწორედ ამ დროს აღმოსავლეთში, ირანში მოხდა მნიშვნელოვანი მოვლენები, რომელთაც არა მარტო ხელი შეუშალეს ქართულ სახელმწიფოთა მდგომარეობის გაუმჯობესებას, არამედ კიდევ უფრო გაართულეს იგი. განსაკუთრებით მძიმე სიტუაცია შეექმნა ქართლის სამეფოს.

III ს. დასაწყისისათვის მწვავე შინაგანმა კრიზისმა მოიცვა პართიის სამეფოც. შინაგანმა წინააღმდეგობებმა, გამუდმებულმა ვადატრიალებებმა სამეფო კარზე, ცალკეულ ოლქთა მმართველებს სეპარატისტულმა ტენდენციებმა, მის შემადგენლობაში მყოფ სხვადასხვა ტომთა აჯანყებებმა დაასუსტეს პართიის სახელმწიფო; მას უკვე აღარ ძალუძს წინ აღუდგეს დასუსტებულ რომის იმპერიასაც კი და იძულებულია დაუთმოს მას პროვინციები მესოპოტამიასა და ამიერკავკასიაში.

სწორედ ამ დროს ირანის ზეგანის ოლქებს შორის შესამჩნევად დაწინაურდა ფარსის პროვინცია (ბერძნულად — „პერსიდა“), სადაც ოდესღაც აქემენიდების მძლავრ სამეფოს ჩაეყარა საფუძველი. ამ ხანებისათვის პართული არისტოკრატის ნაწილი შეიჯნვებ ცენტრალიზაციის აუცილებლობას და ამ გზით სახელმწიფოს განმტკიცებისათვის იხრება. მაგრამ საამისო ძალა არშაკიდების დინასტიას უკვე აღარ შესწევდა. მისი მმართველობით უკმაყოფილო დადჯაცობა, გვაროვნული არისტოკრატია, თავს იყრის ორი უმთავრესი ცენტრის სტახრისა (ისტახრი, ბერძნ. პერსეპოლისი) და ფასარგადის გარშემო; სწორედ ამ ორ ქალაქში განსაკუთრებით ძლიერი იყო ზორთასტრიზმის რელიგიური სისტემა, რომელიც ნათრას პართულ კულტსა და ელინისტურ რელიგიურ რწმენებს უპირისპირდებოდა⁹.

ზორთასტრულ ქურუმებად სტახრში იყვნენ სასანიანთა გვარის წარმომადგენლები. სწორედ ეს საგვარეულო გამოდის ფარსის გამაერთიანებელთა და არშაკიდების წინააღმდეგ ბრძოლაში გვაროვნული არისტოკრატის ბელადთა როლში. ამ საგვარეულოს ერთ-ერთი წარმომადგენელი არდაშირ პაპაკის ძე, რომელსაც მზარს უჭერს არა მარტო სპარსელი არისტოკრატია, არამედ

⁹ ვ. გაბაშვილი, სასანიდური ირანის სახელმწიფო, ნაჩვენებები მახლობელი აღმოსავლეთის ისტორიიდან, 1957, გვ. 22—23.

ორი გავლენიანი პართული საგვარეულოც — კარენებისა და სურენების — აერთიანებს მთელ ფარსს, იმორჩილებს ცენტრალურ ირანს, კერმანისა და ჯეის (აწინდ. ისფაჰანი) სამთავროებს და იჭრება ხუზისტანში, დასავლეთ ირანის ერთ-ერთ უმნიშვნელოვანეს ოლქში. აქედან არღამირი ჩრდილოეთისაკენ დაიძრა და მიდიამი, რომიზდაგანის ველზე 224 წ. სასტიკად დაამარცხა პართიის უკანასკნელი მეფე არტაბან V, რომელიც აქვე, ბრძოლის ველზე იღუპება. სწორედ ეს თარიღი არის ბოლო ხანებში მიღებული ირანის ისტორიაში სასანური ხანის დასაწყისად¹⁰, თუმცა არღამირის ოფიციალური კურთხევა ირანის მეფედ ქტეზიფონში 226 თუ 227 წ. მოხდა¹¹.

მეფედ კურთხევის შემდეგ არღამირი თანამიმდევრულად განაგრძობს დაპყრობებს, რის შედეგადაც ძირითადად გაერთიანდნენ ერთ სახელმწიფოში სპარსული ოლქები, იაე როგორც ეს აქემენიდების დროს იყო¹².

სასანიანთა გამეფება როდი წარმოადგენდა ჩვეულებრივ გადატრიალებას სამეფო კარზე; ის ირანში მიწმდინარე რთული პროცესებით, ფეოდალურ ურთიერთობათა განვითარებით იყო გამოწვეული და დიდუკობის სხვადასხვა დაჯგუფებების ცენტრალიზებული სახელმწიფოს შექმნისადმი მისწრაფების შედეგს წარმოადგენდა.

სასანიდების გამეფება მოასწავებდა სახელმწიფოს შემდგომ ცენტრალიზაციას, სამმართველო აპარატის მოწესრიგებასა და განმტკიცებას. ადგილობრივი მმართველები, ჩატარებული რეფორმების შედეგად, კარგავენ ოდინდელ დამოუკიდებლობას და უფრო მეტად ემორჩილებიან შაჰან-შაჰის ძლიერ ზელისუფლებას¹³.

რეორგანიზაცია განიცადა არმიაშიც. უკვე არღამირ I დროს ფართოდ იქნა გამოყენებული, ადგილობრივ თავისუფალ მწარმოებელთა (აზატთა) ლაშქრის გვერდით, დაქირავებული რაზმები,

¹⁰ A. Christensen, *L'Iran sous les Sasanides*, Copenhagen, 1944, გვ. 88. Б. Н. Заходер, *Сасанидский Иран*, ИЖ, 1938, № 12.

¹¹ Th. Nöldeke, *Geschichte der Perser und Araber zur Zeit der Sasaniden*, Leiden, 1879, გვ. გვ. 13—15, 409—411; F. Sarre, E. Herzfeld, *Iranische Felsreliefs*, Berlin, 1910, გვ. 98.

¹² Н. В. Пигулевская, А. Ю. Якубовский и др., *История Ирана*, М.-Л., 195, стр. 39—40.

¹³ A. Christensen, *L'Iran...*, გვ. გვ. 144, 278—280, 410—412; Th. Nöldeke, *Geschichte der Perser...*, გვ. 448—450.

რომლებიც ქირას შაჰან-შაჰისაგან იღებდნენ და ამიტომ მისი ერთ-
გულნი იყვნენ. შეიქმნა აგრეთვე სამეფო გვარდია, ე. წ. „უკვდავე-
ბი“. დაქირავებული რაზმების ორგანიზაციამ და სამეფო გვარდიის
ჩამოყალიბებამ, მეფეს დანარჩენ არმიზზედაც მოუპოვა გავლენა და
ის ამიერიდან მეფის ხელისუფლების უფრო მორჩილი გახდა¹⁴.

დიდი მნიშვნელობა ჰქონდა აგრეთვე ძველი ირანული რელი-
გის — ზოროასტრიზმის აღდგენასაც. ზოროასტრიზმი არშაკიდების
დროსაც რჩებოდა ძალაში, მაგრამ მას არ ჰქონდა უპირატესი
წდგომარეობა, სასანიანთა დროს კი ლეგენდარული ზარატუშტრას
მოძღვრება თანდათანობით დოგმატურ, მებრძოლ რელიგიურ სის-
ტემად იქნა გამოცხადებული და სახელმწიფოებრივ იდეოლოგიურ
სისტემად იქცა. ამით სასანიანებმა მოახდინეს კულტის ცენტრალი-
ზაცია, რამაც მეფის ცენტრალური ხელისუფლების განმტკიცებასაც
შეუწყო ხელი¹⁵.

ამრიგად, III ს. 20-იან წლებში აღმოსავლეთში გაუთავებე-
ლი შინაომებით დასუსტებული, დეცენტრალიზებული, სუსტი არ-
შაკიდური პართიის ნაცვლად, შეიქმნა უფრო მტკიცე, შეკავშირე-
ბული. უკეთ ორგანიზებული სასანიანების სახელმწიფო. ამ გარე-
შობას არ შეეძლო მნიშვნელოვანი ცვლილებები არ მოეხდინა ნახ-
ლობელი აღმოსავლეთის პოლიტიკურ ძალთა თანაფარდობაში.

პოლიტიკური ორგანიზაციისა და სოციალური სტრუქტურის
თვალსაზრისითაც სასანიური ირანი მნიშვნელოვნად განსხვავდებო-
და პართული სახელმწიფოსაგან, მაგრამ საგარეო პოლიტიკის მხრივ
ის, ძირითადად, არშაკიდების ხაზის გამგრძელებლად გვევლინება.
ოღონე სასანიანები ამ პოლიტიკას უფრო ენერგიულად ატარებდ-
ნენ და უფრო აგრესიულ ძალას წარმოადგენდნენ.

სასანიურ ეპოქაშიაც ირანის ძირითად მეტოქეს რომის იმპე-
რია წარმოადგენდა და უკანასკნელთან ბრძოლის მიზეზებიც იგივე
რჩებოდა. რაც რომისა და პართიის ომების დროს: ბრძოლა ნა-
დავლისა და მონათა წყაროებისათვის „ბარბაროსულ ქვეყნებში“ და
სავაჭრო-სატრანზიტო გზებზე გაბატონებისათვის¹⁶.

რომთან პირველი შეტაკებები უკვე სასანიური სახელმწიფოს

¹⁴ A. Christensen, L'Iran..., გვ. გვ. 130—132, 206—218; M. M.

Дьяконов, Очерки истории древнего Ирана, М., 1961, стр. 288—289.

¹⁵ Th. Nöldeke, Geschichte der Perser..., გვ. გვ. 181, 459—461; M. M.

Дьяконов, Очерки..., стр. 292 и сл.

¹⁶ ე. გაბაშვილი, სასანიური ირანის სახელმწიფო, გვ. 27.

ღამაარსებლის არდაშირ I-ის დროს ხდება, როდესაც იმპერატორმა ალექსანდრე სევერუსმა (222—235) დიდი გავრცელებით შეალო თავისი სამფლობელოების სპარსელთაგან დაცვა მესოპოტამიასა და სირიაში. მაგრამ განსაკუთრებით აქტიურად ებრძვის რომს არდაშირის ვაჟი და მემკვიდრე შაბურ I (243—272).

შაბურ I ამარცხებს რომაელებს ცენტრალურ მესოპოტამიაში, ანასთან ბრძოლის ველზე იღუპება იმპერატორი გორდიანუს III (238—244). უკანასკნელის ნემკვიდრე ფილიპე არაბი (244—249) ჩაქვლავებულია შაბურთან ზავი დასდოს და მძიმე კონტრიბუცია გადაიხადოს¹⁷.

მაღე სპარსეთსა და რომს შორის კვლავ ომი დაიწყო. შაბურ I-მა გაანადგურა რომის არმია შუა ევფრატის მარჯვენა ნაპირზე, რასაც სპარსელთა სირიაში, კილიკიასა, კაპადოკიასა და მცირე არმენიაში შეჭრა და აქაური ქალაქების დაკავება მოჰყვა, ბოლოს ქედებსანთან 260 წ. რომაული არმია კვლავ სასტიკად დამარცხდა და იმპერატორი ვალერიანე ტყვედ ჩაგვარდა¹⁸. როგორც სამართლიანად შენიშნავს მ. დიაკონოვი, ეს გამარჯვება უფრო მეტად რომაელთა სისუსტის, ვიდრე სპარსელთა სიძლიერის შედეგი იყო; ეს კარგად დაადასტურა თუნდაც იმ გარემოებამ, რომ ამ ძლევამოსილი ლაშქრობიდან მომავალი შაბურ I დაამარცხა პალმირის მეფემ ოდენატმა, რომელმაც არა მარტო დიდი ზიანი მიაყენა სპარსელებს მათი ევფრატზე გადასვლის დროს, არამედ შენდევ თვით გადალახა ეს მდინარე, წაართვა სპარსელებს მათ მიერ დაკავებული ქალაქები ნისიბისი და კარა და ქტეზიფონანდეც კი მიიღწია¹⁹.

მიუხედავად ცალკეული მარცხებისა, შაბურ I შეძლო თავისი სახელმწიფოს საზღვრების მნიშვნელოვნად გაფართოება და მესოპოტამიასა და არმენიაში თავისი ძალაუფლების დამკვიდრება.

272 წ. გარდაიცვალა შაბურ I და მისი მემკვიდრეების დროს ირანსა და რომს შორის ბრძოლა უკანასკნელისათვის უფრო ხელსაყრელად წარიმართა. ასე მაგალითად, იმპერატორი კარუსი (282—283) შეიჭრა ირანში და მიიღწია სასანიანთა დედაქალაქ ქტეზი-

¹⁷ E. Honigmann, A. Maricq, Recherches sur les Res gestae divi Saporis, Bruxelles, 1953, გვ. 111—130.

¹⁸ Т. Моммзен, История Рима, т. V, стр. 386—387; W. B. Henning, The Great Inscription of Šāpūr I, BSOAS, vol. IX, 1939, გვ. 823 და შემდ.

¹⁹ М. М. Дьяконов, Очерки..., стр. 263.

ფონამდე, რის შედეგადაც დაიდო რომისათვის სასარგებლო ზავი: სპარსეთი ჰკარგავს არმენიაზე კონტროლს²⁰.

უფრო გვიან, უკვე იმპერატორ დიოკლეტიანეს დროს (284—305), რომელზემაც მარცხი აგემეს მეფე ნარსესს (293—302), რომელმაც მანამდე არმენიის დაბრუნება სცადა და იქიდან რომაელთა მიერ გამეფებული თრდატ IV-ის განდევნა. ამ მარცხის შემდეგ ნარსეს იძულებული იყო დაედო არახელსაყრელი ზავი. ეს იყო 298 წლის ნისიბისის ზავი, რომლითაც არმენია და მესოპოტამიის ნაწილი რომის ხელქვეითად იყო აღიარებული²¹.

ეს წარმატებები ერთი მხრივ დიოკლეტიანეს დროს რომის დროებითი სტაბილიზაციითა და ერთგვარი გაძლიერებით, ხოლო მეორე მხრივ, ირანში შინაგანი არეულობითა და ე. წ. მანიქეველთა ფაქტო მობრახობით იყო გაპირობებული²².

ნისიბისის საზავო ხელშეკრულების შემდეგ ვიდრე IV ს. შუა წლებამდე მახლობელ აღმოსავლეთში შედარებითი მშვიდობა დამყარდა. რომსა და ირანს შორის საკამათო ოლქები რომის ძალაუფლების ან მისი პროტექტორატის ქვეშ რჩებოდა. მაგრამ ორივე მხარეს კარგად ესმოდა, რომ ბრძოლა მათ შორის არ იყო დამთავრებული და ორივე ემზადებოდა ახალი ომისათვის. ბრძოლა IV ს. შუა წლებში განახლდა, მაგრამ ამიერიდან სასანიანთა წინააღმდეგ გამოდის უკვე არა ერთიანი რომის იმპერია, არამედ მხოლოდ მისი აღმოსავლეთი ნაწილი, რომელიც ისტორიოგრაფიაში ბიზანტიის იმპერიის სახელითაა ცნობილი.



იმ ცვლილებებმა, რომლებიც ირანში სასანიანთა გამეფებამ გამოიწვია, დიდი გავლენა მოახდინეს ამიერკავკასიის პოლიტიკურ სიტუაციაზე და კერძოდ მნიშვნელოვანი როლი შეასრულეს ქართლის (იბერიის) სამეფოს მდგომარეობის ცვლილებაში.

როგორც ცნობილია, ახ. წ. II ს. ქართლის სამეფო საკმაოდ ძლიერ პოლიტიკურ ერთეულს წარმოადგენდა. იგი დამოუკიდებელ საგარეო პოლიტიკას ატარებდა და არამც თუ რომსა და პართიას არ ემორჩილებოდა, არამედ ხშირად მათ წინააღმდეგ მტრულ აქ-

²⁰ A. Christensen, L'Iran..., გვ. 222.

²¹ J. Marquart, Eranšahr nach der Geographie des Pseudo-Moses Chorenaci, Berlin, 1901, გვ. 115.

²² М. М. Дьяконов, Очерки..., стр. 263—264; Н. В. Пигулевская, А. Ю. Якубовский и др., История Ирана, стр. 43.

ციებსაც არ ერიდებოდა. ამჟამად რომის ინტერესთა საზიანოდ მოხდა, მაგალითად, ფარსმან II-ის დროს იბერიის მიერ დასაველეთ საქართველოს სამხრეთ ნაწილში მოსახლე ზიდრიტთა ტომის დამორჩილება, რის შედეგადაც იბერია რომაულ სამფლობელოთა შორის სოლივიტ შეიქრა და შავ ზღვაზე გავიდა. არ ერიდება ფარსმან II პირთიასაც და მოკავშირე ჩრდილოკავკასიურ ტომთა ძალებით მასზე და რომის პროვინციებზე თავდასხმებს უკეთებს ორგანიზაციას²³.

III ს. ვითარება ამიერკავკასიაში საგრძნობლად შეცვლილი ჩანს. ამ დროისათვის ჩვენს განკარგულებაშია მნიშვნელოვანი ეპიგრაფიკული ძეგლი, რომელიც შეიცავს მეორე სასანიანი მეფის — შაბურ I-ის მოღვაწეობის აღწერას მისი მეფობის პირველ ოცწლეულში. ესაა სამეწოვანი (პართულ-ფალაური, სასანურ-ფალაური და ბერძნული) წარწერა, გამოკვეთილი პერსეპოლისის მახლობლად, ნაკში-რუსტანში მდებარე ზოროასტრის ტაძრის ე. წ. „ზოროასტრის ქაბის“ (Ka'ba-i Zardost). ამ წარწერაში შაჰან-შაჰის ქვეშევრდომთა შორის დასახელებულია — ბერძნულ ტექსტში ქვეყანა მახელონია (Μαχελονία), ხოლო ფალაური ტექსტის შესაბამის აღვილას—ქვეყანა სიკან (Syk'an)²⁴.

სამეცნიერო ლიტერატურაში გარკვეულია, რომ ეს ქვეყანა იდენტურია ანტიკურ წყაროებში შავი ზღვის სამხრეთ-აღმოსავლეთ სანაპიროზე დასახელებულ მაკრონების (ვარიანტ. მახელონების) სამეფოსი²⁵. ახ. წ. II ს., როგორც ეს რომაელი მწერლის ფლავიუს არიანეს ცნობებიდან ჩანს, მაკრონებსა (მახელონებსა) და მათ მეზობელ ჰენიოხებს ერთიანი სამეფო ჰქონიათ, რომელიც რომის „მოკავშირე“, ანუ ფაქტიურად ვასალური სახელმწიფო ყოფილა. სწორედ ამ მაკრონ-ჰენიოხთა სამეფოს ჩრდილოეთიდან ემეზობლებოდნენ ზიდრიტები, რომლებიც, როგორც აღვნიშნეთ, იბერიის მეფეს ფარსმან II-ეს ემორჩილებოდნენ²⁶.

როგორც შაბურ I წარწერიდან ირკვევა, მაკრონ-ჰენიოხების

²³ მ. ი ნ ა ძ ე, იბერიისა და რომის ურთიერთობა II ს-ის პირველ ნახევარში, იმ, ტ. I, 1955, გვ.გვ. 321—332, 353—362; Г. А. М е л и к и ш в и л и, К истории древней Грузии, Тбилиси, 1953, стр. 354—359.

²⁴ E. H o n i g m a n n, A. M a g i c q, Recherches..., გვ. 11.

²⁵ იქვე, გვ. 64—76; Г. А. М е л и к и ш в и л и, К истории др. Грузии, стр. 380—390.

²⁶ A r r i a n, P P E, § 11; მ. ლ მ თ უ რ ი, ეგრისის სამეფოს ისტორია, 1968, გვ. 7—10.

სამეფოს III ს. 60-იან წლებში (წარწერა 262 წ. არის ამოკვეთილი): თითქოს დამოუკიდებლობა დაუკარგავს და სპარსეთის მეფის ხელქვეით და მოხარკე ქვეყნად ქცეულა. იქვენ არ ვიცით, როგორი იყო მახელონიის ირანზე დამოკიდებულების რეალური ხასიათი, ან იყო თუ არა იგი ნამდვილად დაპყრობილი შაბურ I-ის დროს: საქმე ისაა, რომ, როგორც ქვევით დავინახავთ, „ზოროასტრის ქააბის“ წარწერაში ირანის შაჰან-შაჰის მოხარკე ქვეყნებს შორის დასახელებულია ზოგჯერ ისეთებიც, რომლებიც მას უშუალოდ არ დაუპყრია, არანედ ან ბრძოლაში დაუმარცხებია, ან დაულაშქრავს. ერთი კი ცხადია, თუ კი მახელონია მართლაც შედიოდა სპარსეთის ხელქვეით ოლქთა შემადგენლობაში, ეს შეიძლებოდა მხოლოდ ხანმოკლე დროით მომხდარიყო. საქმე ისაა, რომ შაბურ I-ის შემდეგ რომაელებმა სპარსელებთან ბრძოლაში მნიშვნელოვან წარმატებებს მიღწიეს: იმპერატორი კარუსი შეიჭრა მესოპოტამიაში, სპარსელებმა დაკარგეს კონტროლი არმენიაზე (283 წ.), ხოლო ნისიბისის საზავო ხელშეკრულებით (298 წ.), ირანმა კარგა ხნით დაკარგა ძალაუფლება სომხეთსა და მესოპოტამიაში. ცხადია, რომ ასეთ პირობებში შეუძლებელია ირანს შავი ზღვის სამხრეთ-აღმოსავლეთ სანაპიროზე რაიმე გავლენა შეენარჩუნებინა. ამდენად, თუ კი მახელონია როდისმე ირანის ქვეშევრდომ ქვეყნებში შედიოდა, III ს. 80—90-იან წლებში რომს ის უკან უნდა დაებრუნებინა.

რაც შეეხება იბერიის ქვეშევრდომობაში მყოფ ზიდრიტებს, ისინი შემდეგდროინდელ წყაროებში არ იხსენიებიან და რომაელთა სამფლობელოს უშუალოდ ემეზობლება ლაზეთის (ეგრესის) სამეფოს ტერიტორია²⁷. როგორც ქვევით დავინახავთ, შაბურ I-ის დროს იბერია საკმაოდ რთულ ვითარებაში მოექცა და მასაც უნდა გარკვეული ხნით ირანის ქვეშევრდომობა თუ არა, მასზე გარკვეული დამოკიდებულება ეცნო (იხ. გვ. 35). ვფიქრობთ, რომ მახელონიის დამორჩილება თუ დალაშქრა უნდა მომხდარიყო იმავე ხანებში, როდესაც შაბურმა რომთან ბრძოლაში საერთო წარმატებებს მიღწია და ამიერკავკასიის ქვეყნებშიაც თავისი გავლენა გაავრცელა. ასეთ სიტუაციაში საექვოა იბერიას მახელონიის მეზობელ ზიდრიტთა ტერიტორია შეენარჩუნებინა, ხოლო შემდეგ, როცა რომმა მახელონია კვლავ დაიბრუნა, მას უნდა ზიდრატთა ტომის მიწაწყალიც თავის ხელქვეითად გაეხადა — ის, როგორც ჩანს, რომის მოკავშირე ლაზთა სამეფოს შემადგენლობაში შევიდა²⁸.

²⁷ Г. А. М е л и х и ш в и л и, К истории др. Грузии, стр. 390.

²⁸ Б. Л о м о т о р а, ეგრისის სამეფოს ისტორია, გვ. 66—70.

ამრიგად, მახლობელ აღმოსავლეთში შექმნილმა ახალმა პოლიტიკურმა სიტუაციამ იბერიას პირველ რიგში იმ ხრივ მიაყენა ზიანი, რომ მან დაკარგა მიხთვის ესოდენ მნიშვნელოვანი გასასვლელი შავ ზღვაზე.

ამას გარდა, ჩვენ მოგვეპოვება წყაროთა სხვა მონაცემები, რომლებიც ამიერკავკასიის ქვეყნებისა და კერძოდ ქართლის სასაზღვრო ირანთან ურთიერთობაზე მოგვითხრობენ ამ დინასტიის პირველ წარმომადგენელთა დროს.

X ს. დასაწყისის არაბმა ისტორიკოსმა ტაბარიმ შემოგვინახა ცნობა, რომ არტახანზე გამარჯვების შემდეგ, არდაშირ I გამართა ჰამაღანისაკენ (ე. ი. მიდიისაკენ), „ძალით დაიპყრო იგი, აგრეთვე დანარჩენი მთიანეთი, აღორბაიგანი (ირანის აზერბაიჯანი), არმენია, მოსულის ოლქი და ასურისტანი“²⁹. ამ ცნობიდან გამომდის, რომ უკვე პირველი სასანიანი მეფის — არდაშირ I-ის დროს სპარსელები უშუალოდ დაუემზობოდნენ ქართლს. მაგრამ ტაბარის ამ ცნობის შედარებამ სხვა მონაცემებთან, კერძოდ დიონ კასიუსის „რომის ისტორიის“ და არდაშირ I-ის „ცხოვრების“, ანუ „კარნამაკის“ მონაცემებთან საფუძველი მისცა თ. ნიოლდეკეს დაესკვნა, რომ ტაბარის ცნობა გვიანდელ ინტერპოლაციას წარმოადგენს და რეალურ ისტორიულ ვითარებას არ შეეფერება. შესაძლოა, აღნიშნავს თ. ნიოლდეკე. არდაშირი ამ მიმართულებით მართლაც აწამოებდა ბრძოლებს. მაგრამ წარმატებისთვის არ მიუღწევია, ყოველშემთხვევაში არმენია არ დაუპყრია³⁰. ასეთივე შეხედულებისა არიან სხვა მკვლევარნიც³¹.

ტაბარის, როგორც ირკვევა, სხვა შეცდომებიც მოსდის: კერძოდ. ექვს იწვევს მისი ცნობა არდაშირის მიერ ქუშანის დაპყრობის შესახებ და საერთოდ მისი მონაცემები ეწინააღმდეგება მოვლენათა თანამედროვე წყაროების ჩვენებებს არდაშირის აღმოსავლურ დაპყრობათა შესახებ³².

²⁹ Th. Nöldcke, Geschichte der Perser..., გვ. 15.

³⁰ Th. Nöldcke, Geschichte des Ardašir-i Pāpākān, BKIS, 4. Bd., Göttingen, 1878, გვ. 30—31.

³¹ ვ. გაბაშვილი, სასანიური ირანის სახელმწიფო, გვ. 27; A. Christensen, L'Iran..., გვ. 219; М. М. Дьяконов, Очерки..., стр. 260.

³² Th. Nöldcke, Geschichte der Perser..., გვ. 17; В. Г. Луконин, Завоевание Сасанидов на востоке и проблема кушанской абсолютной хронологии, ВДИ, 1969, № 2, стр. 22—27.

არსებობს მოსაზრება, რომ ტაბარისთან მოცემული ჩამოთვლა თითქოსდა არაღმირ I-ის მიერ დაპყრობილი ქვეყნებისა, რეალურად უნდა იყოს უფრო გვიანდელი ხანის ირანის ადმინისტრაციული დაყოფის სურათი, ე. ი. ტაბარის წყაროში აღწერილი იყო არა არღამირის ნამდვილი დაპყრობები, არამედ ჩამოთვლილი იყო ის ოლქები, რომლებიც მას უნდა დაემორჩილებინა³³.

რომ არმენია არამცთუ დაპყრობილი არ ყოფილა არღამირის დროს, არამედ რომის ხელქვეით რჩებოდა, ამაზე მიუთითებს არღამირ I-ის თანამედროვე იმპერატორის ალექსანდრე სევერუსის ბიოგრაფის ელიუს ლამპრიდიუსის ცნობა, რომ არმენიაში დანიშნული იყო მხედართმთავარი იენიუს პალმატუსი და რომ აქაც, ისევე როგორც მავრიტანიასა, ილირიასა და სხვა ადგილებში ალექსანდრეს „საქმენი ბედნიერად წარიმართებოდა“³⁴.

საინტერესოა, რომ არღამირის გამეფებისა და მისი მოღვაწეობის შესახებ ცნობები შენოკვინაზეს სომხურმა და ქართულმა წყაროებმაც.

იგანსაკუთრებით დაწვრილებით აგვიწერს არტაბანის დაღუპვას, არღამირის გამეფებასა და სახელმწიფოს გაერთიანება-შემომტკიცებისათვის ხანგრძლივ ბრძოლებს მოვსეს ხორენაცი (V ს.). სომეხი ისტორიკოსის ცნობით, ამ ბრძოლებში აქტიურად მონაწილეობს სომხეთის მეფე ხოსროვი, რომელიც ცდილობს დახმარება გაუწიოს თავის ნათესავებს „ქარენ-ფაპლავის გვარს“ არღამირის წინააღმდეგ აჯანყებაში; მაგრამ მას შემდეგ, რაც ირანის ყველაზე გავლენიანმა გვარებმა — სურენებმა და სპახპატებმა არ დაუჭირეს მხარი ხოსროვს და არღამირმა კი გაანადგურა ქარენ-ფაპლავის გვარი, ხოსროვი, ჯერ რომის იმპერატორის ფილიპე არაბის დახმარებით, ხოლო შემდეგ რომაელთა დაუხმარებლად, ამარცხებს არღამირს, სდევნის მას ვიდრე ინდოეთამდე. ამის მერე არღამირი მიუგზავნის ხოსროვს მკვლელს — სურენთა გვარის წარმომადგენელს ანაკს, რომელიც წარმატებით ასრულებს დავალებას; ხოსროვის მოკვლის შემდეგ არღამირი იჭრება სომხეთში; აქაური ნახარაები ხოსროვის ვაჟთან თრდატთან ერთად თავს აფარებენ „საბერძნეთს“, ე. ი. რომს; იმპერატორი ტაციტუსი მოდის სომხეთა დასახმარებლად, მაგრამ მარცხდება და სომხეთი ირანის ძალა-

³³ В. Г. Луконин, Завоевание Сасанидов на востоке..., стр. 23.

³⁴ SHA, XVIII, 58, 1; შავ. J. Harmtta, Minor Bactrian Inscriptions, ААН, XIII, 1—2, 1965, გვ. 190—192.

უფლების ქვეშ რჩება³⁵. მოვსეს ხორენაციო, არდაშირს ურთიერთობა აქვს იმპერატორ პრობუსთან, მის წინააღმდეგ იბრძვის იმპერატორი კარუსი და მის დროსვე იღუპება იმპერატორი ნუმერიანე და ტახტზე აღის დიოკლეტიანე³⁶. მხოლოდ ამის შემდეგ კვდება არდაშირი და სპარსეთის მეფე ხდება მისი ძე შაპუჰი, ანუ შაბურ³⁷.

როგორც თვით მოვსეს ხორენაცი იუწყება, აღწერილი მოვლენები მას გადმოცემული აქვს ძირითადად ორი წყაროს საფუძველზე: პირველი ესაა ხოსროვის ვაჟის თრდატის მდივანი ავათანგელოზი, რომელსაც მოკლედ ჰქონია მოთხრობილი სასანიანთა გამეფების, ხოსროვის ირანში ძლევამოსილი ლაშქრობების და ხოსროვის ანაკისაგან მოკვლის ამბები³⁸.

მაგრამ, მოვსეს ხორენაციასვე თქმით, ძირითადი წყარომისთვის არის „ისტორიული წიგნი უძველეს დროთა შესახებ“, რომელსაც სპარსელები „როსტსოხუნ“-ს („მართალი სიტყვა“) უწოდებენ და რომელიც შაბურ II თანამედროვეს ბარსუმას (თუ ბარსენას?) დაუწერია. ეს ნაწარმოები, ხორენაციის სიტყვით, ბერძნულად უთარგმნია შაბურ II-ის მდივანს ხორხბუტს, რომელიც ბარსუმასთან ერთად IV ს. 60-იან წლებში ტყვედ ჩაუგდიათ რომაელებს³⁹.

ამრიგად, მოვსეს ხორენაციის წყაროები III და IV საუკუნეებს განეკუთვნება და ამდენად თითქოს საკმაო ნდობას იმსახურებს. აშკარაა, რომ სომეხი ისტორიკოსის მონათხრობში ბევრი ისტორიული ფაქტი აისახა. ასე, მაგალითად, ხოსროვის ბრძოლა არდაშირის წინააღმდეგ და მისი წარმატებები, როგორც ჩანს, ასახავს. ცნაღია ვაზვიადებით, არდაშირის მარცხს არმენიაში. გასათვალისწინებელია სომხეთის დაპყრობის ცალკეული დეტალებიც, რომელთაც ისეთი ნიშანდობლივი სახე აქვთ, რომ ძნელი დასაშვებია ისინი გამოვლილი იყოს. მაგრამ, ამასთან ერთად, მოვსეს ხორენაცი სრულიად აშკარა შეცდომებს უშვებს, განსაკუთრებით მოვლენათა ქრონოლოგიაში. ასე მაგალითად, არდაშირის მიერ უკანასკნელი პართელი მეფის არტაბანის მოკვლა მოვსეს ხორენაციის რომის იმპერა-

³⁵ მოვსეს ხორენაცი, სომხეთის ისტორია, II, 71—76.

³⁶ იქვე, II, 77—79.

³⁷ იქვე, II, 81.

³⁸ იქვე, II, 74.

³⁹ იქვე, II, 69—70.

ტორის ფილიპე არაბის ხანაში აქვს გადმოტანილი: როგორც კი ხოსროვმა შეიტყო, რომ არტახანი მოკლეს და სპარსეთში ხელისუფლება არდაშირმა იგდო ხელთ, მან ამის შესახებ დაუყოვნებლივ შეატყობინა ფილიპეს⁴⁰. ფილიპე არაბი კი 244 წელს გამეფდა. ე. ი. არდაშირის გარდაცვალებიდან ორი წლის შემდეგ.

საერთოდ მოვსეს ხორენაცის მიხედვით, არდაშირი თანამედროვეა არა მარტო ფილიპე არაბისა, არამედ დეციუსის, ვალერიანეს, კლავდიუს II, ავრელიანეს, ტაციტუსის, პრობუსის, კარუსის და ნუმერიანესი, ე. ი. გამოდის, რომ მას 284 წელს უტოვებია (ამ წელს მოკლეს ნუმერიანე და გამეფდა დიოკლეტიანე). ცხადია ანუენად, რომ მოვსეს ხორენაციმ არდაშირის სახელით გააერთიანა სასანიანთა რამდენიმე მეფე, ისტორიკოსი ყოველთვის ვერ ადგენს, კონკრეტულად რომელი მეფის დროს მოხდა ესა თუ ის მოვლენა. ასეთივე შეცდომები მოსდის ხორენაცის პირველ სასანიანთა აღმოსავლური პოლიტიკის აღწერისას, რის გამოც, როგორც ეს სამართლიანადაა აღნიშნული სპეციალურ ლიტერატურაში, „სომხეთის ისტორიის“ ცნობები ძნელი გამოსაყენებელია სასანიანთა აღმოსავლური პოლიტიკის რეკონსტრუქციისათვის⁴¹.

ქმსგავსი ცნობები შენახულია აგრეთვე X ს. სომეხი ისტორიკოსის უხტანესის „ისტორიაში“; აქ მოთხრობილია, რომ სომეხთა მეფემ ხოსროვმა შეკრიბა ჯარი ალბანეთიდან, იბერიიდან, ლბინთა, ჯილბთა, კასპიათა და სხვა ტომთაგან და მარცხი აგემა არდაშირ პაპაკანს, ამასთან სასანიანთა წინააღმდეგ ბრძოლაში მას დახმარება გაუწია რომაელთა მეფემ ფილიპემ⁴². უკანასკნელის მოხსენიება ცხადყოფს რომ უხტანესიც შეცდომას უშვებს და მის მიერ აღწერილი მოვლენები შეიძლებოდა მომხდარიყო მხოლოდ შაბურ I-ის დროს, რამდენადაც სწორედ ამ უკანასკნელის თანამედროვე იყო ფილიპე არაბი, მეორეს მხრივ, შაბურ I-ის დროს საეკვოა ხოსროვის ასეთ წარმატებებზე შეიძლებოდაც ლაპარაკი, რადგან როგორც ნაჩვენებია იყო, სწორედ ფილიპე არაბი იყო იძულებული

⁴⁰ მოვსეს ხორენაცი, სომხეთის ისტორია, II, 71.

⁴¹ В. Г. Л у к о н и н и, Завоевание Сасанидов на востоке, стр. 27—30.

⁴² M. Grosset, Deux historiens arméniens: Kirakos de Gantzac, XIII^e s., Histoire d'Arménie; Oukhtanès d'Ourha, X^e s., Histoire en trois parties, Liv. I—II, St.-Pét., 1870—71.

არაბელსაყრელი ზავი დაედო სასანიანებთან და კონტრიბუცია გადაეხადა.

ამრიგად, როგორც მოვსეს ხორენაცის, ისე უხტანეის მონათხრობში ერთმანეთს შეეჯწყა ორი სხვადასხვა დროის ნოვლენა: არდაშირის წარუმატებლობა სომხეთში და ფილიპე არაბის მონაწილეობა სომხეთისათვის დავაში; პირველის (არდაშირის მარცხი არმენიაში) ზეგავლენით, სომხურ წყაროებში ფილიპე არაბის ფაქტიური მარცხი (არაბელსაყრელი ზავის დადება) პირიქით წარმატებად იქცა და წამყვანი კი ამ წარმატებებში გახდა სომეხთა მეფე.

ერთი რამ, ყოველშემთხვევაში, სრულიად უდავოა: სომხეთის დაპყრობა ირანის მიერ, მოვსეს ხორენაცის და უხტანეისის მიხედვითაც შეუძლებელია არდაშირ I-ის ხანას მიეკუთვნოთ და რეალურად ეს უნდა ნომზღარიყო მისი მემკვიდრის შაბურ I-ის დროს. სწორედ უკანასკნელის თანამედროვენი იყვნენ იმპერატორი ფილიპე არაბი და ხორენაცის მიერ დასახლებული მისი მომდევნო იმპერატორებიც ვიღრე ავრელიანემდე. ასეთი კორექტივით მოვსეს ხორენაცის მონაცემთა გამოყენება სომხეთ-ირანის ურთიერთობის შესწავლისას, საეხებით შესაძლებელია.

სასანიანთა მიერ ხელისუფლების ხელში ჩაგდება აისახა ქართულ წყაროებშიაც, კერძოდ ლეონტი მროველის „მეფეთა ცხოვრებაში“. ლეონტი მოგვითხრობს, რომ ქართლში ოცდამესამე მეფის ასფაგურის მმართველობაში „მეფე იქმნა სპარსეთს ქასრე ანუ შირვან სასანიანი, რომელმან მოსრნა მეფენი აულანანიანი, რომელი იცნობებოდა არდაბირობით (ვარ. არდაშირობით), ვითარცა წერილ არს ცხოვრებასა სპარსთასა“⁴³.

შემდგომი ნოვლენები ქართულ მატრიანეშიაც იმავე თანმიმდევრობითაა აღწერილი, როგორც მოვსეს ხორენაცისთან, მაგრამ, უკანასკნელისაგან განსხვავებით, სპარსეთის წინააღმდეგ ბრძოლაში ლეონტი მროველი უფრო მნიშვნელოვან როლს ანიჭებს ქართველებს: სწორედ ქართლის მეფე ასფაგურს გადმოჰყავს ჩრდილოეთ კავკასიიდან ოვსნი, ლეკნი, ხაზარნი, მისი შეწევნით იმარჯვებს სომეხთა მეფე კოსარო (იგივე ხოსროვი) და ისინი ერთობლივ იწყებენ „შესლვას სპარსეთად და ტყუენვას სპარსეთისა“. ამას გარდა, შემდეგ, როცა ხოსროვ-კოსარო მოკლეს, ლეონტის თანახმად, პირველმა სასანიანმა მეფემ, სომხეთთან ერთად, ქართლიც მოაოხრა და აქაც გაბატონდა⁴⁴.

⁴³ ქართლის ცხოვრება, წ. I, ს. უახხიშვილის გამოცემა, 1955, გვ. 59.

⁴⁴ იქვე, გვ. 59—62.

როგორც დავინახეთ, სპარსეთში დინასტიის შეცვლას⁴⁵ ლეონტი მროველი მიაწერს ქასრე ანუ შირვანს, „რომელი იცნობების არდაშირობით“. ამ მხრივ ლეონტის ცნობა სრულიად განსხვავდება სხვა წყაროთა, მათ შორის მოვსეს ხორენაცის მონაცემებისაგან. ლეონტი აქ აშკარა შეცდომას უშვებს, როცა ერთ პიროვნებაში აერთიანებს გვიანდელი ხანის სპარსეთის მეფეს ხოსრო ანუ შირვანს (531—579) და არდაშირ I. უნდა ვიფიქროთ, რომ ლეონტი მროველის რომელიღაც წყაროში ხოსრო ანუ შირვანი არდაშირის ტიტულით იყო მოხსენიებული⁴⁶ და სწორედ ეს გახდა შეცდომის წყარო მემატეანისათვის, რომელმაც VI ს. მეფე სასანიანთა დინასტიის ფუძემდებლად გამოაცხადა. მეორე მხრივ, რამდენადაც ლეონტი მროველის მიერ აღწერილი მოვლენები, კერძოდ სომეხთა მეფის მოკვლა და სომხეთის დაპყრობა, სომეხთა ისტორიკოსების მიერაც არდაშირ I-ის მეფობაშია გადატანილი და რეალურად კი არ შეიძლებოდა შაბურ I-მდე მომხდარიყო, აპარსელთა მიერ ქართლის დარბევაც არ შეიძლება პირველი სასანიდის დროს ვივარაუდოთ.

როგორც აღნიშნული იყო, არდაშირმა ვერც არმენიაში და ვერც ნიღიაში წარმატებებს ვერ მიაღწია; ცხადია, რომ მას მით უფრო არ შეეძლო ქართლზე თავდასხმა, მისი აოხრება, ან მითუმეტეს, დაპყრობა.

სულ სხვა ვითარება დამყარდა შაბურ I-ის დროს. მისი მეფობის პირველი ოცწლეულის საგარეო პოლიტიკის შედეგთა თავისებურ აღნუსხვას წარმოადგენს ჩვენს მიერ უკვე ხსენებული საინოვანი წარწერა „ზოროასტრის ქააბაზე“. წარწერის დასაწყისი ასე იკითხება⁴⁷: „მე, თაყვანისმცემელი მაზდასი, უფალი შაპორი, მეფეთა-მეფე ირანისა და არაირანისა, შთამომავალი ღმერთებისა,

⁴⁵ რომ აქლანთან მეფეებში, რომლებიც „მოსრნა“ პირველმა სასანიანმა, რეალურად იგულისხმებიან არშაკიდები, ვარაუდობდა ჟერ კიდეე პ. პატკანოვი: *О древнегрузинской хронике*, ЖМНП, XII, 1889, გვ. 215; უკანასკნელად ეს საკითხი დაწერილებით იყო განხილული და დაზუსტებული გ. მამულიას მიერ: „ქართლის ცხოვრების“ წყაროს გარკვევისათვის, სმამ, ტ. XXXIII, № 1, 1964, გვ. 251—256.

⁴⁶ სახელი არდაშირი გვიან ხშირად იხმარებოდა როგორც სასანიდი მეფეების ტიტული.

⁴⁷ წარწერის თარგმანი მოგვაქვს ბერძნული ვარიანტიდან: E. Honigman n. M. Maricq, *Recherches...*, გვ. 11. ვიყენებთ აგრეთვე ფალაური და შუასპარსული ვარიანტების გამოცემას; M. Spengling, *Third Century, Iran, Sapor and Kartir*, Chicago, 1953.

ძე მაზღას თაყვანისმცემლის უფალის არტაქსარისა, ირანის მეფე-
თა-მეფისა, ღმერთების შთამომავალისა, შვილიშვილი უფალი პა-
პაისა, მეფისა. მე — ირანის ხალხთა მბრძანებელი ვფლობ ქვეყ-
ნებს: პერსიდას, პართიას, უძენეს (ხუზისტანს—ნ. ლ.), მესანენეს
(მეშანს — ნ. ლ.), ასირიას, აღიბენას, არაბეთს, აღურზადაგანს.
არმენიას, იბერიას ('Iპერავ), მახელონიას, აღბანიას ('Aღავანავ), ბა-
ლასკანს,⁴⁸ ვიდრე კაპ (?) მთებამდე⁴⁹ და აღანთა კარამდე. ('Aღანთ
პსღან) და პრესუარის⁵⁰ მთელ მთიანეთამდე...“ შემდეგ ჩამო-
თვლილია შაბურის საბრძანებლის სხვა ოლქები.

წარწერის ეს ნაწილი იმ მხრივ არის განსაკუთრებით საინტე-
რესო, რომ აქ ფაქტიურად მთელი ამიერკავკასია (არმენია, იბერია,
მახელონია, აღბანეთი, ბელაქანი, კავკასიის მთებამდე, აღანთა
ანუ დარიალის კარამდე და იალბუზამდე). სპარსეთის შაჰან-შაჰის
სამფლობელოში არის შეტანილი.

უფრო ქვევით, იმავე წარწერაში მოცემულია ირანის მეფეთა
კარის უმაღლეს მოხელეთა ჩამოთვლა, ამასთან ჭერ დასახელებულ-
ნი არიან ისინი, ვინც ხელისუფლება მიიღო არდაშირ I-ის მანის
პაპაისაგან, ე. ი. ფაქტიურად აღნუსხულია მისი კარის შემადგენ-
ლობა პერსიდის (ფარსის) მეფედ ყოფნიასა, შემდეგ ჩამოთვლილი
არიან არდაშირ I-ის კარის დიდმოხელენი და ბოლოს — შაბურ
I-ის კარის მოხელენი; ამ უკანასკნელთა შორის დასახელებულია
„ჰამაზასპი, მეფე იბერიისა“ (Xnpasp Vyrñ M'LK' (პართ.), amšpy
vl rvcan M'LK' (სას.), 'Amazaspas tñ βασιλεύς της 'Iპერავ).⁵¹

ამრიგად, „ზოროასტრის ქაბის“ წარწერა თითქოს ექვს არ
ტოვებს რომ III ს. 60-იან წლებში იბერია ირანის მოხარკე იყო,
ხოლო მისი მეფე შაჰან-შაჰის ხელქვეითი ხელისუფალი. მაგრამ
სანამ ამ საკითხს უფრო დაწვრილებით შევეხებოდეთ, საჭიროდ
მიგვაჩნია კვლავ დაუვბრუნდეთ არდაშირ I-ის ხანას და ამ დროს
ირანთან ქართლის ურთიერთობას. საქმე შემდეგშია: გ. მელიქიშვი-
ლი დასამუშავად თვლის, რომ იბერიის ირანის ხელქვეით მოქცევა

⁴⁸ ბერძნულ ტექსტში აკლია, არის მხოლოდ ფალაურში.

⁴⁹ ამ მთებს გამომცემლები კავკასიონად მიიჩნევენ: E. Honigmann, A. Maricq, Recherches..., გვ. 11.

⁵⁰ ფალაურში „პარიშაჰარ“ (Pryšhwr), გამომცემლები მიიჩნევენ იალბუზად: M. Spengling, Third Century..., გვ. 7.

⁵¹ M. Spengling, Third Century..., გვ. გვ. 9, 12; E. Honigmann, A. Maricq, Recherches..., გვ. 17.

სწორედ შაპურ I-ის დროს მოხდა, ნაგრამ, ამასთანავე, ვარაუდობს, რომ ვარკვეული მეგობრული კონტაქტები იბერიასა და სასანურ ირანს შორის ჯერ კიდევ არდაშირ I-ის დროს დამყარდა. ასეთი ზარპატისა. ანუ სამეფო გვარდიის უფროსისას⁵⁰. რაც შეეხება წარწერა, რომელიც არმაზისხევის ნეკროპოლზე მოპოვებულ ვერცხლის პინაკზეა ამოკვეთილი⁵².

ეს წარწერა პირველად გამოაქვეყნა გ. წერეთელმა. მან აღნიშნა, რომ პირველი სიტყვა წაშლილია და შემორჩენილია მხოლოდ ბოლო ორი ასოს კვალი; შემდეგ ნახსენებია „პიტიახში ღვთაებრივი არდაშირისა, ძისა ღვთაებრივი [პაპაკისა?]“, შემდეგ მეორდება ატყვა „პიტიახში“ (b[h]s[y]) და მოიხსენიება რაღაც ქვეყანა, შესაძლოა იბერია — უკანასკნელი ასოები — rgn — შესაძლებლობას იძლევა აღდგენილ იქნას სიტყვა vrgn|| vrgn — იბერიის სახელის სპარსული ფორმა. წარწერის ბოლოს აღნიშნულია პინაკის წონა: 53 დრაჰმა (ზუზნა)⁵³.

შემდგომ იმავე წარწერის მთლიანი წაკითხვა შემოგვთავაზა შ. ამირანაშვილმა. იგი ტექსტს ასე აღადგენს და კითხულობს: „ფაფაჟ, პიტიახში ღვთაებრივი არდაშირისა ღვთაებრივი ფაფაჟის ძისა, გურხან ქვეყნის პიტიახშს არზამესს უძღვის“. შემდეგ შ. ამირანაშვილი დაასკვნის, რომ „ფაფაჟის შვილის არდაშირ I (226—241) პიტიახშმა ფაფაჟმა თასი უბოძა საქართველოს (ამ შემთხვევაში აღმოსავლეთ საქართველოს) პიტიახშს“. თასზე, მისი აზრით, გამოსახული არა არდაშირ I, არამედ თვით ფაფაჟი და ეს უკანასკნელი იხსენიება წარწერაში პაიკულიდან, რომელიც ე. ჰერცფელდმა გამოსცა⁵⁴.

სწორედ შ. ამირანაშვილის წაკითხვაზე დაყრდნობით ვარაუდობს გ. მელიქიშვილი, რომ ქართლის პიტიახშს არზამესს ეს თასი მიუძღვნა ირანის ერთ-ერთმა უმაღლესმა მოხელე-დიდებულმა — პიტიახშმა პაპაკმა არდაშირ I-ის მეფობის დროს, არზამესის მი-

⁵² Г. А. Меликишвили. К истории древней Грузии, стр. 333 შედ. საქართველოს ისტორიის ნარკვევები, ტ. I, 1970, გვ. 566.

⁵³ Г. В. Церетели, Эпиграфические находки в Мцхета — древней столице Грузии, ВДИ, 1948, № 2, стр. 55.

⁵⁴ შ. ამირანაშვილი, არმაზისხევი გათხრების დროს ნაპოვნი აღრესანური ეპოქის ვერცხლს თასი, „თბილისი 1950“, საიუბილეო კრებულა, 1958, გვ. 90—91; Ш. Я. Амрианашвили, Серебряная чаша раннесасанидской эпохи из раскопок в Армазисхези, Сб-ник в честь акад. И. А. Ордзубла, М.-Л., 1960, стр. 289—291.

ერ ირანში რაიმე დიპლომატიური მისიის შესრულებისას, ან თვით პაპაკის იბერიაში ასეთივე მისიის ჩამოსვლისას. გ. მელიქიშვილი თვლის, რომ პირველი სასანიდების დროს, როდესაც ირანი ჯერ კიდევ ქართლისთვის საშიში არ ჩანდა, უკანასკნელის მმართველნი ალბათ თავისთვის უფრო ხელსაყრელად მიიჩნევდნენ ირანის მოკავშირეებად გამოსულიყვნენ რომის წინააღმდეგ⁵⁵.

უპირველეს ყოვლისა წარწერის ამირანაშვილისეული წაკითხვის შესახებ. სამწუხაროდ. მისი სისწორე სპეციალისტთა მიერ არ იყო შეფასებული⁵⁶. თვალში გვეცემა მხოლოდ ის გარემოება, რომ ფალაური პალეოგრაფიის ისეთი დიდი სპეციალისტი, როგორც გ. წერეთელი იყო, თავის დროს, არ თვლიდა შესაძლებლად წარწერის სრულ გამოფრვას. ამას გარდა, გ. წერეთელი არც იმას ამბობდა გადაკოით, რომ წარწერაში მაინცა და მაინც იბერია არის დასახელებული, არამედ ფრთხილად აღნიშნავდა, რომ აქ მოიხსენიება რ ა ლ ა ც ქ ე ე ყ ა ნ ა. „შესაძლოა იბერია“⁵⁷.

აღსანიშნავია ისიც, რომ არმაზისხევის არქეოლოგიური მასალის გამომცემლებიც. ლაპარაკობენ რა ამ პინაკის წარწერის შესახებ, წერენ: „ვერცხლი აქ ბევრგან შეხორკილ-ამოქმულია. რის გამოც წარწერის მნიშვნელოვანი ნაწილის წაკითხვა გაძნელებულია და ჩანს შეუძლებელიც“⁵⁸.

მაგრამ წარწერის პალეოგრაფიული გამოფრვის დამაჯერებლობაზე მსჯელობა ჩვენს კომპეტენციას სცილდება და ჩვენ თავს ვერ ვიდებთ ამ მხრივ შ. ამირანაშვილთან დავას. ჩვენ გვინდა ყურადღება მივაქციოთ სხვა გარემოებებს, რომლებიც. ჩვენის აზრით, ამირანაშვილისეულ წაკითხვას საექვოდ ხდის.

უპირველეს ყოვლისა, პაპაკ პიტიახნის შესახებ: წარწერის წერეთლისეული და ამირანაშვილისეული წაკითხვიდან გამომდინარე, რომ პირი. რომლის სახელითაა შედგენილი წარწერა, არდაშირ I-ის პიტიახში იყო, ხოლო არდაშირ I-ის პიტიახში პაპაკი ცნობილი არაა,

⁵⁵ Г. А. М е л и к и ш в и л и, К истории древней Грузии, стр. 393—394. შეად. საქართველოს ისტორიის ნარკვევები, ტ. I, გვ. 566—567.

⁵⁶ მხოლოდ ვ. ლუკონინმა აღნიშნა მოკლედ, მაგრამ საკმაოდ კატეგორიულად: «Ш. Я. Амيرانашвили предлагает совершенно фантастическое чтение надписи. Так например, две цифры в конце надписи читаются им как глагол dad (подарил) и как цифра 40 одновременно», В. Г. Л у : : о ч и н. Иран в эпоху первых Сасанидов, М., 1961, стр. 59, прим. 5.

⁵⁷ Г. В. Ц е р е т е л и, Эпиграфические находки..., стр. 55.

⁵⁸ მცხეთა, ტ. I, 1955, გვ. 46.

თუნცა დოკუმენტურად დადასტურებულია, ვინ იყო არდაშირის დროს პიტიახში : „ზორასტრის ქააბის“ წარწერაში არდაშირის კარის უმაღლეს მოხელეთა შორის დასახელებულია „პიტიახში არდაშირ“⁵⁹. არდაშირის მოხელეთა შორის ნახსენებია „პაპაკი“, მაგრამ ის პიტიახშის ტიტულს კი არ ატარებს, არამედ „ხაზარპატის“, ანუ სამეფო გვარდიის უფროსისას⁶⁰. რაც შეეხება წარწერას პაიკულიდან, სადაც მართლაც არის ნახსენები პიტიახში პაპაკი, ეს წარწერა 293 წლით თარიღდება და ეკუთვნის შაჰან-შაჰ ნარსეს (293—302)⁶¹. შეიძლება ვიფიქროთ, რომ ნარსეს დროინდელი პიტიახში პაპაკი ამ თანამდებობაზე იყო არდაშირის დროსაც, მაგრამ ამას გამორიცხავს „ზორასტრის ქააბის“ წარწერა, რომელშიაც არდაშირ I-ის პიტიახშად დასახელებულია არდაშირი. ამდენად, თუკი არმაზის ხევის პინაკზე არდაშირ I-ის პიტიახშია ნახსენები, ის შეუძლებელია ატარებდეს პაპაკის სახელს და პირიქით, თუ წარწერაში მართლაც პაპაკ პიტიახშია დასახელებული, ის შეუძლებელია არდაშირ I-ის პიტიახში იყოს.

მეორე გარემოება, რომელიც აგრეთვე გვაეჭვებს შ. ამირანაშვილის მიერ შემოთავაზებული წაკითხვის სისწორეში, არის გურზანის (ქართლის, იბერიის) პიტიახშის არზამესის რეალურობა. საქართველოში აღმოჩენილი ეპიგრაფიკული მასალიდან ჩვენთვის დღეს კარგად არის ცნობილი, რომ ახ. წ. პირველ საუკუნეებში ქართლში მართლაც იყვნენ პიტიახშები, მაგრამ „ქართლის (იბერიის. გურზანის) პიტიახშის“ არსებობა ამ დროს გამორიცხებულია. ჩვენს იმდენ არსებული ყველა წყარო ასახელებს იბერიის მეფის პიტიახშებს: ზევახ ფარსმან მეფის მცირე პიტიახშს, შარაგასს — მიჰრდატ მეფის პიტიახშს, აგრიპა ფარსმან მეფის პიტიახშს; იბერიის მეფის პიტიახში უნდა იყოს ბორის თასის არმაზულ წარწერაში მოხსენიებული ბუზმირ „კეთილი პიტიახშიც“. გ. წერეთელმა დაადგინა, რომ იბერიის (ქართლის) მეფეებს ჰყავდათ რამდენიმე პიტიახში, ამასთან სხვადასხვა რანგისა (დიდი, მცირე, უბრალოდ პიტიახში). რაც შეეხება ტიტულს „ქართლის (იბერიის) პიტიახში“, იგი გვიანდ-

⁵⁹ M. Spengling, Third Century..., გვ. 7: (ფალ. ტექსტის სტრ. 24).

⁶⁰ M. Spengling, Third Century..., გვ. 7 (ფალ. ტექსტის 24-ე სტრ.).

⁶¹ E. Herzfeld, Paikuly, The Monument and Inscriptions on the Early History of Sasanian Empire, vol. I, Berlin; 1924, ტექსტის მე 7—8 სტრ.

ლი მოვლენა: IV ს. დამლევს და V ს. დასაწყისში, როდესაც ქართლი ირანისაგან ვასალურ დამოკიდებულებაში მოექცა, პიტიახშებს— ეხლა უკვე ერთს მთელს ქართლში—ნიშნავს სპარსეთის მეფე, როგორც ქართლის მეფის თანამმართველ-ზედამხედველს, ან ამ პროვინციის მმართველს. სპარსეთის მეფის სწორედ ეს მოხელები ატარებდნენ „ქართლის პიტიახშის“ ტიტულს⁶². მაშასადამე, IV ს. ბოლომდე შეუთქმულელია ლაპარაკი „ქართლის (იბერიის, გურზანის) პიტიახშზე“. ამდენად, არც არმაზისხევის პინაკის წარწერაში იქნება სავარაუდო არზამეს „გურზანის (აღმოსავლეთ საქართველოს) პიტიახში“ და ე. ი. შ. ამირანაშვილის მიერ მოცემული წაკითხვა წარწერის ამ ნაწილისა, ისტორიულად გაუმართლებელია.

ყოველივე ზემოთქმული ცხადჰყოფს, რომ არმაზისხევის პინაკის წარწერის ასეთი, რბილად რომ ვთქვათ, საეჭვო წაკითხვა ვერ გამოდგება საფუძვლად რაიმე ისტორიული დასკვნების გასაკეთებლად, იგი ვერ გამოდგება მყარ დასაყრდენად ქართლისა და სსსრ-ის ირანის ურთიერთობის საკვლევად არდაშირ I-ის დროს.

სრულიად ახლებური წაკითხვა ამავე წარწერისა შემოგვთავაზავს ლუკონინმა. იგი აღნიშნავს, რომ წარწერის პირველი და მეორე სიტყვები თავისუფლად იკითხება: P'pky bthšy; მესამე სიტყვა სამი ნიშნისაგან შედგება, აქედან მეორე წამლილია, ხოლო მესამის ნაწილია შემორჩენილი. ამიტომ შესაძლოა ეს სიტყვა წაკითხულ იქნას ან როგორც ხgy — ღვთაებრივი, ან მბრძანებელი (როგორც კითხულობდა გ. წერეთელი), ან როგორც BRH—ქე, შეილი: მეოთხე სიტყვა გარკვეულია, ესაა 'rthšl[r]. მაშასადამე, წარწერის დასაწყისი შესაძლოა წაკითხულ იქნეს ან ისე, როგორც კითხულობდა გ. წერეთელი: „პაპაკ, პიტიახში ღვთაებრივი არდაშირისა“, ან კიდევ: „პაპაკ, პიტიახში, ქე არდაშირისა“. პირველი ვარიანტი ვ. ლუკონინის აზრით, გამორიცხებულია, რადგან არდაშირ I-ის მოხელეთა სტაში არაა პიტიახში, რომელიც პაპაკის სახელს ატარებდეს (შეად. ზევით, გვ. 24). მაშ რჩება წარწერის დასაწყისის მხოლოდ მეორე ვარიანტი, ე. ი. „პაპაკ პიტიახში, ქე არდაშირისა...“

შემდეგი ოთხი სიტყვა, აღნიშნავს ვ. ლუკონინი, ძალზე ცუდად არის შენახული და ხარვეზები გაჭირვებით აღდგება. ყოველშემთხვევაში შედარებით ადვილად იკითხება BRH (ე. ი. ქე), შემ-

⁶² ამ საკითხზე დაწერილებით იხ.: Г. В. Церетели, Армазская билингва, Тб., 1941, стр. 50—62; Егोजе, Эпиграфические находки.... стр. 55—57.

დევ ლაქუნაა, მერე 'rlnstr („არდაშირ“), შემდეგ მოდის სამი თუ ოთხი ნიშანი, რომელთა აღდგენა შეუძლებელია და შემდეგ კვლავ სიტყვა bñšy („პიტიახში“). ე. ი. წარწერის ეს ნაწილი იკითხება: „ძე... (თუ ძისა...) არდაშირისა პიტიახშისა“... მეცხრე და მეთექვსმეტი ვეხვს არ იწვევს: MN ZWZN. სიტყვა ZWZN იკითხება სრულიად გარკვევით და შენახული ნიშნები არ იძლევა საშუალებას წავიკითხოთ აქ (g)-wrgn. როგორც ვარაუდობდა გ. წერეთელი შემდეგ უნდა მოდიოდეს სიტყვა žymy(n), რაც წინა ორ სიტყვასთან ერთად გვაძლევს: „ჯუზნა (დრაჰმა) ვერცხლისა“... შემდეგ კი მოდის ნიშნები, რომლებიც პინაკის წონის აღმნიშვნელ ციფრს შეადგენენ — 253. საბოლოოდ, ვ. ლუკონინის აზრით, წარწერა ასე იკითხება: „პაპაკ პიტიახშის, არდაშირის ძის, ძისა... არდაშირისა, პიტიახშის [საკუთრება], დრაჰმა ვერცხლისა 253“⁶³.

ამრიგად, გამოდის, რომ ეს პინაკი სრულიადაც არ ეკუთვნის არდაშირ I მეფობის ხანას და ვ. ლუკონინის სამართლიანი ვარაუდით, აქ მოხსენიებული პიტიახში პაპაკი უნდა იყოს პაიკულის წარწერაში დასახელებული პაპაკ პიტიახში, ე. ი. წარწერის თარიღიც III ს-ის ბოლოსთვის გადადის, რადგან პაპაკ პიტიახში შაჰან-შაჰ ნარსეს თანამედროვეა. ამ თარიღს, ვ. ლუკონინის დაკვირვებით, კარგად ეთანხმება აგრეთვე პინაკის ძირზე გამოსახული რელიეფური პორტრეტის იკონოგრაფიული ანალიზი⁶⁴.

აქვე უნდა შევნიშნოთ, რომ დაახლოებით ასევე წაიკითხა არმანისხევის პინაკის წარწერა ვ. ბ. ჰენინგმაც. ოღონდ პაპაკ პიტიახშის პაპის სახელად ვ. ბ. ჰენინგი ვარაუდობს „შაბურს“, რადგან „ზოროასტრის ქააბის“ წარწერაში შაბურ I-ის დროს პიტიახშად ცნორედ შაბურია დასახელებული⁶⁵. ჩვენთვის მთავარი ისაა, რომ ვ. ბ. ჰენინგიც წარწერის დასაწყისს თარგმნის: „პაპაკ პიტიახშის, არდაშირის ძისა...“ და არა „პაპაკ, პიტიახში ღვთაებრივი არდაშირისა...“

ზემოთქმულს ისიც უნდა დავუმატოთ, რომ უკანასკნელად თავის სადოქტორო დისერტაციაში კ. მაჩაბელმა დაწვრილებით გააანალიზა პინაკის პორტრეტული გამოსახულება ხელოვნებათმცოდნეობითი თვალსაზრისით და აგრეთვე მივიდა დასკვნამდე, რომ თავი-

⁶³ В. Г. Лукошин, Иран в эпоху первых Сасанидов, стр. 60—61.

⁶⁴ იქვე, გვ. 60.

⁶⁵ W. B. Henning, A Sasanian Silver Bowl from Georgia, BSOAS, XXIV 1961, გვ. 353.

სი მხატვრულ-სტილისტური თავისებურებებით ეს პორტრეტი III ს. მეორე ნახევარს განეკუთვნება⁶⁶.

ამრიგად, ირკვევა, რომ აღნიშნული პინაკი და მისი წარწერა ევზაური ვერ გამოდგება საბუთად არდაშირ I-ის დროს ქართლსა და ირანს შორის რაიმე ურთიერთობის სამტკიცებლად ან სავარაუდოდ.

საერთოდაც იბერიისა და ირანის კავშირი პირველი სასანიანი მეფის დროს არაა, ჩვენის აზრით, შესაძლებელი. რასაკვირველია, თავისთავად სავარაუდოა ქართლის მმართველ წრეებში არსებობა ანტირომაული ორიენტაციის ჯგუფისა, რომელიც ირანთან რომის საწინააღმდეგო კავშირს ემხრობოდა, მაგრამ ეს ჯერ კიდევ არ ნიშნავს, რომ იბერია არდაშირის დროს ირანის მოკავშირედ ვიგულებოთ. აქ ეს აზრს გამორიცხვლი, რომ იბერიის მეფენი ხელსაყრელ პოლიტიკურ სიტუაციაში ირანთან კავშირის დამყარებას ეცდებოდნენ, თუ კი ეს მათ პოლიტიკურ მიზნებს შეეფერებოდა, მაგრამ საქმეც ისაა, რომ არდაშირ I-ის ხანა ასეთი კავშირისათვის, ჩვენის აზრით, სწორედ არქმნიდა ხელსაყრელ პირობებს.

როგორც ენობილია, 230 წ. ე. ი. გამეფებიდან სამი წლის შემდეგ, არდაშირმა თავისი ჯარები მესოპოტამიის ქალაქებს შეუტია და სირიასა და კაპადოკიაში შეიყვანა. მდგომარეობა სერიოზული ჩანდა და აღმოსავლეთისაკენ თვით იმპერატორი ალექსანდრე სევერუსი დაიძრა. სპარსელთა წინააღმდეგ სამი არმია მოქმედებდა; ერთ-ერთი, რომელსაც თვით იმპერატორი სარდლობდა, ჩრდილოეთ მესოპოტამიაში იდგა, ორი დანარჩენი — არმენიასა და ევფრატის სანაპიროზე. არმენიაში რომაელებმა წარმატებებს მიაღწიეს, ხოლო სამხრეთის არმიამ სცადა სპარსეთში შეჭრილიყო და ირანის დედაქალაქამდე მიეღწია. მართალია, სპარსეთის ცხენოსანმა ჯარმა ამ არმიას გზა გადაუღობა და საკმაოდ სერიოზულადაც დააზარალა, მაგრამ 232 წ. რომში დაბრუნებული ალექსანდრე სევერუსი საზეიმო ტრიუმფს იხდის და თავს გამარჯვებულად აცხადებს⁶⁷.

მართალია, სპარსეთში თვლიდნენ რომ ირანის ცხენოსანმა ჯარ-

⁶⁶ К. Г. М а ч а б е л и, Торевтика древней Грузии (по материалам первых веков н. э., Автореферат, Тб., 1973, стр. 36.

⁶⁷ Б. Н и з е, Очерк римской истории и источниковедения, СПб, 1908, стр. 414—415; J. H a g m a t t a, Minor Bactrian Inscriptions, გვ. 190—192.

მა მნიშვნელოვან გამარჯვებას მიაღწია⁶⁸, მაგრამ ამ ომის შედეგები ერთგვარად გაურკვეველი იყო. ერთი რამ ცხადია, არდაშირმა რეალურ წარმატებას ვერ მიაღწია და რომმა თავისი პოზიციები შეინარჩუნა მესოპოტამიაშიაც და არმენიაშიაც. წარმატებით მოქმედებს არმენიაში რომაელი სარდალი იუნიუს პალმატუსი 234 წელსაც⁶⁹.

ახალი ომი რომსა და ირანს შორის 237 წ. დაიწყო; ამ ომში, რომელიც 240 წლამდე გაგრძელდა. ირანის არმიას არდაშირ I-ის უფროსი ვაჟი, მოშავალი შაჰან-შაჰი შაბურ I სარდლობდა, მაგრამ ამ ომშიაც ირანს რაიმე სერიოზული და მყარი წარმატებებისთვის არ მიუღწევია. მართალია, სპარსეთის ხელში დროებით გადავიდა ჩრდილოეთ მესოპოტამიის რამდენიმე ქალაქი, კერძოდ კარა, ნისიბისი, ანტიოქია და ხატრა, მაგრამ ევფრატის გადაღმა და არმენიაში სპარსელთა ჯარს შედეგიანი ბრძოლა ვერ უწარმოებია და აქ რომის ხელისუფლება კვლავ მყარი რჩებოდა⁷⁰. უფრო მეტიც, როგორც ჩანს, აღებულ ქალაქებიც სპარსეთს მალე დაუკარგავს რადგან შემდეგ შაბურ I-ს ხელახლა უხდება მათი აღებისათვის ბრძოლა⁷¹.

ამრიგად, არდაშირ I-ის მეფობის მთელ მანძილზე სასანიანთა საგარეო პოლიტიკას არ ჰქონია ისეთი მნიშვნელოვანი შედეგები, რომ ამას აბერისის მმართველი წრისათვის ებიძგა სპარსეთთან დაედო კავშირი რომის საწინააღმდეგოდ. ქართლის უშუალო სიან-ლოვეს — არმენიაში, მცირე აზიაში, სამხრეთ-დასავლეთ ამიერკავკასიაში — რომის პოზიციები მტკიცე იყო და ასეთ სიტუაციაში ქართლის მეფეთა მცდელობა შეკავშირებოდნენ ირანს და მით უფრო მათთან ოფიციალური კავშირი დაედოთ, სრულიად გაუმართლებელი იქნებოდა.

რაც შეეხება შაბურ I-ის ხანას, მის დროს, როგორც ეს „ზოტოასტრის ქაბოს“ წარწერის ზემომოტანილი კონტექსტიდან ჩანს, იბერია მოქცეულია ირანის შაჰან-შაჰის მოხარკე ქვეყნებს შორის, ხოლო მისი მეფე ამაზასპი კი ირანის ხელქვეით მოხელედაა ქცეული.

⁶⁸ Herodian., VI, 6; В. Г. Луконин, Завоевания Сасанидов..., стр. 26; Егуже, Культура сасанидского Ирана, М., 1969, стр. 51.

⁶⁹ იხ. ზევით, გვ. 16.

⁷⁰ W. Ensslin, Zu den Kriegen des Sassaniden Schapur I, München., 1949, გვ. 6; J. Harmatta, Minor Bactrian Inscriptions, გვ. 193.

⁷¹ იხ. ქვევით, გვ. 32.

როდის უნდა დაქვემდებარებოდა ქართლი ირანს და რა რეალური ხასიათი ჰქონოდა ამ დამოკიდებულებას?

242 წ. რომის იმპერატორმა გორდიანუს III-მ დაიწყო ლაშქრობა აღმოსავლეთში; ლაშქრობა წარმატებით დაიწყო, მაგრამ კატასტროფით დამთავრდა: 243 წ. ჩრდილოეთ მესოპოტამიაში ქ. მესისხასთან, რომის არმიამ მარცხი განიცადა, ხოლო გორდიანუს III ბრძოლაში დაიღუპა⁷². ახალმა იმპერატორმა ფილიპე არაბმა ზავი ითხოვა და კონტრიბუციის გადახდის საფასურად დაეზავა კიდევაც სპარსელებს. „ზოროასტრის ქააბის“ წარწერაში შენახულია ან ომისა და მისი დასასრულის მოკლე აღწერა⁷³: „და როდესაც მე განვიმტკიცე მმართველობა, გორდიანემ, კეისარმა, შეაგროვა ჯარი რომაელთა მთელ სახელმწიფოდან, გუთებისა და გერმანელებისაგან და გამოილაშქრა ასურისტანისკენ, ირანშაპრისა და ჩვენს წინააღმდეგ. და ასურისტანის საზღვრებთან, ქალაქ მესისხასთან მოხდა დიდი ბრძოლა. გორდიანე კეისარი მოკლულ იქნა და რომაელთა ჯარი გაფანტული; ხოლო რომაელებმა კეისარად დასვეს ფილიპე; და ფილიპე კეისარი მოვიდა ჩვენს წინაშე და ითხოვა ზავი და, მოგვცა რა 500 ათასი დინარი თავის მეგობართა სიცოცხლისათვის, გახდა ჩვენი მოხარკე; და ამის გამო მესისხას ვუწოდეთ „ვეროზ-შაბური (ე. ი. „შაბურის გამარჯვება“ — ნ. ლ.)“

ამ ტექსტიდან ჩვენთვის საინტერესოა ის გარემოება, რომ შაბურ I-ის წარწერაში, ფილიპე არაბთან დადებული ზავის შესახებ ლაპარაკისას, არაფერია ნათქვამი სპარსეთის რაიმე ტერიტორიულ ზონაპოვარზე და აღნიშნულია მხოლოდ, რომ ფილიპეს გადაუხდია 500 ათასი დინარი კონტრიბუცია. საქმე ისაა, რომ ბიზანტიურ წყაროებში შენახულია ცნობები, რომლის თანახმად ფილიპე არაბმა სპარსელებთან ზავი იყიდა შაბურ I-თვის მესოპოტამიისა და არმენიის დათმობის ფასად. მაგრამ ესოდენ დამამცირებელმა ზავის პირობებმა ისეთი აღმფოთება გამოიწვია რომის მაღალ წრეებში, რომ ფილიპემ არ შეეასრულა ზავის პირობები და მესოპოტამიისა და არმენიაში თავისი გარნიზონები დატოვა. ასე აქვს ეს ამბები

⁷² გორდიანუს III ბრძოლაში დაღუპვა აღნიშნულია „ზოროასტრის ქააბის“ წარწერაში, მეორე ვერსიით ის მოაგვლევინა პრეტორიის პრეფექტმა ფილიპე არაბმა — მომავალმა იმპერატორმა, SHA, XX, 30, 9.

⁷³ ტექსტი მოგვაქვს მ. შპრენგლინგის გამოცემით: Third Century..., გვ. 7. ფალაური ტექსტის 3—4 სტრ., ბერძნულად ეს ნაწილი შენახული არაა.

აღწერილი XII ს. ბიზანტიელ ქრონისტს იოანე ზონარას⁷⁴, ხოლო VI ს-ის ისტორიკოსი ევაგრე სქოლასტიკოსი კი აღნიშნავს, რომ არმენია, რომელიც მანამდე რომაელების ქვეშევრდომი იყო, გორდიანეს მომდევნო მმართველმა ფილიპემ საპროს, ანუ შაბურ I გადასცა და რომაელებს მხოლოდ მცირე არმენია დარჩათ⁷⁵.

უკანასკნელი ცნობა თითქოს იმაზე უნდა მიუთითებდეს, რომ ფილიპე არაბის დროს არმენია უკვე სპარსეთის ქვეშევრდომი გახდა. მაგრამ ჭერ კიდევ თ. მომზენი აღნიშნავდა, რომ როგორც ზონარას ცნობებიდან ჩანს, არმენია რეალურად არ გადასულა ამ დროს სპარსელთა ხელში, ხოლო ევაგრეს ცნობა ისე უნდა გავიგოთ, რომ არმენიის მეფის დამოკიდებულება რომზე ამ ზავის შემდეგ მხოლოდ ნომინალური იყო⁷⁶.

მაგრამ „ზოროასტრის ქააბის“ წარწერაში, როგორც ვნახეთ, აჩაფერია ნათქვამი ფილიპე არაბის ტერიტორიულ დათმობებზე. ხოლო ასეთი ხასიათის ძეგლში, შაბურ I მოღვაწეობა ერთგვარი გაზვიადებით არის მოცემული, საეჭვოა არ ყოფილიყო აღნიშნული ზავის პირობების ეს მხარე, თუნდაც რომ ის შემდეგ შესრულებულიც არ ყოფილიყო.

მეორე მხრივ, მოვსეს. ზორენაცი მოგვითხრობს, რომ სომხეთის მეფეს ხოსროვს სწორედ ფილიპე არაბის დროს დაუწყია ბრძოლა სასანიდების წინააღმდეგ⁷⁷. მართალია სომეხი ისტორიკოსი არდაშირ I ასახელებს შაბურ I-ის ნაცვლად და თანაც აშკარა გაზვიადებით აგვიწერს ხოსროვს წარმატებებს, მაგრამ, ამასთან, იგი ისე ზუსტად გადმოგვცემს რომის იმპერატორთა თანამიმდევრობას ამ საკმოდ რთულ ხანაში, რომ ძნელია მისი წყაროების საწინდლობაში ეჭვის შეტანა.

ამრიგად, „ზოროასტრის ქააბის“ წარწერის, მოვსეს. ზორენაციის და იოანე ზონარას ცნობათა ურთიერთშედარება საფუძველს იძლევა დავასკვნათ, რომ 244 წ., როცა დაიდო ზავი ფილიპე არაბსა და შაბურ I შორის, სპარსეთს არ უნდა მიეღო ტერიტორიები

⁷⁴ Ioann. Zonar., Epitom., XII, 19.

⁷⁵ Euagr., Eccl. hist., V, 7.

⁷⁶ Т. Момзен, История Рима, т. V, стр. 380.; პ. მანანდიანიც ვარაუდობს, რომ სომხეთი ამის მერე სრულიად დამოუკიდებელი იყო, ხოლო ფილიპესთან ზავის პირობები შეეხებოდა მხოლოდ მცირე არმენიას, (მოგვეყავს ლ.-ნ. ჯანაშიას წიგნს „ლაზარ ფარპეტის ცნობები საქართველოს შესახებ“, 1962, გვ. 74 მიხედვით).

⁷⁷ მოვსეს. ზორენაცი, II, 72.

და არმენიაც კლავინდებურად სპარსეთისაგან დამოუკიდებლობას იწარჩუნებდა. ამრიგად ჩვენ საფუძვლიანად არ მიგვაჩნია იმ მეცნიერთა მოსაზრება, რომლებიც არმენიის შემოერთებას შაბურ I-ის მერ 244 წლით ათარიღებენ⁷⁸. აღსანიშნავია ისიც, რომ, როგორც სამართლიანად აღნიშნავს მ. დიაკონოვი, რამდენადაც რომაელების მიერ გადახდილი კონტრიბუციაც არ იყო დიდი, რომაელთა მარცხი მესიხასთან არც ისე სრული უნდა ყოფილიყო, როგორც ეს შაბურ I-ის წარწერაში აღწერილი⁷⁹.

რამდენადაც ამიერკავკასიის ქვეყნებიდან სპარსეთისათვის განსაკუთრებული მნიშვნელობა სწორედ სომხეთს ჰქონდა და თანაც უკანასკნელი უშუალოდ ემიჯნებოდა სპარსეთის ტერიტორიას, ჩვენ ვფიქრობთ, რომ დანარჩენ ქვეყნებზე — იბერიასა და ალბანეთზე — თავისი გავლენის გავრცელებას და აქ ფეხის მოკიდებას შაბურ I მხოლოდ არმენიაზე გაბატონების შემდეგ შეძლებდა. ამდენად, ჩვენის აზრით, ქართლის დაქვემდებარებაც შაჰან-შაჰინსადმი არ შეიძლებოდა 244 წლამდე მომხდარიყო.

შენდგომი დროის მოვლენებისათვის წყაროები მეტად მწირ ცნობებს შეიცავენ და მათი აღდგენა ზუსტი ქრონოლოგიით ძალზე ძნელია.

სპეციალისტები ვარაუდობენ, რომ არმენია ირანს 244—253 წლებს შორის უნდა დაეპყრო⁸⁰. ასეთი ქრონოლოგიისათვის საფუძველს იძლევა შემდეგი ფაქტები: „ზოროასტრის ქააბის“ წარწერაში მოთხრობილია, რომ ფილიპე არაბთან დადებული ზავის შემდეგ ირანული არმია შეიჭრა არმენიაში და დაიკავა იგი; ამის მერე წარწერაში ნათქვამია: „...კეოსარმა კვლავ მოგვატყუა და ბოროტება ჩაიდინა არმენიაში. და ჩვენ თავს დავესხით რომის ქვეყანას“⁸¹. ამის შემდეგ კი აღწერილია საკმაოდ დიდი ომი, რომელიც ჯერ სირიის ტერიტორიაზე მიმდინარეობდა, ხოლო გადამწყვეტი ბრძოლა მოხდა ეფფრატის შუა წელზე მდებარე ციხესიმაგრე ბარბალისასთან. ამ ბრძოლაში, წარწერის მიხედვით, რომაელები სას-

⁷⁸ E. Honigmann, A. Maricq, Recherches..., გვ. 131—150; A. Christensen, L'Iran..., გვ. 221; М. М. Дьяконов, Очерки..., стр. 261; История Ирана, стр. 41.

⁷⁹ М. М. Дьяконов, Очерки..., стр. 261.

⁸⁰ E. Honigmann, A. Maricq, Recherches..., გვ. 131—151; J. Hartata, Die parthische Ostraca aus Dura-Europos, AAN, V, გვ. 156; В. Г. Луконил, Культура сасанидского Ирана, стр. 57.

⁸¹ M. Sprengling, Third Century..., გვ. 10, ფალ. ტექსტის მე-5 სტრ.

ტიკად დამარცხდნენ და სპარსული არმია შეიჭრა სირიაში, ხოლო შემდეგ კილიკიასა, კაპადოკიასა და მცირე არმენიაში, სპარსელებმა აიღეს⁸⁷ ქალაქი და ციხესიმაგრე, მათ შორის დურა-ევროპოპოლი, ანტიოქია და სხვ⁸².

მკვლევრები ბარბალისასთან ბრძოლას 254 ან 255 წლით ათარილებენ⁸³. რადგან ამ ბრძოლის აღწერას „ზოროასტრის ქააბის“ წარწერაში წინ უსწრებს ცნობა იმის შესახებ, რომ კეისარმა არმენიაში „ბოროტება ჩაიდინა“, ამ უკანასკნელს კი წინ უსწრებს ცნობა, არმენიის დაკავების შესახებ, მკვლევართ მოგლენათა ასეთი თანამიმდევრობა აქვთ ნავარაუდები: 244 წ. ფილიპე არაბთან დადებული ზავის შემდეგ, რომელიდაც წელს შაბურ I დაულაშქრავს და დაუკავებია არმენია, შემდეგ რომის იმპერატორს რალაც ინტრიგები გაუბამს არმენიაში, ალბათ აქ თავისი გავლენის აღდგენის მიზნით, რასაც მოყვა ბარბალისასთან რომაელების დამარცხება. ბარბალისასთან ბრძოლა ირანსა და რომს შორის მეორე ომის ერთ-ერთი ეტაპის დამამთავრებელი ეპიზოდი იყო, ამდენად ეს ომი უფრო ადრე, დაახლოებით 253 წელს უნდა დაწყებულიყო, მაშასადამე, არმენია რომს 244 და 253 წლებს შორის უნდა დაეპყრო.

მოვლენათა თანამიმდევრობა დამაჯერებლად გამოიყურება, ნაგრამ არმენიის დაპყრობის უფრო ზუსტი თარიღი მაინც მთლიანად გარკვეული არაა. საქმე ისაა, რომ „ზოროასტრის ქააბის“ წარწერის მონაცემებს თითქოს ეწინააღმდეგება მოვსეს ხორენაცის ცნობები. სომეხი ისტორიკოსი მოგვითხრობს, რომ სომხეთი ფილიპე არაბის შემდეგაც კარგა ხანს ინარჩუნებს დამოუკიდებლობას: მეფე ხოსროვი სპარსელთა წინააღმდეგ წარმატებით ბრძოლას განაგრძობს ფილიპეს მომდევნო იმპერატორების დეციუსის, გალუსის და ვალერიანეს დროსაც. მხოლოდ უკანასკნელის დროს სპარსეთის მეფის მიერ მოგზავნილმა ანაკმა მოკლა ხოსროვი და ამას მოჰყვა სომხეთის ანექსია⁸⁴.

ცხადია, მოვსეს ხორენაცის მონაცემთა გამოყენებისას, როგორც აღნიშნული გვექონდა, სათანადო სიფრთხილეა საჭირო. კერძოდ, ძნელი დასაჯერებელია ის დიდი წარმატებები და ირანის წი-

⁸² M. Sprengling, Third Century..., გვ. 11—12, ფლ. 5—9.

⁸³ E. Honigmann, A. Maricq, Recherches..., გვ. 131 — 135; J. G a g è, La montée des Sassanides, Paris, 1964, გვ. 158; В. Г. Л у к о в и н, Завоевания Сасанидов..., стр. 33—34.

⁸⁴ მოვსეს ხორენაცი, II. 72—75.

ნაღმდევ ძღვეამოსილი ლაშქრობები, რომელსაც მოვსეს ხორენაცი სომხეთის მეფეს მიაწერს⁸⁵. მაგრამ, ამასთან ერთად, სომეხ ისტორიკოსს ისე ზუსტად აქვს მოცემული რომის იმპერატორთა თანამიმდევრობა და რომის შინაგანი ვითარება, რომელიც ამ იმპერატორებს ხელს უშლიდა სომხეთის მეფეს დახმარებოდნენ, რომ ძნელია მისი წყაროების სანდოობაში ეჭვი შევიტანოთ. ამავე დროს, „ზორასტრის ქააბის“ მონაცემებიც არ იძლევა ზუსტ თარიღებს და არსაიდან არ ჩანს, რომ ყველა ზემომოტანილი ამბავი, რომელიც ბარბალისასთან ბრძოლას წინ უსწრებდა, რამდენიმე წლის მანძილზე ხდებოდა. აღსანიშნავია, რომ ვ. ლუკონინმაც თავის ერთერთ უკანასკნელ სტატიამში სწორედ მოვსეს ხორენაცი და სხვა წყაროთა მონაცემების შეჭერების საფუძველზე აღნიშნა, რომ 246 წ⁸⁶. კვლავ დაიწყო ომი ირანსა და რომს შორის არმენიის გამო. მისი აზრით, საეკარაფდოა ომის ორი ეტაპი: პირველი, როცა ხოსროვი თვით ლაშქრობს ირანზე (დაახლ. 249 წ.) და მეორე, როცა შეტევაზე გადადის შაბურ I—252-253 წწ. ეს უკანასკნელი ეტაპი მთავრდება ხოსროვის დაღუპვით. „როგორც ჩანს — წერს ვ. ლუკონინი — სწორედ ამ დროს არმენიაში დაინიშნა ტახტის მემკვიდრედ პორბიზდ-არდაშირი“⁸⁷.

ამრიგად, ამ წერილში ვ. ლუკონინი აზუსტებს თარიღს: თუ სხვა ნაშრომში⁸⁸ მას არმენიის დაპყრობა 244—253 წლებს შორის აქვს მოქცეული, აქ ის არმენიის ანექსიის თარიღად 252—253 წწ. ასახელებს⁸⁹.

რომაელებმა, როგორც ეს სომხური წყაროებიდან ირკვევა, თავშესაფარი მისცეს მოკლული ხოსროვის ვაჟს თრდატს. სწორედ ამასთან უნდა იყოს, ვ. ლუკონინის აზრით, დაკავშირებული „ზორასტრის ქააბის“ წარწერის ცნობა, რომ კეისარმა არმენიაში

⁸⁵ მოვსეს ხორენაცი, II, 73.

⁸⁶ წერილში წერია 256 წ., მაგრამ ეს კორექტურული შეცდომაა, რადგან ამ ომის მეორე ეტაპი აკტორს 252—253 წლით აქვს დათარიღებული.

⁸⁷ В. Г. Л у к о н и н, Завоевания Сасанидов..., стр. 35.

⁸⁸ В. Г. Л у к о н и н, Культура Сасанидского Ирана, стр. 57.

⁸⁹ თავისი საოქტორო დისერტაციის ავტორფერატშიც ვ. ლუკონინი ამ ომის თარიღად ასახელებს 250—256 წწ., В. Г. Л у к о н и н, Раннесасанидский Иран, некоторые проблемы истории и культуры, Л., 1970, стр. 15; არმენიის დაპყრობის თარიღად 252 ან 253 წ. ასახელებს თ. მომზენი: История Рима, т. V стр. 387.

„ბოროტება ჩაიდინა“, რის გამოც შაბურ I რომს თავს დაესხა; ეს. ვ. ლუკონინის აზრით, 254—255 წ. უნდა მომხდარიყო⁹⁰.

მაგრამ, ჩვენის აზრით, თუ კი მოვსეს ხორენაციის ცნობებს დავყრდნობით. თარიღის უფრო დაზუსტება შეიძლება: რამდენადაც ხორენაციის ორგზისი მითითებით, ხოსროვის მოკვლა იმპერატორ ვალერიანეს დროს მოხდა, ხოლო უკანასკნელი ტახტზე 253 წლის 22 ოქტომბერს ავიდა, სომხეთის საბოლოო ანექსიაც ამ თარიღის შემდეგ უნდა მომხდარიყო.

ამრიგად, ჩვენს ხელთ არსებულ მონაცემთა ურთიერთშეჭერების საფუძველზე, მოვლენათა მსვლელობა შემდეგნაირად გვესახება: ფილიპე არაბთან დადებული ზავის შემდეგ არმენიის საკითხი გადაუწყვეტელი რჩებოდა, ირანი მიზნად იხანავდა სომხეთის დაქვემდებარებას და აქ თავისი გავლენის დამყარებას. რამდენადაც მოვსეს ხორენაცი ორგზის დაბეჭითებით აღნიშნავს, რომ ხოსროვის მოკვლა და არმენიის დაპყრობა იმპერატორ ვალერიანეს დროს მოხდა, თავისი მიზნის განხორციელება შაბურ I-მა მხოლოდ 253 წ. ოქტომბრის შემდეგ მოახერხა და ამ, ან მომდევნო წელს დაიპყრო სომხეთი; მაგრამ, რადგან ხოსროვის ვაჟი და ანტიირანულად განწყობილი სომეხი ნახარარები რომში გაიქცნენ, რომი არ კარგავდა იმედს არმენიაში თავისი პოზიციების აღდგენის შესაძლებლობაზე და ცდილობდა აქ თრდატის გამეფებას — „ევისარმა კვლავ მოგვატყუა და ბოროტება ჩაიდინა არმენიაში“. ამას მოჰყვა ირანელთა ახალი თავდასხმა რომის აღმოსავლურ პროვინციებზე და მათი მარცხი ბარბალისასთან, რამაც განანტიცა ირანელთა ბატონობა სომხეთში. ვ. ლუკონინის გამოკვლევით, 256 წ. რომსა და ირანს შორის დროებით ზავი დაიდო; ამას იგი ნაქმ-ი რუსტამის ერთერთი რელიეფის ანალიზით არკვევს⁹¹. სხვა წყაროებში ამ ზავზე ცნობები შენახული არაა, ამიტომ ჩვენ არ ვიცით მისი პირობები, მაგრამ ბარბალისასთან გადამწყვეტი მარცხის და შაბურის კილიკიასა, სირიასა, კაპადოკიასა და მცირე არმენიაში ძლევამოსილი რეიდის შემდეგ, რომს უნდა ეცნო ირანის დაპყრობათა დიდი ნაწილი; ყოველშემთხვევაში ქ. დურა-ევროპოსი ამის მერე კარგა წინა ირანის ხელში რჩება⁹². უნდა ვიფიქროთ, რომ 256 წ. რომში

⁹⁰ В. Г. Луконин, Завоевания Сасанидов..., გვ. 33—34.

⁹¹ В. Г. Луконин, Культура сасанидского Ирана, стр. 57—58.

⁹² R. G h i r s h m a n, Parthes et Sassanides, Paris, 1962, fig. 223.

იძულებული იყო ეცნო არბუნიის გადასვლა ირანელთა ქვეშევრდომობაში.

სწორედ ბარბალისასთან გამარჯვების შემდეგ უნდა მომხდარიყო ირანის დამკვიდრებაც შავი ზღვის სანაპირო-აღმოსავლეთ სანაპიროზე — მახელონიაში (იხ. ზევით, გვ. 14), რადგან საამისოდ ხელსაყრელი სიტუაცია სწორედ ამ დროს შეიქმნა, რანდენადაც დალაშქრულ იქნა მახელონიის მეზობელი კაპადოკია და მცირე არმენია.

დაახლოებით ამავე ხანებისათვის უნდა ვივარაუდოთ აგრეთვე იბერია-ქართლზე სპარსეთის გავლენის დამყარებაც. ასეთ ვარაუდს თითქოს იხივ ამაგრებს, რომ ლეონტი მროველთან ქართლში სპარსელთა შემოსვლა და აქ მათი დამკვიდრება სომხეთის მოვლენებთან, კერძოდ ხოსროვის (კოსაროს) მოკვლასა და სომხეთის დაპყრობასთანაა უშუალოდ დაკავშირებული⁹³. ეს, ცხადია, არ ნიშნავს, რომ ქართლში სპარსელთა გავლენის დამკვიდრება მაინცა და მაინც არმენიაზე გაბატონების წელს უნდა დამთხვეოდა, მაგრამ ამ ორი მოვლენის ერთმანეთთან დაკავშირება, ვფიქრობთ. გამართლებულია და ის ვითარება, რომელიც „ზოროასტრის ქააბის“ წარწერაში ქართლის მიმართ არის დადასტურებული, III ს. 50-იან წლებზე ადრე არ უნდა შექმნილიყო.

ახლა ჩვენს წინაშე დგება საკითხი, როგორი იყო ის რეალური დამოკიდებულება, რომელშიაც ქართლი სასანური სპარსეთის მიმართ იმყოფებოდა. „ზოროასტრის ქააბის“ წარწერა თითქოს ეჭვს არ სტოვებს ამ დამოკიდებულების ხასიათში: იბერია სპარსეთის ირანშაპრში, ე. ი. სპარსეთის მეფის დომენშია დასახლებული. ხოლო მისი მეფე ამაზასპი შაპან-შაპის ხელქვეით მოხელეთა შორისაა ნახსენები.

მიუხედავად ამისა, ზოგიერთი მეცნიერი აღნიშნავს, რომ იბერიის დამოკიდებულება ირანზე უფრო სამოკავშირეთ ურთიერთობას გულისხმობს, ვიდრე დაპყრობის გზით დამყარებულ ბატონობას. გ. მელიქიშვილი წერს, რომ „ზოროასტრის ქააბის“ წარწერა არ იძლევა საფუძველს ვივარაუდოთ, რომ ქართლი იარაღის ძალით იყო დაპყრობილი ამაზასპი გვევლინება ირანის ერთერთ დიდ მოხელედ და დასახლებულია მეოთხე ადგილზე ადიაბენისა და კერმანის მეფეებისა და დედოფალ დენაკის შემდეგ, უფლისწულთა და ყველაზე გავლენიან საგვარეულოთა — სურენებისა და კა-

⁹³ ქართლის ცხოვრება, წ. I, გვ. 59—62.

რენების წარმომადგენელთა წინ; ეს გარემოება ამტკიცებს, რომ ამზახსას სახით ჩვენ საქმე გვაქვს ირანის მეფის ერთერთ ყველაზე გავლენიან მოკავშირესთან⁹⁴.

ვ. ლუკონინი შენიშნავს, რომ, თუმცა იბერია, აღიანთა და ეკრძანი წარწერაში ხელქვეით ქვეყნებად არიან დასახელებული, მაგრამ რეალურად ისინი მოკავშირეები იყვნენ (ირანთან კონფედერაციაში შედიოდნენ) და მათ ადგილობრივი დინასტიების წარმომადგენელნი მართავდნენ⁹⁵.

საქმე ისაა, რომ „ზოროასტრის ქაბის“ წარწერა თავისი ხოტბითი, გამარჯვებათა განმადიდებელი ხასიათის გამო, ყოველთვის ზუსტად არ ასახავს ამა თუ იმ ქვეყანასთან დაშორებულების ნამდვილ შინაარსს. სამეცნიერო ლიტერატურაში უკვე იყო აღნიშნული, რომ თავის მოხარკეთა შორის შაბურ I წარწერაში რომის იმპერატორს ფილიპე არაბსაც ასახელებს: „...და კეისარი ფილიპე მოვიდა ჩვენს წინაშე და მოგვცა 500 ათასი დინარი... და გახდა ჩვენი მოხარკე“⁹⁶. მართალია, ფილიპე არაბმა კონტრიბუცია გადაიხადა, მაგრამ, ცხადია, ის სპარსეთის მეფის მოხარკე არ გამხდარა.

ამას გარდა, სამეცნიერო ლიტერატურაში დადგენილია, რომ შაბურ I-ის დროს ქუშანის სამეფო არ იყო მთლიანად დაპყრობილი. მას მხოლოდ ცალკეული პროვინციები ჩამოაჭრეს; ამავე დროს „ზოროასტრის ქაბის“ წარწერაში შაბურ I გამოცხადებულია მთელი ქუშანის მფლობელად⁹⁷. როგორც აღნიშნავს ვ. ლუკონინი, „რამდენადაც ამ დროს ნამდვილად არ არსებობდა „ქუშანთა მეფის“ ტიტული, მაშასადამე ქუშანშაჰი არ შედიოდა სასანიანო უფლისწულებს სამფლობელოებში, ბოლო აქ ე. წ. „სამეფო ქალაქთა“ არარსებობა ამტკიცებს, რომ ის არც მეფეთა-მეფის „დომენში“ შედიოდა; ამდენად, სერიოზულად შეიძლება განვიხილოთ მხოლოდ შაბურის პრეტენზია იმაზე, რომ ქუშანთა სამეფო ვალდებული იყო ირანის მიმართ „ხარკით“... „ზოროასტრის ქაბის“

⁹⁴ Г. А. Меликшивили, История древней Грузии, стр. 393—394.

⁹⁵ В. Г. Луконин, Завоевания Сасанидов..., стр. 32; Е го же, Культура сасанидского Ирана, стр. 128.

⁹⁶ M. Sprengling, Third Centur..., გვ. 7, ფა. ტექსტის მე-4 სტრ.

⁹⁷ E. Honigmann, A. Maricq, Recherches..., გვ. 94—98; W. B. Henning, Notes on the Inscription of Sapur I, «R. Jackson Memorial Volume», Bombay, 1954, გვ. 48—50; В. Г. Луконин, Завоевания Сасанидов... стр. 34—37.

წარწერის საერთო ძლევიით (подвигами) ხასიათი აგრეთვე გვაძლევს საფუძველს ჩავთვალოთ, რომ „ქუშანშაპრის“ შეტანა ირანის იმპერიის შემადგენლობაში, შეიძლება ნიშნავდეს მხოლოდ მასზე ბატონობის პრეტენზიას⁹⁸.

მაგრამ, მეორე მხრით, ჩვენს ვანკარგულებაშია კიდევ ერთი ეპიგრაფიკული ძეგლი, რომელიც თითქოს სრულიად გარკვევით მიუთითებს ირანული არმიის შექრალზე იბერიაში შაბურ I-ის დროს. ესაა ირანის დიდი მაგუპატის (უმალღესი ქურუმის) კარტირის წარწერა იმავე „ზოროსტრის ქაბახე“, სადაც ნათქვამია:

„და მე, კარტირმა, იმთავითვე ღმერთებისა და მეუფეთა სამსახურში და სულისა ჩემისა გამო ბევრი შრომა და ტანჯვა განვიცადე, ჩემი წყალობით მრავალნი ცეცხლნი (იგულისხმება ცეცხლის ტაძრები, — ნ. ლ.) და მოგვნი ირანის მთელ ქვეყანაში... ასურის ტანში... მეშანში, ატრუპატაკანში. სპაჰანში. ჩეიში. ერმანში, სავსტანში, გურგანში... მერვში, გერათში... აპარშაპრში. ვიდრე პეშევარამდე, გაიფურჩქნენ. და აგრეთვე არაირანის ქვეყნებში ცეცხლნი და მოგვნი, ვინც კი იყვნენ არაირანში, იქ, სადაც შაბურის, მეფეთა-მეფის ცხენებმა და ხალხმა (მეომრებმა — ნ. ლ.) მიიღწიეს — ქალაქი ანტიოქია და ქვეყანა სირია და ის, რაც სირიის პროვინციაშია, ქალაქი ტარსი და ქვეყანა კილიკია და ის, რაც კილიკიის პროვინციაშია, ქალაქი კისარია და ქვეყანა კაპადოკია და ის, რაც კაპადოკიის პროვინციაშია, ვიდრე საბერძნეთის ქვეყნამდე. ქვეყანა არმენია და იბერია, და ალბანია და ბალასკანი. ვიდრე ალბანთა (თუ ალანთა?) კარამდე — იქ სადაც შაბურმა, მეფეთა-მეფემ, ცხენებითა და ხალხით თვით... ნგრევა და ხანძარი და... მოახდინა, იქ მეფეთა-მეფის ბრძანებით მოგვნი, ვინც კი ამ ქვეყნებში იყვნენ. გავაერთიანე მაგუსტანში⁹⁹“.

მიუხედავად იმისა, რომ ხარვეზების გამო წარწერის ზოგი ადგილის ზუსტი თარგმნა კირს, ერთი რამ აშკარაა: მაგუპატ კარტირის ცნობით შაბურ I-ის დროს მისი „ცხენები და მეომრები“ ყოფილან იბერიაში, რაც თითქოს ამ ქვეყნის დაპყრობას შეიძლება ნიშნავდეს. მაგრამ, მეორე მხრივ, საყურადღებოა ის გარემოება, რომ, როცა იბერიაზეა ლაპარაკი, აქ თითქმის სიტყვა-სიტყვითაა

⁹⁸ В. Г. Луконин. Культура сасанидского Ирана, стр. 126—128.

⁹⁹ ამ წარწერის სხვა ვარიანტებიც არსებობს. წარწერის ტექსტის თარგმანი მოგვამქს ვ. ლუკონინის შრომიდან.: Картир и Мани, ВДИ, 1966, № 1. 76. აქვე, ამ წარწერის შესახებ.

განეორებული „ზოროასტრის ქააბის“ შაბურ პირველისეული წარწერის ტექსტი. „...არმენია, იბერია, სიკანი (მახელონია), ალბანია, ბალსანნი, ვიდრე კაპის მთებამდე და ალანთა კარამდე...“ (იხ. ზევით გვ. 21). ამდენად გამორიცხული არაა, რომ კარტირი ეყრდნობა რა შაბურ I-ის წარწერას, იმეორებს უკვე თავისებურ ფორმულად ქვეულ ჩანოთვლას ირანის შაპან-შაპის ხელქვეითი ქვეყნებისა და ყველა მათ შაბურისაგან დალაშქრულად აცხადებს¹⁰⁰.

მეორე მხრივ, შაბურ I-ის „ცხენთა და მეომართა“ ამა თუ იმ ქვეყანამდე მიღწევა, ე. ი. მისი დალაშქერა, ჯერ კიდევ არ ნიშნავს ამ ქვეყნის მყარად დაპყრობას. როგორც აღნიშნული იყო, იბერიაში, ალაბენასა და კერმანში რეალურად ადგილობრივი დინასტიების წამომადგენლები მეფობდნენ და ირანულ წარწერებში მათი მოხსენიება უნდა ნიშნავდეს მხოლოდ იმას, რომ ისინი ნებია თუ ძალდატანებით შესულნი იყვნენ ირანის მოკავშირეთა რიგებში.

გ. მელქიშვილის აზრით, „ზოროასტრის ქააბის“ წარწერის ნოდაცემება იბერიის მეფის ამაზასპის ირანისადმი ქვეშევრდომობის შესახებ, ადასტურებს ლეონტი მროველის ცნობები ქართლის მეფის ამაზასპის შესახებ. ლეონტის ცნობით, ამაზასპმა „შეიყუარნა სპარსნი“ თავის მეფობის ბოლო წლებში. ამის გამო მას განუდგნენ ერისთავნი. რომელთაც მოიხმეს დამხმარედ სომხები, ოვსნი და ბერბენი (რომაელები). ამაზასპმა, თავის მხრივ, მოუწოდა სპარსელებს: ომში ამაზასპი, დამხმარე სპარსთა ჯარითურთ, დამარცხდა და მოკლულ იქნა¹⁰¹. გ. მელქიშვილის აზრით, ეს მოთხრობა დამამტკიცებელია, რომ შაბურ I-ის წარწერაში მოხსენიებული ამაზასპი პროირანული ორიენტაციის მქონეა, ხოლო მისი მარცაის ქვეშ იგულისხმება ერთ-ერთი იმ მრავალრიცხოვან დამარცხებათაგანი, რომელიც ირანმა განიცადა რომთან ომებში შაბურ I-ის შემდეგ, ე. ი. III ს. ბოლოს¹⁰².

მაგრამ ჩვენ გაუმართლებლად მიგვაჩნია ამ ორი ამაზასპის გაიგივება. საქმე ისაა, რომ ლეონტი მროველის მონაცემებით, ამაზასპი ბევრად უფრო ადრე ცხოვრობდა, ვიდრე შაბურის თანამედროვე იბერიის მეფე. როგორც აღნიშნული იყო, ლეონტის შინედავით, ირანში სასანიანები გამეფდნენ ქართლში ასპაგურის მეფობის დროს,

¹⁰⁰ ვ. ლევონი შენიშნავს, რომ შაბურის წარწერაში ოლქების ჩამოთვლა მალე იქცა სტანდარტულ ოფიციალურ ფორმულად: *Культура сасанидского Ирана*, стр. 126.

¹⁰¹ ქართლის ცხოვრება, I, გვ. 57.

¹⁰² Г. А. М е л и к ш в и л и, К истории древней Грузии, стр. 394.

ზილო ამაზასპი ასპაგურზე ბევრად ადრე მართავდა ქართლს—მა-
სა და ასპაგურს შორის კიდევ ოთხი მეფეა დასახელებული¹⁰³. მა-
რთალია, „მეფეთა ცხოვრებაში“ ხშირია ანაქრონიზმები, მოვლენ-
ათა და ისტორიულ პირთა აღრევა და სხვა შეცდომები, მაგრამ
ჩვენ არ გვაქვს არავითარი რეალური საბუთი „მეფეთა ცხოვრე-
ბის“ ამაზასპი შაბურ I-ის თანამედროვედ მივიჩნიოთ. რაც შეეხება
სახელუბრის იდენტურობას, ეს არაა საკმარისი საფუძველი ამ სახელ-
თა მატარებელი მეფეების გაიგივებისათვის; სახელი ამაზასპი ქართ-
ლში, როგორც ჩანს, გავრცელებული იყო: გარდა ლეონტი მროვე-
ლისა და „ზოროასტრის ქაბის“ წარწერისა, ეს სახელი დადასტუ-
რებულია რომში აღმოჩენილ ეპიტაფიაში, რომელშიაც ამ სახელით
იწვინის მეფის ძმა იხსენიება¹⁰⁴. ამდენად, არაა გამორიცხული,
რომ ქართლში ამ სახელის მატარებელი ორი მეფე იყო.

მეორე მხრივ, ჩვენ გვაქვს ცნობები, რომლებიც ადასტურებს,
რომ შაბურ I-ის თანამედროვე იბერიის მეფე სრულიადაც არ იყო
ნტიცივე პროირანული ორიენტაციისა.

ჩვენ მხედველობაში გვაქვს იმპერატორ ვალერიანეს ბიოგრა-
ფიას მონათხრობი, რომ ვალერიანეს დატყვევების შემდეგ, შაბურ
I-მა წერილები გაუგზავნა სხვადასხვა ქვეყნის მმართველებს, რო-
მელთაც ატყობინებდა თავისი გამარჯვების შესახებ. ამ წერილების
პასუხად, ზოგიერთმა მეფემ (მაგალითად მეფე ველზოლმა, კადუსი-
ების მეფე ეკლენმა და არმენიის მეფე არტავაზდმა) მოულოცეს
შაბურ I-ს გამარჯვება, ოღონდ სამივე აფრთხილებდა სპარსეთის მე-
ფეს, რომ იმპერატორის დატყვევება საშიში საქმეა და ურჩევდა
მის განთავისუფლებას¹⁰⁵.

„ზოლო ბაქტრიელებმა, იბერებმა, ალბანელებმა და ტავროს-
კითებმა — წერს ბიოგრაფი — არ მიიღეს სპარსის წერილები,
არამედ მისწერეს რომაელ მხედართმთავრებს და შეჰპირდნენ დამ-
ხმარე ჯარების გამოგზავნას ვალერიანეს ტყვეობიდან დასახსნე-
ლად“¹⁰⁶.

ვალერიანეს ბიოგრაფის ეს ცნობა მოაქვს გ. მელიქიშვილსაც
და დასძენს, რომ იმ დროს, რომელსაც ეხება ეს ცნობა, ამაზასპი

¹⁰³ ქართლის ცხოვრება, I, გვ. 58—59.

¹⁰⁴ თ. ყ ა უ ხ ჩ ი შ ვ ი ლ ი, ბერძნული წარწერები საქართველოდან, თბი-
ლისი, 1951, გვ. 236—238.

¹⁰⁵ SHA, XXII, 1—3.

¹⁰⁶ იქვე, XXII, 4, 1.

—ჭებო ეიღევ აშკარად არ გამოსულა შაბურის მოკავშირედ: მაგრამ, —
—უ ვინსაღლებო „ზორთასტრის ქაბის“ წარწერის მიხედვით. ის
—ძალად მალე, ვალერიანეს დატყვევების შემდეგ, ცნობს სასანიდო
—მეფეს უმალეს ხელისუფლებას¹⁰⁷.

მაგრამ ანეთ მსჯელობას ძნელია დავეთანხმოთ. „ზორთასტრის
—ქაბის“ წარწერა, როგორც სპეციალისტების მიერაა აღიარებული,
—ანოვეთილი იყო 261—262 წლებში. ე. ი. უშუალოდ ვალერიანეს
—დატყვევების შემდეგ, რადგან წარწერაში არ ჩანს ნესპოტამიაში
—პალმირის მმართველის ოდენატი 263—264 წლის ლაშქრობის არა-
—ვითარი კვალი¹⁰⁸.

მეორე მხრივ, ვალერიანეს ბიოგრაფიკ ხაზგასმით აღნიშნავს,
—რომ სპარსეთის მეფისადმი აშკარა ურჩობა იბერებს, აღბანელებს
—და სხვებს სწორედ ვალერიანეს დატყვევების შემდეგ გამოუჩენი-
—ათ. ისე რომ ეს ორი ცნობა — ბიოგრაფისა და შაბურის წარწე-
—რისა — ერთსა და იმავე ხანას განეკუთვნება. ერთდროული, მაგ-
—რამ ურთიერთის საწინააღმდეგო ამ ორი ცნობის ურთიერთწინა-
—ხმება, ჩვენი აზრით, მხოლოდ ასე შეიძლება: „ზორთასტრის ქა-
—ბის“ წარწერა რეალურ ვითარებაზეა დაფუძნებული — დაახლო-
—ებით 253 წლის შემდეგ იბერიის მეფე ანაზასი იძულებულია
—სცნოს ირანის შაჰან-შაჰის უზენაესობა. შედეგი იყო ეს იბერიის
—ტერიტორიაზე შაბურ I-ის „ცხენთა და მეომართა“ შეჭრისა, თუ
—შექმნილი პოლიტიკური სიტუაციისა — არმენიაში სასანიდების გა-
—ბატონებისა — ჩვენ არ ვიცით, მაგრამ, რომ ქართლს მეფე ირა-
—ნის შაჰან-შაჰის ქვეშევრდომად ითვლება, ხოლო იბერია — ფარ-
—მალურად თუ რეალურად — სპარსეთის მოხარკე ქვეყნად, ეს
—ცხადია. სხვა საქნეა, როგორი იყო სინამდვილეში იბერიის ირა-
—ნისაგან დამოკიდებულება. ვალერიანეს ბიოგრაფის ზემომოთანილი
—ცნობა, ჩვენი აზრით, სწორედ იმაზე მიუთითებს, რომ იბერიის მე-
—ფის დამოკიდებულება ირანზე საკმაოდ ფორმალური ხასიათისა
—იყო, რამდენადაც მან არა მარტო თავისი სიუზერენის წერილები
—არ მიიღო, არამედ სპარსეთის მეფისადმი აშკარად მტრული პო-

¹⁰⁷ Г. А. Меликишвили, К истории древней Грузии, стр. 394, прим. 171.

¹⁰⁸ M. Sprengling, A New Pahlavi Inscription, AJSLL, t. 53, № 2, 1937, გვ. 169; Н. В. Пигулевская, Города Ирана в раннем средневековье, М. Л., 1, 1956, стр. 161.

ზიციაც დაიკავა — რომაელებს დახმარება შესთავაზა ვალერიანეს გამოსახსნელად. იგივე ითქმის, როგორც ჩანს, ალბანილებზეც¹⁰⁹.

ჩვენ რეალური ვითარება ასე გვესახება: III ს. 50-იან წლებში, როცა ირანმა დაიმორჩილა არმენია და აქ ტახტზე შაბურ I-ის ვაჟი ჰორმიზდ-არდაშირი დაჯდა და როდესაც სპარსელებმა რამდენიმე სერიოზული მარცხი მიაყენეს რომაელებს, იბერიის მეფე ანაზაპი იძულებულია სცნოს თავისი ვასალური დამოკიდებულება ირანზე. არაა გამორიცხული, რომ ეს ანაზე იბერიაში შაბურ I-ის ჯარის შექრამაც აიბოლა. მაგრამ, როდესაც შაბურმა რომაელებზე გადაწყვეტი გამარჯვება მოიპოვა და თვით რომის იმპერატორიც ტყვედ იგდო, ამან შეაწფოთა ირანის მეზობლად განლაგებული სახელმწიფოები, რომელნიც თავისთვითა რეალურ საშიშროებას სწორედ სასანური ირანის მხრიდან ხედავდნენ. ირანის აგრესიულ ზრახვათა ერთადერთ ამლავმველ ძალად მათ მაინც რომი მიაჩნდათ და ანიტომაც საჭიროდ დაინახეს ამ ნძიმე სიტუაციაში რომს ამოსდგომოდნენ მხარში. ამას გარდა, ვალერიანეს დატყვევების შემდეგ ძალიან მალე აღმოსავლეთში შეიქმნა ისეთი ვითარება, რომელიც ირანელთა საწინააღმდეგო მოქმედებას პერსპექტიულს ხდიდა: 263 წ. პალმირის მეფე ოდენატო, რომელიც ვალერიანეს ვაჟის — გალიენის ერთგული დარჩა, შეტევას იწყებს სპარსელთა წინააღმდეგ: მალე აზია და სირია გაიწმინდა ირანული ჯარებ-საგან; ოდენატმა გადალახა ევფრატი, ალყისაგან გაათავისუფლა ედესა. ზოლი 264 წ. ზელთ იგდო ნისიბია და კარა. ამის შემდეგ ოდენატო სავტორიც სასანიანთა სამფლობელოში შეიჭრა, მიიღწია ქ. ქტაზიფონს და მისი მიდამოები ააოხრა¹¹⁰.

ამჟამად, რომ ოდენატმა წარმატებებს უნდა აღეზრათ ირანის მეზობელ სამეფოთა მესვეურებში იმედი და რწმენა, რომ ირანთან ბრძოლა შეიძლება და ალბათ ამოა შედეგი იყო, რომ მათ რომაელებს ვალერიანეს განთავისუფლებაში დახმარება შესთავაზეს. მაშასადამე, მიუხედავად თავდაპირველი წარმატებებისა, შაბურ I-ის პოზიციები ამიერკავკასიაში, და კერძოდ იბერიაში, არაუღლიდაც არ იყო მყარი. ქართლის მმართველი წრეები სულ უფრო გარკვევით იღებენ ორიენტაციას რომზე.

როგორა იყო იბერიის რეალური მდგომარეობა შემდგომ

¹⁰⁹ К. В. Т р е в е р. Очерки по истории и культуре Кавказской Албании М. Л., 1959, стр. 134.

¹¹⁰ Т. М о м м з е н. История Рима, т. V, стр. 391..

წლებში, ჩვენ არ ვიცით: უნდა ვიფიქროთ, რომ იგი დამოუკიდებლობას ინარჩუნებს; შაბურ I-ის მემკვიდრეების დროს რომთან ზრძოლებში განცდილმა დამარცხებებმა, ცხადია, სასანიდებს ამიურკავკასიაში თავისი მდგომარეობის განმტკიცების საშუალება აღარ მისცეს. ხოლო III ს-ის მიწურულში მათ არმენიაზედაც კი უარი თქვეს: 298 წ. დადებული ე. წ. ნიზიბისის ზავის თანახმად მესოპოტამიის ნაწილი და არმენია რომის პროტექტორატის ქვეშ გადავიდა. საინტერესოა, რომ პეტრე პატრიკიოზის (VI ს.) ცნობით იბერიის მეფეა, ნიზიბისის საზავო ხელშეკრულებით, რომაელები-საგან უნდა მიეღო თავისი მეფობის ნიშნები¹¹¹.

საინტერესოა, რომ ლეონტი მროველის მიხედვით, როდესაც გარდაიცვალა ქართლის მეფე ასფაგური, მას ვაჟიშვილი არ დარჩენია და ქართლის დიდებულებს ირანის მეფე ქასრე ანუშირვანისთვის უთხოვიათ მიეცა მათთვის მეფედ მისი ვაჟი. შაპან-შაჰი დათანხმებულა და ქართლში შეიდი წლის უფლისწული მირიანი გამოუგზავნია. მირიანს ცოლად შერთეს ასფაგურის ქალი აბეშარა. მირიანის მეფობა, ლეონტი მროველით, ქართლის გაძლიერების ხანაა, მირიანი სპარსელთა დახმარებით არაერთ გამარჯვებას აღწევს და მნიშვნელოვნად აფართოვებს ქართლის სამეფოს საზღვრებს. ორმოცი წლასა რომ გახდა მირიანი, გარდაიცვალა მისი მამა ქასრე ანუშირვანი და სპარსეულის მეფედ გახდა მირიანის ძმა ბარტამი. ამის შემდეგ რომაელებმა (ბერძნებმა) სომხეთის მეფედ დასვეს თრდატი: უკანასკნელსა და მირიანს შორის გამუდმებული ომი წარმოებდა და ხან ერთი აღწევდა წარმატებას, ხან მეორე. ამასობაში სპარსეთში ბარტამიც გარდაიცვალა და ტახტზე მირიან-ბარტამის ძმა ავიდა (სახელი ლეონტის არ მოაქვს). ამ უკანასკნელმა მირიანს მოუწოდა „საბერძნეთის“ წინააღმდეგ სალაშქროდ; სპარს-ქართველთა ლაშქარმა წარტყვევნა სომხეთი და შემდეგ „საბერძნეთში“ შევიდა; კონსტანტინე კეისარი ვერ წინააღმდეგა მტერს. მაშინ ახლობლებმა ურჩიეს ქრისტეს რჯულის მიღება და კონსტანტინემაც ქრისტეს დახმარებით მტერი უკუაქცია. მირიანმა ზავი სთხოვა კონსტანტინეს; უკანასკნელმა მირიანს მძევლად ვაჟი ბაქარი გამოართვა, თვითონაც დაეზავა და თრდატთანაც შეარიგა¹¹².

სამეცნიერო ლიტერატურაში დამარწმუნებლადაა ახსნილი, რომ მირიანის სპარსულ ჩამომავლობას რეალური საფუძველი არ

¹¹¹ Petr. Patric., Hist., ir. 14.

¹¹² ქართლის ცხოვრება, I, გვ. 62—71.

უაჩნია და ასეთი გადმოცემა შეიქმნა იმის ზეგავლენით, რომ ნი-
რიანისათვის მოექცნათ განსაკუთრებით დიდი და სახელოვანი წი-
ნაპრები¹¹³.

მაგრამ საიდან არის აღებული მთელი ეს მოთხრობა თრღატ-
თან და რომაელებთან ბრძოლების შესახებ; აქვს თუ არა მას რაი-
მე საფუძველი ან ისტორიული გამართლება?

როგორც სამართლიანად შენიშნავს ლ. ჯანაშია, ლეონტის ამ
მოთხრობაში მთლიანად დარღვეულია ისტორიული პერსპექტივა,
დაშვებულია ნრავალი შეცდომა ირანის მეფეთა სახელებში, მეფო-
ბის ხანგრძლივობაში და თანამიმდევრობაში: მცდარია აგრეთვე ირ-
ან-რომაელთა ომის გადატანა კონსტანტინე I-ის ხანაში და ამ ომ-
თან კონსტანტინეს მონათელის დაკავშირება, რადგან კონსტანტი-
ნეს დროს ირანსა და რომს შორის ომს აღგილი არ ჰქონია. ამი-
ტომ ლ. ჯანაშია ფიქრობს, რომ სპარსეთსა და რომს შორის იმ ომ-
ის ქვეშ, რომელსაც აღწერს ლეონტი მროველი მირიანის მეფობის
თხრობისას, რეალურად იგულისხმება ის ომი, რომელსაც აღგილი
ჰქონდა იმპერატორ დიოკლეტიანეს დროს და რომელიც 298 წ. ნი-
ზიზისის ზავით დამთავრდა: ლ. ჯანაშიას სიტყვით, „მეფეთა ცხოვ-
რებაში“ მოკვეთილი თანამიმდევრობა მოვლენებისა ზოგადად ემ-
თხვევა ამ ომის მსვლელობის ნამდვილ ისტორიას¹¹⁴.

ჩვენ ეს მოსაზრება დამაჯერებლად მიგვაჩნია და ვფიქრობთ,
რომ ლეონტი მროველის მონათხრობში მირიანის სომხებთან და რომ-
აელებთან ბრძოლის შესახებ, აისახა იბერიის მმართველთა (მი-
რიანის თუ სხვა რომელიმე მეფის) დროებით სპარსელთა მზა-
რეს მოქმედება რომისა და მისი მოკავშირე სომხეთის წინააღმდეგ.
არაა გამორიცხული, რომ იბერიის მმართველ წრეებს სომხეთში
თავისი ინტერესებიც ჰქონდათ და ირანის მზარდაქერით ისინი სწო-
რედ აქ თავისი მიზნების განხორციელებას ფიქრობდნენ. ხოლო კონ-
სტანტინესაგან მიყენებული მარცხი კი, რეალურად ასახავს დიოკლე-
ტიანეს წარმატებას, ირანის მიერ არმენიის დაკარგვას. შესაძლოა,
იბერია ამ ომში მართლაც ირანის მოკავშირედ გამოდიოდა (ნებით
თუ იძულებით) და ამითაც აიხსნებოდეს ის გარემოება, რომ ნიზი-
ზისის ზავით იბერიის მეფის მიმართ რომაელებმა კვლავ აღადგინეს

¹¹³ გ. მელიქიშვილი, ქართლის (იბერიის) სამეფოს ისტორიის ქრონო-
ლოგიის საკითხისათვის, იმშ, ტ. IV, ნაკვ. I, 1958, გვ. 162; საქართველოს ისტორიის
ნარკვევები, ტ. II, 1973, გვ. 60—62.

¹¹⁴ საქართველოს ისტორიის ნარკვევები, ტ. II, გვ. 62—63.

ფარსმან II-ის დროიდან უდავოდ აღმოფხვრილი წესი სამეფო ნიშნების რომიდან მიღებისა.

ნიზიბისის ზავის შემდეგ ამიერკავკასიის ქვეყნებში მშვიდობა დამყარდა. მაგრამ როგორც რომი, ისე ირანი ცდილობენ შეიქმნან ამ ქვეყნებში დასაყრდენი პრორომაული და პროირანული დაჯგუფებების სახით. იბერიის მმართველ წრეებში სულ უფრო ძლიერდება რომთან დაახლოების ტენდენცია. როგორც ს. ჯანაშია აღნიშნავდა: „...დამოკიდებულება შორეულ რომთან. მათთვის უფრო ხელსაყრელი იყო და მისაღები, ვიდრე ირანელების ზედ კარზე მომდგარი ბატონობა“¹¹⁵.

ამ ტენდენციის ერთერთ გამოხატულებას წარმოადგენდა იბერიის სამეფო კარის მიერ ქრისტიანობის მიღება და მისი სახელმწიფოებრივ რელიგიად გამოცხადება.

¹¹⁵ ს. ჯ ა ნ ა შ ი ა, საქართველო ადრინდელი ფეოდალიზაციის გზაზე, შრომები, წ. 1, 1949, გვ. 227.

ქართლში ქრისტიანობის სახელმწიფოებრივ რელიგიად გამოცხადების ისტორიისათვის

ქრისტიანობის გავრცელება და მისი სახელმწიფოებრივ რელიგიად აღიარება მნიშვნელოვან მოვლენად ითვლება ყველა ხალხის ისტორიაში, რამდენადაც ქრისტიანობა (ისევე, როგორც სხვა რელიგიები) ასახავდა სოციალურ-ეკონომიური და პოლიტიკური ურთიერთობის გარკვეულ დონეს და მისი გამარჯვება, სხვა რელიგიური რწმენის ქრისტიანობით შეცვლა, სწორედ სოციალურ-ეკონომიურ ბაზისში და პოლიტიკურ ურთიერთობაში მომხდარ, თუ ნიმიდინარე პროცესების შედეგად ხდებოდა. ამდენად, ქრისტიანობის ამა თუ იმ ხალხში გავრცელების, მისი აღიარება-გამარჯვების დროისა და პირობების გარკვევა საინტერესოა არა მარტო რელიგიის ისტორიისათვის, არამედ ამ ხალხის სოციალურ-ეკონომიური და პოლიტიკური ისტორიისთვისაც.

როგორც ცნობილია, ახ. წ. IV ს. ქრისტიანობა სახელმწიფოებრივ რელიგიად იქნა აღიარებული ქართლში. ეს ფაქტი შედეგი იყო ქვეყნის შინაგანი, სოციალურ-ეკონომიური განვითარებისა, და, ამავე დროს, ნიშნავდა ქართლის სამეფო ხელისუფლების მიერ ვარეპოლიტიკური ორიენტაციის სრულიად გარკვეულ არჩევას, ე. ი. გაპირობებული იყო ვარეპოლიტიკური ფაქტორითაც.

ქართლის გაქრისტიანების პირობათა და ვარემოებათა შესახებ საკმაოდ მდიდარი ლიტერატურა არსებობს და ქართულ ისტორიოგრაფიაში დღეს ძირითადად აღიარებულია, რომ ქართლის სამეფოში ქრისტიანობა ოფიციალურად მიღებულ იქნა IV ს. 30-იან წლებში. მაგრამ ეს როდი ნიშნავს, რომ ამ პრობლემასთან დაკავშირებით ყველაფერი ცხადია, არ არის საკამათო და გაურკვეველი საკითხები.

ჩვენს მიზანს ამჯერად არ შეადგენს ამ პრობლემასთან დაკავშირებული ყველა სათუო და საკამათო საკითხის აღნიშვნა და, მით

უფრო, მათი გარკვევა. შევხებით ნხოლოდ ორს: 1. ვის, რომელი-
მეფის დროს მოხდა ქართლში ქრისტიანობის სახელმწიფოებრივ
რელიგიად აღიარება; 2. როდის, რომელ წელს გაქრისტიანდა ქარ-
თლი.

მართალია, უკანასკნელ ათეულ წლებში ეს საკითხები სპეცია-
ლურ ლიტერატურაში საგანგებოდ აღარ განხილულა, მაგრამ არა
ინიტომ. რომ თითქოს მათ შესახებ მიღებულ იქნა რაიმე ერთობ-
ლივი აზრი, არამედ იმის გამო, რომ მთავარი მოკამათებები — ივ.
ჯავახიშვილი და კ. კეკელიძე — სამწუხაროდ ცოცხლები აღარ არ-
იან და საქართველოს ისტორიის შესახებ განმზოგადებელ ნაშრო-
მებში კი მიღებულია ერთგვარი ნეიტრალური, შემარიგებლური
პოზიცია: ქართლი გაქრისტიანდა IV ს. 30-იან წლებში (ივ. ჯავახი-
შვილის თვალსაზრისი), მეფე მირიანის დროს (კ. კეკელიძის შე-
ხედულება). მაგრამ აღნიშნული საკითხები საკამათოდვე რჩება, მით
უფრო, რომ უკანასკნელად 1955 წელს კ. კეკელიძემ თავისი „ეტიუ-
დების“ III წიგნში კვლავ გამოაქვეყნა თავისი თვალსაზრისი და
იგი ფაქტიურად გამოხმაურების გარეშე დარჩა.

ორიოდე სიტყვა წყაროების შესახებ. ქართლის გაქრისტიანე-
ბის შესახებ ჩვენ მოგვეპოვება როგორც ეროვნული, ქართული,
აქვე უცხოური — ბერძნულ-ლათინური, სირიული (ასურული) და
სომხური წყაროები. ქართულ წყაროთაგან განსაკუთრებით მნიშვ-
ნელოვანია ქრონიკა „მოქცევაჲ ქართლისაჲ“, რომელიც ორი ხელ-
ნაწერით — ე. წ. შატბერდულით და ქელიშურიითაა ჩვენამდე მოღ-
წეული¹.

ამავე „მოქცევაჲ ქართლისაჲ“-ს საფუძველზე შეუდგენია ქა-
რთლის გაქრისტიანების ისტორია აგრეთვე ლეონტი მრო-
ველს, რომელმაც თავის ნაშრომში „ცხოვრება ქართველთა მეფე-
თა და პირველთაგანთა მამათა და ნათესავთა“ ჩაურთო წმ. ნინოს
მიერ ქართლის მეფის მირიანის მონათვლის ამბავი².

რაც შეეხება უცხოურ წყაროებს, აქ, პირველ რიგში, უნდა და-
ვსახელოთ ბერძენი საეკლესიო ისტორიკოსი გელასი კესა-
რიელი (გარდაიცვალა 395 წ.), რომელსაც იყენებენ, ან მცირე

¹ Е. Такашвили, Описание рукописей Общества распространения грамотности среди грузинского населения, т. II, вып. 4, 1906—1912; ძველი ქართული აგიოგრაფიული ლიტერატურის ძეგლები, წ. I, 1964, (ქვევით: „ძეგ-
ლები“).

² ქართლის ცხოვრება, წ. I, გვ. 73—103.

შესწორება-დამატებებით პირდაპირ თარგმნიან რომელი ისტორიკოსი რ უ ფ ი ნ უ ს ი (თავისი „საეკლესიო ისტორიის“ წერა დაუწყია 402 წ.), თეოდორიტე კვირელი (V ს. შუა წლები) და გელასი კვიზიკელი (V ს. ბოლო). შემდგომ ამ ავტორთა მონათხრობს იმეორებენ უფრო გვიანდელი ბიზანტიელი ნწერლები. გელასი კესარიელის შრომას ჩვენამდე არ მოუღწევია და მისი ცნობების შესახებ შეიძლება ვიმსჯელოთ სწორედ რუფინუსისა და თეოდორიტე კვირელის ექსცერპტების მიხედვით³.

ამას გარდა, ქართლის გაქრისტიანების შესახებ მოთხრობა შესულია V ს. სომეხი ისტორიკოსის მოვსეს ხორენაცის „სომეხეთის ისტორიაში“ და ნის ძირითად წყაროს ამ შემთხვევაში წარმოადგენდა IV ს. ისტორიკოსის აგათანგელოსის „ისტორია“; თავის ამ წყაროს მოვსეს ხორენაცი თვით ასახელებს იბერთა მოქცევის მოთხრობის ბოლოს⁴.

სწორედ ამ წყაროთა საფუძველზე შეისწავლება ქართლის გაქრისტიანების საკითხი და ამ ცნობათა სხვადასხვაგვარი ინტერპრეტაცია წარმოშობს სამეცნიერო ლიტერატურაში აზრთა სხვენებულ სხვადასხვაობას.

1. პირველი სადავო საკითხი, როგორც აღვნიშნეთ, ეხება იმ მეფის ვინაობას, რომლის დროსაც მოხდა ქართლში ქრისტიანობის ოფიციალური აღიარება. ქართულ წყაროებში ქართლის მეფედ რომელმაც მიიღო ქრისტიანობა, დასახელებულია მირიანი --- ლეონტი მროველით ქართლის ოცდამესამე მეფე, ძე სპარსეთის მეფის ქასრესის⁵, ხოლო „მოქცევაჲ ქართლისაჲ“--ს მიხედვით ოცდამეშვიდე მეფე, ძე ლევისან⁶. ამას ეხმაურება მოვსეს ხორენაციც, რომელიც მოგვითხრობს, რომ „ნეტარმა ნუნემ“ მოაქცია იბერიის მმართველი მიჰრანი, რომელიც სონებს ისტორიკოსს მეფე თრდატის ერთერთ სარდალთაგანად ჰყავს გამოცხადებულ⁷.

ვინაიდან ზემოხსენებულ ბერძნულ-რომაულ წყაროებში ქართ-

³ A. Glass, Die Kirchengeschichte des Gelasios von Kaisarcia die Vorlage für die beiden letzten Bücher der Kirchengeschichte Rufins, Leipzig-Berlin, 1914; ს. ყ ა უ ხ ჩ ი შ ვ ი ლ ი, გელასი კესარიელი ქართლის მოქცევის შესახებ, „მომთხილელი“, 1926, გვ. 55—66; გეორგიკა, ტ. I, 1961, გვ. 179—185.

⁴ История Армении Моксея Хоренского, пер. Н. Эмина, М., 1858, стр. 153.

⁵ ქართლის ცხოვრება, I, გვ. 60—71.

⁶ ძეგლები, I, გვ. 90.

⁷ მოვსეს ხორენაცი, LXXXVI.

ლის პირველი ქრისტიანი მეფის სახელი არაა ნახსენები, სამეცნიერო ლიტერატურაშიაც და საეკლესიო ტრადიციებშიც საყოველთაოდ იყო მიღებული, რომ ქართლის გაქრისტიანება მოხდა მირიანანს დროს. მაგრამ 1895 წ. რიპარდ რააბემ გამოსცა მაიუმის ეპისკოპოსის პეტრე იბერის „ცხოვრების“ ასურული ტექსტი, გერმანული თარგმანითა და გამოკვლევით⁸. ამ ძეგლის ავტორი, ახასიათებს რა პეტრე იბერის მშობლებსა და წინაპრებს, აღნიშნავს, რომ პეტრეს პაპა (დედის მამა) იყო „დიდი ბაკურიოსი“ რომელიც „ამ ქვეყნის (იბერიის — ნ. ლ.) მმართველთაგან პირველი ქრისტიანი მეფე იყო და მთელი ეს ერი ღვთისმოსიანობაზედ მოაქცია“⁹. ცოტა ქვევით ავტორი იგივეს იმეორებს: „დიდი ბაკურიოსი, რომელიც იბერელ მეფეთგან პირველი იყო ქრისტიანი“¹⁰. !

ამ ცნობამ იმთავითვე მიიპყრო ყურადღება. კერძოდ, ქრისტიანული ეკლესიის ცნობილმა მკვლევარმა ვ. ბოლოტოვმა, ადრე ცნობილ წყაროებთან შედარებით, უპირატესობა მიანიჭა პეტრეს „ცხოვრებას“ და გამოთქვა მოსაზრება, რომ რეალურად ქართლის პირველი ქრისტიანი მეფე უნდა ყოფილიყო სწორედ ბაკური. მისი ანოსავალი ის იყო, რომ ქართლის მოქცევის შესახებ არსებული ქართული წყაროები ბევრ ურთიერთსაწინააღმდეგო ცნობას შეიცავენ (ნაგ. „მოქცევაჲ ქართლისაჲ“-ს და ლეონტი მროველის მეფეთა რიგი), რომ აქ ძალზე ბევრია ნებისმიერი, დაუჭერებელი მონაცემები, ხოლო პეტრე იბერის „ცხოვრება“, შედგენილი მისი უშუალო მოწაფის მიერ, ბევრად უფრო სანდო წყაროს წარმოადგენს; ამასთან. ვ. ბოლოტოვს მეტად მნიშვნელოვნად მიაჩნია ისიც, რომ იბერიის მეფე ბაკური ნახსენები ჰყავს რუფინუსსაც, რომელსაც, მიხედვით თქმით, იბერთა მოქცევის ამბავი შოუთხრო სწორედ ამ ბაკურმა¹¹.

ვ. ბოლოტოვის ამ მოსაზრებას გამოენათურა ს. გორგაძე; მან აღნიშნა, რომ პეტრე იბერის „ასურული ცხოვრების“ ცნობები, ყოველშემთავვევანი იმ ნაწილში, რომელიც პეტრეს ჩამონაველობას ეხ-

⁸ Petrus der Iberer, ein Charakterbild zur Kirchen- und Sittengeschichte des fünften Jahrhunderts, herausgegeben und übersetzt von R. R a a b e, Leipzig, 1895.

⁹ იქვე, გვ. 5, 15 (პირველი ციფრი აღნიშნავს ასურული ტექსტის გვერდს, მეორე — გერმანული თარგმანისას).

¹⁰ იქვე, გვ. 6, 16.

¹¹ В. Б о л о т о в. Лекции по истории древней церкви, кн. II, 1900, стр. 235—236.

ება. სრულიადაც არ არის ესოდენ სანდო და ექვემიუტანელი: ამ „ცხოვრებაში“ დასახელებული მეფეები ბოზმარიოს I და II სრულიად უცნობია ქართული წყაროებისათვის, არც სხვა პერსონაჟები თავსდება დამაჯერებლად ქართლის მეფეთა ცნობილ სიაში. ამას გარდა „პეტრეს ცხოვრების“ ქართული ვერსია ამ მხრივ ეწინააღმდეგება რ. რააბეს მიერ გამოცემულ ტექსტს: აქ პეტრეს მამად ვარაზ-ბაკურია გამოცხადებული. რაც შეეხება რუფინუსთან ნახსენებ ბაკურს, ის არ შეიძლება იყოს პეტრეს პაპა ბაკური, რადგან იგი IV ს-ის ბოლოს დაიღუპა რომის ტახტის პრეტენდენტის ეგგენიონის წინააღმდეგ ბრძოლაში და ვერ იქნებოდა კონსტანტინე I-ის თანამედროვე, ხოლო იბერთა მოქცევა კი ამ უკანასკნელის დროს მოხდა¹².

ამ საკითხს ჭერ კიდევ 1913 წ. ივ. ჭავჭავაძის მიერ შედგენილ ივ. ჭავჭავაძის ქართულ-სომხურ წყაროებთან შედარებით უფრო სანდოდ პეტრე იბერის „ცხოვრების“ ცნობებს მიიჩნევდა და ქართლში ქრისტიანობის შემომღებ მეფედ ბაკურს აღიარებდა, ამასთან იმორწმუნებდა რუფინუსის სიტყვებს, რომ ქართლის მოქცევის ამბავი მას მოუთხრო ბაკურიუსმა, „თვით ამ ხალხის მეფემ“ — და ამ ორ ბაკურს აიგივებდა¹³. ქართველი ერის ისტორიის“ შემდგომ გამოცემებში ივ. ჭავჭავაძის კვლავ იმეორებს თავის მოსაზრებას და ქართლის პირველ ქრისტიან მეფედ ბაკურს აცხადებს; მხოლოდ 1928 წ. გამოცემაში უარყოფს პეტრეს პაპის „დიდი ბაკურისა“ და გელასი-რუფინუსის ბაკურის იდენტურობას¹⁴.

ეს უკანასკნელი საკითხი, ვფიქრობთ, დღეს დავას აღარ უნდა იწვევდეს. ეჭვს გარეშეა, რომ ეს ორი ბაკური არ შეიძლება ერთი და იგივე პირი იყოს¹⁵, მაგრამ ამ ფაქტის აღიარება სრულიადაც არ ხსნის „დიდი ბაკურის“ ქართლის პირველ ქრისტიან მეფედ გამოცხადების შესაძლებლობას. როდესაც პეტრე იბერის „ცხოვრე-

¹² ს. გო რ ვ ა ძ ე, საქართველოს ეკლესია და მისი დასაწყისი, „მომხმე“, 1905 №: 3, გვ. 19 და შემდეგ

¹³ ივ. ჭ ა ვ ა ხ ი შ ვ ი ლ ი, ქართველი ერის ისტორია, წ. I, 1913, გვ. 180.

¹⁴ ივ. ჭ ა ვ ა ხ ი შ ვ ი ლ ი, ქართველი ერის ისტორია, წ. I, 1928, (იგივე 1951 წ., ემორწმუნებთ ამ უკანასკნელ გამოცემას), გვ. გვ. 166—169, 206.

¹⁵ კ. კ ე კ ე ლ ი ძ ე, ქართველთა მოქცევის მთავარი ისტორიულ-ქრონოლოგიური საკითხები, „მომხმე“, 1926, გვ. 26—28; მ ი ს ი ვ ე, ვინ არის ლიბანოსის აღრესატი ბაკური, „ეტიუდები“, წ. III, 1955, გვ. 12—15.

ბი¹⁴ ცნობებს უპირატესობას ანიჭებდა: ივ. ჯავახიშვილს შემდეგ იოსაზრებებს ეყრდნობოდა: 1. პეტრე იბერიის ცხოვრება აღწერილი უნდა იყოს V ს. უკანასკნელ მეოთხედში, ანდა, უკიდურეს შემთხვევაში, VI ს. დამდეგს, ხოლო ქართული და სომხური წყაროები განეკუთვნება VIII—XI საუკუნეებს, ე. ი. პირველი ბევრად უფრო ახლო იყო დროს მიხედვით ქართლის გაქრისტიანებასთან, ვიდრე მეორენი; 2. პეტრე იბერიის ცხოვრება აღწერილი აქვს პეტრეს თვითმხილველს, მოწაფეს, ქართველსავე მწერალს ზაქარიას, რომელიც მას ქართლიდანვე გაჰყოლია ბიზანტიაში და რომელსაც დიდი ცოდნა ეტყობა ქართველთა მაშინდელი პოლიტიკური მდგომარეობისა, სახელმწიფო და სოციალური წყობილებისა, ხოლო ქართულ-სომხური წყაროები მეტად მდარე ხარისხისაა, მათ საფუძველად უდევთ ტენდენციური, სახელნატყუარი წყაროები, მათ მოთხოვნაში ცხოვრების ხორცშესხმული სინამდვილე ასახული არ არის. ყოველივე ამის გამო, ივ. ჯავახიშვილის აზრით, უპირატესობა უნდა პეტრეს „ცხოვრების“ ცნობებს მიენიჭოს და იბერიის პირველ ქრისტიან მეფედ „დიდი ბაკური“ უნდა მივიჩნიოთ¹⁶.

ივ. ჯავახიშვილის ამ მოსაზრებას რამდენიმეჯერ გამოეხმაურა კ. კეკელიძე. ჩვენ დაწვრილებით არ გადმოვცემთ მთელ მის მსჯელობას და აღვნიშნავთ მხოლოდ ძირითადს. უპირველეს ყოვლისა კ. კეკელიძე ყურადღებას აქცევს ერთ შეუსაბამობას, რომელიც ივ. ჯავახიშვილის მსჯელობაში შეიმჩნევა, კერძოდ იმას, რომ ივ. ჯავახიშვილს ქართლის გაქრისტიანება კონსტანტინე დიდის მეფობაში მომხდარ ფაქტად მიაჩნია და, შესაბამისად, დიდი ბაკურიც ამ იმპერატორის თანამედროვედ. ამავე დროს, ივ. ჯავახიშვილის გამოთვლით, ბაკური უკვე საკმაოდ ხანდაზმული გამეფდა. კ. კეკელიძე აღნიშნავს, რომ პეტრე იბერიის პაპა ბაკური 422—428 წლებში ჯერ კიდევ ცოცხალია და სამართლიანად ასკენის: წარმოუდგენელია, რომ კონსტანტინე I-ის დროს მოხუცებულობაში გამეფებული ბაკური ჯერ კიდევ ცოცხალი იყოს V ს. 20-იან წლებში¹⁷.

შემდეგ კ. კეკელიძეს მოაქვს პეტრე იბერიის „ცხოვრების“ ის

¹⁶ ივ. ჯავახიშვილი, ქართველი ერის ისტორია, წ. I, 1951, გვ. 213—222.

¹⁷ კ. კეკელიძე, იბერიის ქრისტიანიზაციის საწყისებთან, „ეტიუდები“, წ. III, 1955, გვ. 19—20; მისივე, ქართული კულტურის ორი დღესასწაული, „მნათობი“, 1929, № 7, გვ. 139.

ადგილები, სადაც დახასიათებულნი არიან მისი ნათესავ-წინაპრები და ყურადღებას აქცევს იმ გარემოებას, რომ ყველანი ისინი წმინდანებად, უღირსად ღვთისმომშიშად, ქრისტიანობის დიდ მოღვაწეებად არიან დახატულნი; ამაში კ. კეკელიძე აშკარა გაზვიადებას ხედავს, რომელიც ესოდენ დამახასიათებელია წმინდანთა „ცხოვრებებისათვის“ და მიაჩნია, რომ პეტრეს პაპის პირველ ქრისტიან-მეფედ გამოცხადება სწორედ ასეთი ტენდენციურობის შედეგი უნდა იყოს; ამასთან უთითებს, რომ თვით ივ. ჯავახიშვილიც არ უარჰყოფს ამგვარ გაზვიადებას და პეტრეს ნათესავთა ერთგვარ იდეალიზაციას¹⁸.

შენდეგ კ. კეკელიძე უარჰყოფს პეტრეს „ცხოვრების“ ავტორის ქართველობას. ეყრდნობა რა ედ. შვარცის გამოკვლევას, რომელშიაც პეტრე იბერის რ. რააბეს მიერ გამოცემული ბიოგრაფიის ავტორად დასახელებულია მწერალი იოანე რუფუსი, კ. კეკელიძე აღნიშნავს, რომ არსებობდა პეტრეს მეორე ბიოგრაფიაც, შედგენილი V ს. ბოლოს ან VI ს. დასაწყისში ზაქარია რიტორის მიერ; სწორედ ეს ნაშრომი, შემდგომში ასურულად თარგმნილი, დასდებია საფუძვლად პეტრეს „ცხოვრების“ ქართულ ვერსიას, ხოლო ეს ზაქარია რიტორი შემდგომ გადაწერ-რედაქტორებს ქართველად უქცევიათ¹⁹.

ამას გარდა, კ. კეკელიძე აღნიშნავს, რომ არ შეიძლება ანგარიში არ გაეწიოს ეროვნულ ტრადიციას „წარმოუდგენელია და დაუჯერებელი — წერს იგი — რომ ქართველებსა და ქართულ ეკლესიას დავიწყებოდას საბელი პირველი ქრისტიანი მეფისა“. ყოველივე ზემოთქმულის საფუძველზე, კ. კეკელიძის აზრით, „ტრადიციული ქართულ-სომხური რწმენა“, რომ პირველი ქრისტიანი მეფე მირიანი იყო, ურყევი რჩება²⁰.

მაგრამ კ. კეკელიძეს მიაჩნია, რომ პეტრეს პაპას ბაკურს, რომელიც რეალურად IV ს. ბოლოსა და V ს. დასაწყისში მეფობდა, მაინც მიუძღვის დამახასიათებელი ქართული ეკლესიის წინაშე, რის გამოც ის შეიძლება გარკვეულ წრეებს სწორედ პირველ ქრისტიან მეფედ ელიარებინათ: კ. კეკელიძის აზრით, ქართლში თავდაპირველად ქრისტიანობის არიოზული სახესხვაობა თუ ფრაქცია შემოსულა და

¹⁸ კ. კეკელიძე, „მნათობი“, გვ. 135—136.

¹⁹ იქვე, გვ. 137—138.

²⁰ კ. კეკელიძე, „მიმომხილველი“, გვ. 25.

ნაოლოდ შენდგ, დაახლ. 400 წ. მერე, შეცვლილა იგი ორთოდოქსალური მიმართულებით; სწორედ ამ შეცვლის განმარტებელი იყო ბაკური, რის გამოც პეტრეს ბიოგრაფი მას პირველ ნამდვილ ქრისტიან მეფედ მიიჩნევს²¹.

კ. კეკელიძის ამ უკანასკნელ მოსაზრებას ჩვენ ქვევით შევეხებით, ახლა კი შევნიშნავთ. რომ ბაკურის პირველ ქრისტიან მეფედ გამოცხადებას ბევრი რამ ელოდება და კ. კეკელიძის ზემოწოდანილი საბუთები უღაცოდ ფრიად ანგარიშგასაწევია. ამ არგუმენტებს ჩვენ გვინდა ზოგი რამ დავუმატოთ. უპირველეს ყოვლისა, წყაროთა თარიღებისა და ქართლის გაქრისტიანებასთან მათი ქრონოლოგიური სიახლოვის შესახებ: პეტრე იბერის „ასურული ცხოვრება“, რომელიც რ. რააბემ გამოსცა, მართლაც V ს. ბოლოსა და VI ს. დასაწყისშია შედგენილი, მაგრამ, როგორც ეს სამეცნიერო ლიტერატურაშია დადგენილი, ასურული ტექსტი ბერძნული დედნიდანაა თარგმნილი: ასურულ ტექსტში ბევრგან ბერძნული სიტყვები და გამოთქმებიცაა გადმოსული²², ამასთან ტექსტს სხვა მხრივაც ეტყობა მერმინდელ რედაქტორ-გადამკეთებლის ხელი²³. არის ვარაუდი, რომ ამ „ცხოვრების“ თავდაპირველი ბერძნული დედანი ასურულად თარგმნილი იყო VIII ს²⁴. უკვე ამის გამო შესაძლებელია, რომ რ. რააბეს გამოცემაში წარმოდგენილი ცნობები ზოგჯერ იყოს არადედნისეული, არამედ გვიანდელი და, მაშასადამე, ქართლის მოქცევას დროით საკმაოდ დაშორებული.

რაც შეეხება ქართულ წყაროებს, იმ სახით, როგორც ისინი ჩვენამდეა მოღწეული, ისინი მართლაც გვიანდელია, მაგრამ სამეცნიერო ლიტერატურაში გამოთქმულია საკმაოდ დასაბუთებული ნოზაზრება, რომ „მოქცევაჲ ქართლისაჲ“-ს პირველი ნაწილი VII ს-ზე გვიან არ არის შედგენილი და მის ავტორს უფრო ძველი წყაროებზეაც უსარგებლია²⁵.

მოვაკეს ხორენაცის „სონხეთის ისტორია“ კი, დღეს გაბატონებული შეხედულებით, V ს. არის შედგენილი და მისი ავტორიც ამ

²¹ კ. კეკელიძე, „ეტიუდები“, III, გვ. 16—22.

²² ს. ყაუხჩიშვილი, გეოგრაფია, ტ. II, 1965, გვ. 247—248.

²³ ივ. ლოლაშვილი, არეოპაგტიკის პრობლემები, 1972, გვ. 146—147; E d. S c h w a r t z, Iohanes Ruius ein monophisylischer Schriftsteller, SHAW, 3. Bd., 16. Heft, 1912, გვ. 20—21.

²⁴ R. R a a b e, Petrus der Iberer, გვ. V—VII.

²⁵ Г. А. Мелликишвили, К истории древней Грузии, стр. 26., აქვე ლიტერ.

საუჯუნის მწერალთა და არა VIII—IX საუჯუნეებისა, როგორცაღრე ეგონათ²⁶. თანაც, როგორც აღნიშნული გვქონდა, ქართლის გაქრისტიანების აღწერისას ხორენაცის ძირითადი წყარო IV ს. ავტორი ავთანეგლოსია.

ამრგად, ცხადია, რომ ქრონოლოგიური უპირატესობა პეტრი იბერის „ცხოვრებისა“, შედარებით ქართულ-სომხურ წყაროებთან, არაფრით არ მტკიცდება.

ახლა საკითხი პეტრი იბერის „ცხოვრების“ ავტორის ქართველობის, ქართლის სამეფო სახლთან მისი საახლოვის შესახებ, როგორც არგუმენტი მისი ცნობების სანდოობისა. ეს საკითხი საქმაოღრთულია და აზრთა მნიშვნელოვან წინააღმდეგობას იწვევს. საქმე ისაა, რომ რ. რააბეს მიერ გამოცემული „ცხოვრების“ არც ასურული ტექსტის ავტორი (მთარგმნელი?), არც სავარაუდო ბერძნული ორიგინალის ავტორი ცნობილი არაა, ამიტომ კარგა ხანს ამ „ცხოვრების“ ავტორს უცნობად თვლიდნენ და თვით ნაწარმოებს „ანონიმურს“ უწოდებდნენ.

1896 წ. ნ. მარმა გამოაქვეყნა პეტრეს „ცხოვრების“ ქართული ვერსია სათანადო გამოკვლევით. როგორც გაირკვა, ქართული რედაქცია ასურულიდან უთარგმნია ვინმე მაკარი მესხს, ხოლო დაახლოებით XIV ს. პავლე დეკანოზს აშლილი და თავბოლონაკლული სახით ჩავარდნია ხელთ; მას ის შესავლითა და დასასრულით შეუქსია, არეული გვერდები რიგზე დაულაგებია და ასე გადაუწერია. ამრიგად აწ არსებული ყველა ხელნაწერი — XV ს-ის პეტრიწონის ხელნაწერიც და XVIII—XIX საუჯუნეებისაც — პავლე დეკანოზის რედაქტირებული ხელნაწერიდან მომდინარეობს²⁷. შენახული რედაქცია შეიცავს სამ ანდერსს: პირველი „ცხოვრების“ ასურული დედნის ავტორის სახელითაა შედგენილი, მეორე — მთარგმნელის მაკარი ხუცესის, ხოლო მესამე — პავლე დეკანოზის²⁸.

²⁶ М. А б е г я н, История древнеармянской литературы, Ереван, 1948, стр. 209; П. С. Х а ч и к я н, Историкография Армении (V—X вв.), «Очерки исторической науки в СССР», т. I, М., 1955, стр. 29—31.

²⁷ ი. ლოლაშვილი, არეოპაგიტის პრობლემები, გვ. 97—98; Житие Петра Ивера, царевича-подвижника и епископа Майумского V в., грузинский подлинник издал, перевел и предисловием снабдил Н. М а р р, «Православный палестинский сборник», т. XVI, вып. II. 1896, стр. 1—54,

²⁸ Н. М а р р, Житие Петра Ивера, стр. 51—54.

ავტორისებულ ანდერძში აღნიშნულია: „ხოლო მე, გლახაკი ზაქარია, მოწაფე მისი ქართლიდანვე, უკანა შეუდეგ წმიდასა მას²⁹, ვიდრე მიცვალებამდე მისა. ამისთვისცა აღვსწერე ცხოვრება მისი და სასწაულნი, თუალითა ჩემითა ხილულნი და ყურითა სმენილნი...“³⁰.

მთარკმნელის, მაკარი ხუცესის ანდერძში ნათქვამია: „ესე ცხოვრება წმიდისა და ნეტარისა მამისა ჩუენისა პეტრე ქართველისაჲ ამას კურთხეულსა და სანატრელსა ზაქარიას, მოწაფესა მის წმიდისა პეტრესა, ასურებრითა ენითა აღეწერა... ხოლო მე, გლახაკმან მაკარი ხუცესმან, გარდამოვთარგმნე ქართულად ასურთა ენისაგან, რამეთუ მეცა მეცნიერ ვიყავ მათა ენასა თქუენითა მადლითა“³¹.

ორივე ამ ანდერძით პეტრეს ცხოვრების ავტორად გამოდის ზაქარია, რომელიც ქართლიდანვე დაემოწაფა პეტრეს, უკანასკნელის გარდაცვალებამდე მასთან ყოფილა და საკუთარი თვალით ხილული და ყურით სმენილი აღუწერია. თუმცა არც ერთ ანდერძში ზაქარია პირდაპირ „ქართველად“ არაა მოხსენიებული, მაგრამ კონტექსტი ცხადყოფს, რომ ანდერძთა მიხედვით ზაქარია ქართველია. ასე გაჩნდა ისტორიოგრაფიაში შეხედულება, რომ პეტრეს „ცხოვრების“ ყოველშემთხვევაში ქართული ვერსია „ზაქარია ქართველის“ დაწერილია.

მაგრამ სამეცნიერო ლიტერატურაში იმთავითვე წარმოიშვა რამდენიმე პრობლემა: 1. იყო თუ არა ეს ზაქარია ნამდვილად ქართველი, თუ ეს ანდერძები გვიანდელი შეხთხულია და „ქართველად“ გამოზცადებულია ვინმე სხვა ზაქარია? 2. ხომ არ არის ეს ზაქარია ზაქარია რიტორი, ავტორი „საეკლესიო ისტორიისა, რომლის შესახებ ცნობილია, რომ მას აღუწერია პეტრე იბერის ცხოვრება? 3. რა მიმართებაშია ერთმანეთთან რ. რააბეს მიერ გამოცემული პეტრეს „ასურული ცხოვრება“ და ამავე „ცხოვრების“ ქართული ვერსია — შეიძლება ისინი ერთ ავტორს ეკუთვნოდნენ, თუ მათი დამწერი სხვადასხვა პირია და სხვ.

²⁹ ზოგ გამოცემაში მძიმეები სხვაგვარადაა დასმული: „...მოწაფე მისი, ქართლიდანვე უკანა შეუდეგ...“

³⁰ ძეგლები, წ. II, 1967, გვ. 262.

³¹ იქვე, გვ. 263.

ამ საკითხის ირგვლივ საკმაოდ მდიდარი ლიტერატურა შეიქმნა. მკვლევარნი სხვადასხვა ხშირად ურთიერთსაწინააღმდეგო მოსაზრებებს გამოთქვამენ. ჩვენ ამჟამად ამ რთულ პრობლემაში ღრმად შექრას არ ვაპირებთ, რადგან ჩვენს მიზანს სრულიადაც არ შეადგენს პატრე იბერის ბიოგრაფიათა ავტორების ძებნა-დადგენა. შევხებით მხოლოდ ზოგიერთ მომენტს, რომელიც ჩვენი საკვლევი საკითხისთვისაა მნიშვნელოვანი.

ჯერ კიდევ 1896 წ. ნ. მარი შეეხო პეტრე იბერის „ცხოვრების“ ასურულ და ქართულ ვერსიათა ურთიერთდამოკიდებულების საკითხს და შეადარა მათი ტექსტები. ნ. მარმა აღნიშნა, რომ ორივე ვერსიას აქვს ზოგი რამ საერთო, მაგრამ ამასთან მათში მეტად მნიშვნელოვანი და პრინციპული ხასიათის განსხვავებებიცაა³². აქედან ნ. მარმა გააკეთა საკმაოდ კატეგორიული დასკვნა, რომ „პეტრეს ცხოვრების სირიული ტექსტი, რომელიც ანონინს ეკუთვნის (იგულისხმება რ. რააბეს გამოცემული ტექსტი. — ნ. ლ.), არ არის ჩვენ მიერ გამოცემული ქართული ტექსტის დედანი და, მაშასადამე, სირიულ ენაზე არსებობდა და შეიძლება დღესაც არსებობს, პეტრეს სხვა ცხოვრება, შედგენილი წმინდანის (ე. ი. პეტრეს. — ნ. ლ.) თანამედროვის მიერ, რომელიც ზაქარიას სახელს ატარებდა“³³. შემდეგ ნ. მარი იხილავს შესაილებლონას ქართული ვერსიის ანდერძებში ნახსენები ზაქარიას და ზაქარია რიტორის (ანუ მიტილენელის) იგივეობისა, მაგრამ გარკვეულ დასკვნანდე ვერ მიდის: მისი აზრით, არსებობს ამ იგივეობის უარყოფელი საბუთები, მაგრამ არ გამოიციხავს ამ იგივეობის უარყოფელი მონაცემების ახსნის და ნაშასადამე, ამ ზაქარიათა იგივეობის დადასტურების შესაძლებლობასაც³⁴. რაც შეეხება ქართული ვერსიის ანდერძებში ზაქარიას ქართველად გამოცხადებას. ნ. მარი ამას შენდგენაირად ხსნის: „ზოგი რამ ავტორ ზაქარიაზე შეეძლო შეეტანა პირველად გვიანდელ გამმართველს დეკანოზ პავლეს, ან იქნებ უფრო ადრე მთარგმნელს (ე. ი. შაკარ ხუცესს — ნ. ლ.) შეეძლო სირიული ტექსტის საძიებელი ავტორი ქართველად ექცია“³⁵.

1912 წ. ელუარდ შვარცმა სპეციალურ გამოკვლევაში სათანადო არგუმენტაციით გამოთქვა მოსაზრება, რომ რ. რააბეს მიერ გამო-

³² Н. М а р р, Жизнь Петра Ивера, стр. XVI—XXXII.

³³ იქვე, გვ. XXXII.

³⁴ იქვე, გვ. XXXIII.

³⁵ იქვე, გვ. XXXIII.

ცემული ტექსტის ავტორი, უფრო ზუსტად, ამ სირიული ტექსტის თავდაპირველი ბერძნული დედნის ავტორი არის პეტრე იბერიის ნოწაფე და მისი მონაცვლე ეპისკოპოსი მაიუმში იოანე რუფუსი, რომელსაც თავისი თხზულება VI ს. დასაწყისში დაუწერია³⁶. ე. შვარცის ეს დებულება დიდხანს დარჩა მეცნიერთა სათანადო ყურადღების გარეშე, მაგრამ 1952 წ. ე. ჰონიგმანმა გაიზიარა ეს მოსაზრება და მკვლევართა ყურადღებაც გაამახვილა. ე. შვარცია შრომაზე³⁷. ამის შემდეგ ე. შვარცის აზრი გაიზიარა ქართველ მკვლევართა აბსოლუტურმა უმეტესობამ და იგი უკანასკნელ დრომდე გაბატონებულიც იყო ჩვენს ისტორიოგრაფიაში³⁸.

ამის შემდეგ პეტრე იბერიის „ცხოვრების“ სხვადასხვა ვერსიების ავტორთა საკითხი შემდეგნაირად წარმოსდგა: ექვს აღარ იწვევდა, რომ რ. რაბეს მიერ გამოცემული ასურული ტექსტის დედანი ეკუთვნის იოანე რუფუსს, რომელსაც ეს თხზულება 518 წ. ბერძნულად დაუწერია და შემდგომ ის ასურულად უთარგმნიათ. ამდენად თითქოს თავისთავად მოიხსნა საკითხი ამ „ცხოვრების“ ავტორის ქართველობის შესახებ. ასეთ ვითარებაში ივ. ჯავახიშვილის არგუმენტსაც, რომ პეტრეს „ცხოვრების“ ცნობას პირველი ქრისტიანი მეფის ვინაობის შესახებ უნდა უპირატესობა მიენიჭოს, საფუძველი ეცლებოდა.

რაც შეეხება ქართული ვერსიის ავტორის პრობლემას, აქ აზრთა სხვადასხვაობა რჩებოდა. მეცნიერთა ნაწილი კვლავ უარპყოფს ზაქარიას ქართველობას და თვლის, რომ ქართული ტექსტის ასურული დედნის ავტორი რეალურად უნდა იყოს ზაქარია რიტორი³⁹. მკვლევართა მეორე ჯგუფი საერთოდ უარპყოფს ქართული ვერსიის ავტორად ზაქარიას — რიტორისა თუ ქართველის — მიჩნევას და ვარაუდობს, რომ XIII ს-ში მაკარი მესხს უთარგმნია უმთავრესად

³⁶ E. d. Schwartz, Iohanes Rufus..., გვ. 1—28.

³⁷ Э. Хонигман, Петр Ивер и сочинения Псевдо-Дионисия Арсепанта, თსუ შრომები, ტ. 59, 1955, გვ. 64.

³⁸ შ. ნუცუბიძე, ქართული ფილოსოფიის ისტორია, ტ. I, 1956, გვ. 462; ს. ყაუხჩიშვილი, გეორგია, ტ. II, გვ. 246—247; ა. გაწერელია, პეტრე იბერიელის ბიოგრაფიის საკითხები (ქვეით: „საკითხები“), „მნათობი“, 1970, № 3, გვ. 148—169; მისივე, ისევ პეტრე იბერიელის ქართული „ცხოვრების“, გამო, (ქვეით: „ისევ“), „მნათობი“, 1971, № 8.

³⁹ ე. კეკელიძე, „მნათობი“, გვ. 137—138; J. Markwart, Die Bekkerrung Iberiens und die beiden ältesten Dokumente der Iberischen Kirche, «Caucasica», fasc. 7, 1931, გვ. 134.

იოანე რუფუსის „პეტრეს ცხოვრებას“ სირიელი ტექსტი, რომელიც ზაქარია რიტორის ნაწარმოებად მიუჩნევა; მაკარის შრომა კი შემდგომ (XIV ს.) თავისებურად გადაუკეთებია პავლე დეკანოზს და ზაქარია რიტორი ქართველად უქცევია⁴⁰. და ბოლოს, მეცნიერთა მესამე ჯგუფი აღიარებს ზაქარია ქართველის არსებობას. მას მიიჩნევენ პეტრეს „ცხოვრების“ ქართული ვერსიის ავტორად და განასხვავებს ზაქარია რიტორისგან⁴¹.

როგორც არ უნდა გადაწყდეს ზაქარია ქართველის პრობლემა, ჩვენთვის საინტერესო საკითხისათვის ამას მნიშვნელობა არ აქვს. ჩვენთვის ისაა მთავარი, იყო თუ არა რ. რააბეს მიერ გამოცემული ტექსტის ავტორი ქართველი მოღვაწე, რადგან მხოლოდ ამ წყაროშია ბაკური ქართლის პირველ ქრისტიან მეფედ მოხსენიებული. უკანასკნელ დრომდე სამეცნიერო ლიტერატურაში დამკვიდრებული შეხედულების მიხედვით, თითქოს ცხადი იყო, რომ ერთადერთი წყარო, რომელიც ქართლის პირველ ქრისტიან მეფედ ბაკურს აცხადებდა — პეტრე იბერის ასურული „ცხოვრება“ — შედგენილი იყო მაიუმელი იოანე რუფუსის მიერ VI ს. დასაწყისში, მასშასადამე, ავტორი ამ თხზულებისა არ იყო ქართველი, ქართლის სამეფო კართან დაახლოებული და ამდენად ქართლის საქმეებში კარგად გარკვეული პირი, როგორც ეს ივ. ჯავახიშვილს ეგონა. ამდენად პეტრეს ასურულ „ცხოვრებას“ ეყარებოდა უპირატესობა ქართულ-სომხურ წყაროებთან შედარებით. ამის გამო ბაკურის პირველ ქრისტიან მეფედ გამოცხადებაც თითქოს დღის წესრიგიდან მოიხსნა.

მაგრამ უკანასკნელ ხანს მდგომარეობა კვლავ გართულდა. 1972 წელს გამოვიდა ი. ლოლუაშვილის შრომა „არეოპაგეტიკის პრობლემები“⁴². რომელშიაც ავტორმა არა მარტო ზაქარია ქართველის რეალურობას საკითხის დადებითად გადაწყვეტა სცადა, არამედ გა-

⁴⁰ იხ. ა. გაწერელია, ... საკითხები, გვ. 149—168; მისივე, ისევ... გვ. 165—168.

⁴¹ ივ. ჯავახიშვილი, ქართველი ერის ისტორია, წ. I, გვ. 115—120; შ. ნუცუბიძე, ქართული ფილოსოფიის ისტორია, I, გვ. 276; D. M. Lang, Peter the Iberian and his Biographers, «Journal of Eccl. History», II, 1951, გვ. 158—168.

⁴² ი. ლოლუაშვილის ძირითადი დებულებები ამ წიგნის გამოსვლამდე იყო ცნობილი მისი მოხსენებიდან, იხ. მისი „პეტრე იბერიელის ცხოვრების“ ავტორის ვინაობისათვის, შ. რუსთაველის სახელობის ქართული ლიტერატურის ისტორიის ინსტიტუტის XXX სამეცნ. სესიის მოხსენებათა თეზისები, 1970, გვ. 5—6.

დაქრით უაჩყო ე. შვარცის მოსაზრება და რ. რააბეს მიერ გამოცემული „პეტრეს ცხოვრების“ ავტორადაც ეს ზაქარია ქართველი გამოაცხადა⁴³. თავისი გამოკვლევის დასკვნები ი. ლოლაშვილმა შემდეგნაირად ჩამოაყალიბა (მოგვყავს მხოლოდ ეს დასკვნები, რომლებიც ჩვენთვის საინტერესო საკითხს ეხება): „1. ედ. შვარცის მოსაზრება — ასურული „პეტრეს ცხოვრების“ ავტორია იოანე რუფუსი — მიუღებელია. იოანე რუფუსი სხვა პირია და „ანონიმი“ სხვა პირი. 2. „პეტრეს ცხოვრების“ ასურული რედაქცია ეკუთვნის ზაქარია ქართველს — V საუკუნის საზღვარგარეთელ მოღვაწეს, პეტრეს ნოწაფეს, თანამოსენაკესა და მსლებელს. თხზულება დაუწერი: მას პეტრეს გარდაცვალების შემდეგ 500 წლის ახლოს. მასვე აღუწერია „ესაია ასკეტის ცხოვრება და მოქალაქეობა“. 3. პეტრესა და ესაიას სათნოებანი (ცხოვრების ეპიზოდები) აღუწერია აგრეთვე ზაქარია რიტორს (სქოლასტიკოსს), „საეკლესიო ისტორიისა“ და „სვეტროს ანტიოქელის ცხოვრების“ ავტორს. ეს ზაქარია არავის არ უჭკევია ზაქარია ქართველად: ორივენი თავიანთი ბიოგრაფიებითა და თხზულებებით ერთმანეთისაგან განსხვავდებიან. ისინი რეალურად არსებული მწერლები არიან, მაგრამ ზაქარია ქართველი მაიმის მონასტრის მონაზონია, ზაქარია რიტორი კი ერესკაცი (მოგვიანებით—მიტილენის ეპისკოპოსი). 4. ზაქარია ქართველი „პეტრეს ცხოვრება“ მოგვიანებით გაუსწორებია ვილაც რედაქტორს (მას შეუცვლია ტექსტის ის ადგილები, რომლებშიც დაცული ყოფილა ცნობები თხზულების ავტორის ვინაობაზე). რ. რააბეს მიერ გამოცემულია რედაქტირებული ტექსტი“⁴⁴.

ნაშააღამე, კვლავ დაისვა საკითხი: თუ „პეტრეს ცხოვრების“ რააბესეული ტექსტის ავტორი ზაქარია ქართველია, პეტრეს თანამგზავრი ქართლიდანვე, მაშინ ამ ავტორს კარგად უნდა სცოდნოდა როგორც პეტრეს შთამომავლობა, ისე მისი მშობლიური ქვეყნის იმ ნუფის სახელი, რომლის დროსაც მოსმა ხალხმა მიიღო ქრისტიანობა. ანუ სიტუაციაში თითქოს მართლაც უფრო დამაჯერებლად გამოიყურება „პეტრე იბერის ცხოვრების“ ცნობა, რომელიც პირველ ქრისტიან მეფედ ბაკურს აცხადებს.

„ვამეორებთ,“ ჩვენ არ ვაპირებთ არეოპაგიტის ამ პრობლემის კვლევაში მონაწილეობის მიღებას და არც ი. ლოლაშვილის დებულებათა და მოსაზრებათა ყოველმხრივ განხილვას, მაგრამ ზა-

⁴³ ი. ლოლაშვილი, არეოპაგიტის პრობლემები, გვ. 77—152.

⁴⁴ ი. ლოლაშვილი, დასახ. ნაშრომი, გვ. 175—176.

ქარია ქართველის გამოცხადებისათვის „პეტრეს ცხოვრების“ ორივე — ასურული და ქართული — ვერსიის ავტორად და საერთოდ ზაქარია ქართველის რეალურობის მტკიცებისათვის, ჩვენის აზრით, საკმაოდ დამაჯერებელი საბუთები არ არსებობს.

ი. ლოლაშვილი, უპირველეს ყოვლისა, ცდილობს უარპყოს ედ. შვარცის მიერ დადგენილი დებულება, რომ რ. რააბეს მიერ გამოცემული „პეტრეს ცხოვრების“ ავტორი იყო იოანე რუფუსი. ამ საკითხის დეტალურ განხილვას ჩვენ აქ არ დავიწყებთ და მკითხველს მიუთითებთ ა. გაწერელიას წერილზე, რომლითაც იგი ი. ლოლაშვილის გამოკვლევას სპეციალურად გამოეხმაურა⁴⁵. ამ წერილში ა. გაწერელიამ ბელახლა დაწვრილებით განიხილა ი. ლოლაშვილის ყველა არგუმენტი, რომლითაც უკანასკნელი ედ. შვარცის მოსაზრებას უარპყოფს. ჩვენთვის პირადად ცხადი გახდა, რომ ი. ლოლაშვილმა ვერ შეძლო ედ. შვარცის ვერც ერთი არგუმენტის შერყევვა. ა. გაწერელიამ, ჩვენის აზრით, ექვემიუტანლად აჩვენა, რომ სრულიად უსაფუძვლოა იოანე რუფუსის ბეირუთელ სქოლასტიკოსთა წრისადმი კუთვნილების უარყოფა ი. ლოლაშვილის მიერ⁴⁶. კვლავ დამაჯერებლად იქნა ნაჩვენები რ. რააბეს მიერ გამოცემული „პეტრეს ცხოვრებისა“ და იოანე რუფუსის „პლეროფორიების“ იდეური ერთიანობა, მაშინ იდენტური ადგილების არსებობა და ონომასტიკონის ერთფეროვნება, რაც მეცნიერულ ლიტერატურაში ადრეც ყო აღნიშნული (ს. ყაუხჩიშვილი) და რაც ამ ორი ნაწარმოების ერთი ავტორისადმი კუთვნილებას ადასტურებს⁴⁷. ჩვენის აზრით, ი. ლოლაშვილმა, რომელიც ამ ორი ნაწარმოების ასეთ მიმართებას უარპყოფს, ვერც ამის დასაბუთება შეძლო.

ი. ლოლაშვილის ედ. შვარცთან კამათის ერთ-ერთი მთავარი ამოსავალი ისაა, რომ „პეტრეს ცხოვრების“ ავტორის ვინაობის განხილვა და გადაწყვეტა შეუძლებელია მხოლოდ ასურული წყაროების საფუძველზე ქართული მასალების (უპირველესად ქართული „ცხოვრების“ ანდერძთა) გაუთვალისწინებლად. როგორც აღვნიშნეთ, ედ. შვარცი არ იცნობს „პეტრე ქართველის ცხოვრების“ მართლმართულ გამოცემას, საერთოდ არ იცის, რომ „პეტრეს ცხოვრება“ პეტრეს მშობლიურ ენაზეც არსებობს, თუ თავს დავანებებთ

⁴⁵ ა. გაწერელია, წიგნი არეოპაგიტის საკითხებზე, „მნათობი“, 1973, № 6, გვ. 130—170.

⁴⁶ იქვე, გვ. 158—162.

⁴⁷ იქვე, გვ. 162—165.

ინის არცოდნას. რომ ქართულ „ცხოვრებას“ მოეპოვება ცნობები ავტორის ენაობაზე, რომელთა გათვალისწინება ედ. შვარცისათვის აუცილებელი იყო“⁴⁸.

ერთი შეხედვით ეს თითქოს მართლაც სავსებით სწორი პოზიციაა და ქართული მასალის არცოდნა ედ. შვარცის გამოკვლევის მნიშვნელოვან ხარვეზად მოჩანს. მაგრამ აქ ერთი გარემოება იჩენს თავს: როგორც სამართლიანად აღნიშნავს ა. გაწერელია, ედ. შვარცის დებულება უეჭველად მიაჩნიათ იმ მკვლევარებსაც, რომლებიც მშვენივრად იცნობენ ქართულ წყაროებს და კერძოდ „პეტრეს ცხოვრების“ ქართულ ვერსიას. თავისი ანდერძებით. ო. ბარდენჰოვერს, მ.-ა. კუგენერს, ი. მარკვარტს, ე. პონიგმანს. პ. დეუსს და ბოლოს ს. ყაუხჩიშვილსა და შ. ნუცუბიძეს საცილობლად არ მიაჩნიათ, რომ „პეტრეს ცხოვრების“ იმ ტექსტის ავტორი, რომელიც რ. რააბემ გამოსცა, არის იოანე რუფუსი“⁴⁹.

რასაკვირველია, მარტოოდენ ავტორიტეტებს დამოწმება ამა თუ იმ დებულების დასამტკიცებლად მყარ არგუმენტად არ გამოდგება, მაგრამ, როდესაც ჩვენ საქმე გვაქვს ესოდენ კვალიფიციურ სპეციალისტთა საერთო აზრთან, რომელიც შემუშავებულია არასხვათა ავტორიტეტზე დაყრდნობით, არამედ თითოეული აქ დასახელებული მეცნიერის მიერ პრობლემის უშუალო კვლევის საფუძველზე, ეს ფაქტი უდავოდ გასათვალისწინებელი და ფრიად ანგარიშგამაწევი.

ი. ლოლაშვილმა შეიძლება გვისაყვედუროს, რომ ჩვენ ორჯერ აღვნიშნეთ: „ამ რთულ პრობლემაში ღრმად შეჭრას არ ვაპირებთ“, ან „ჩვენ არ ვაპირებთ არეოპაგიტიკის ამ პრობლემის კვლევაში მონაწილეობის მიღებას და არც ი. ლოლაშვილის დებულებათა და მოსაზრებათა ყოველმხრივ განხილვას“; მაგრამ მაინც საკმაოდ გადაჭრით ვეჭვრობით მისი დებულების საწინააღმდეგო აზრს. ჯერ ერთი, სხვა საქმეა პრობლემის კვლევაში ღრმად შეჭრა და საკითხის ყოველმხრივი შესწავლა და სხვაა მოკამათე მხარეთა არგუმენტატიკაში გარკვევა და იმის გაგება, ვისი საბუთებია უფრო დამაჯერებელი. მთავარი კი ჩვენთვის ამჯერად ისაა, რომ ი. ლოლაშვილმა ჩვენის აზრით, ვერ შეძლო ედ. შვარცის იმ მთავარი დე-

⁴⁸ ი. ლოლაშვილი, დასახ. ნაშრომი, გვ. 83—84.

⁴⁹ ა. გაწერელია, წიგნი არეოპაგიტიკის საკითხებზე, გვ. 157—158; მისივე, ისევე..., გვ. 152—154, აქვე მითითებები დასახელებულ ავტორთა ნაშრომებზე.

ბულების შეწყვეტა, რომ რ. რააბეს მიერ გამოცემული „პეტრეს ცხოვრება“ იოანე რუფუსს ეკუთვნის. ამრიგად, ყოველშემთხვევაში ჭერჯერობით, არ არსებობს საფუძველი კატეგორიული განცხადებისათვის, რომელსაც აკეთებს პატივცემული მკვლევარი: „ამრიგად იოანე რუფუსი არ შეიძლება ვცნოთ „პეტრეს ცხოვრების“ ავტორად⁵⁰.

და ბოლოს თვით ზაქარია ქართველის შესახებ. როგორც აღნიშნული იყო, მის შესახებ ცნობებს შეიცავს მხოლოდ ის ანდერძები, რომლებიც პეტრეს „ცხოვრების“ ქართულ ვერსიას აქვს დართული. აღნიშნული იყო აგრეთვე, რომ მეცნიერთა უმეტესობა უარყოფს ამ ზაქარიას რეალურობას, მას გამოგონილ პირად მიიჩნევენ; ფიქრობენ, რომ თავდაპირველად XIII საუკუნეში მაკარი მესსს, რომელსაც ხელთ ჰქონდა „ცხოვრების“ ასურული ანონიმური ტექსტი. მის ავტორად მიუჩნევენ ცნობილი მოღვაწე ზაქარია რიტორი, რადგან იცოდა, რომ უკანასკნელს ჰქონდა დაწერილი „პეტრე იბერის ცხოვრება“, ხოლო შემდეგ დროინდელ გაჯამშუშავებლებს (შესაძლოა პავლე დეკანოზს) ეს ზაქარია რიტორი ქართველად უქცევიათ⁵¹.

ი. ლოლაშვილს ექვი არ ეპარება ზაქარია ქართველის რეალურობაში და ზაქარიასა და მაკარის ანდერძთა სანდოობაში, ამასთან როგორც აღვნიშნეთ, ის ამ ზაქარია ქართველს თვლის არა მარტო ქართული ვერსიის, არამედ რ. რააბეს მიერ გამოცემული ვერსიის. უფრო ზუსტად ამ ვერსიის „პროტოტიპის“ ავტორადაც. ი. ლოლაშვილის ამ მოსაზრების არგუმენტაციასაც საკმაოდ დაწვრილებით და არაერთგზის შეეხო. ა. გაწერელია და მრავალი კონტრარგუმენტიც მოიტანა⁵². ჩვენ ყველა მათ აქ დაწვრილებით არ განვიხილავთ, თუმცა შემდგომი ნსჯელობისას უმეტესწილად მათ ვითვალისწინებთ.

საქმე შემდეგში გახლავთ: იმისთვის, რომ ჩვენ ვანტიციკოთ ზაქარია ქართველის რეალურად არსებობა და პეტრეს „ცხოვრების“ მისი კალმისადმი კუთვნობა, უნდა, პირველ რიგში, სრულიად ექვიმუტანლად დავანტიციკოთ, რომ ქართული ტექსტისათვის დარ-

⁵⁰ ი. ლოლაშვილი, დასახ. ნაშრომი, გვ. 96.

⁵¹ ა. გაწერელია, ... საკითხები, გვ. 148—169; აქვე დანარჩენი ლიტერატურა.

⁵² ა. გაწერელია, ისევ..., 141—167; მისივე, ისევ „ზაქარია ქართველის“ შესახებ, გახ. „ლიტერატურული საქართველო“, 1970, №№ 32, 33, 34; მისივე, წიგნი არეოპაგიტუის პრობლემებზე, გვ. 130—170.

თული ზაქარიასა და მაკარი მესხის ანდერძები ნაშდვილად მათ ეკუთვნის. ეს კი, ჩვენის აზრით, ვერ მტკიცდება.

ი. ლოლაშვილი აღნიშნავს: „საეკვეთა პავლეს იმდენი თვითნებობა გამოეჩინა, რომ ზაქარიას ანდერძი შეეთხზა, თუ ის მის ზელთ არსებულ დედანს არ ჰქონდა“⁵³. მაგრამ ეს არგუმენტი არაა. ჩვენ არაერთი მაგალითი ვიცით, როცა ამგვარი და უარესი ფალსიფიკაციები ხდებოდა, განზრახ თუ უნებლიე შეცდომის გამო. ჩვენ სრულიადაც არ გვინდა პავლე დეკანოზი განზრახ „ყალბისმქმნელად“ შეგნებულ „ფალსიფიკატორად“ გამოვაცხადოთ, მაგრამ ხომ შეიძლებოდა მას უნებლიე შეცდომაც მოსვლოდა, რაიმე მიზეზით, თუნდაც მისი არასაკმაო განათლების გამო⁵⁴. ჩვენ ხომ დღესაც, თანამედროვე მეცნიერების მაღალი დონის პირობებში, არაერთი შემთხვევა გვაქვს. როცა მკვლევრები, წყაროთა თავისებური ინტერპრეტაციის საფუძველზე, სრულიად გაუმართლებლად აცხადებენ ცალკეულ ისტორიულ პირებს ამა თუ იმ ეროვნების კუთვნილად (მაგალითად მითრიდატე პონტოელსა და ბიზანტიის იმპერატორთა კომინენოსების დინასტიას ქართველებად, გრიგოლ ბაკურიანის-ძეს სომხად და სხვ.). ხომ შეიძლებოდა ასეთივე შეცდომა მოსვლოდა პავლე დეკანოზსაც, ან მის წინამორბედ რომელიმე სხვა მოღვაწეს და უკანასკნელზე დაყრდნობით პავლეს პეტრეს „ცხოვრების“ ავტორი ქართველად გამოეცხადებინა. ასეთი შესაძლებლობა სავსებით დასაშვებია და აპრიორი მასში ეკვის შეტანა საქმეს არ შეეღობის, მით უფრო რომ პავლე დეკანოზის ხელი ტექსტს სრულიად აშკარად ეტყობა⁵⁵. ამავე დროს, არსებობს არაერთი საფუძველი აღნიშნულ ანდერძთა სანდოობაში ეკვივ შესატანად.

ე. წ. „ზაქარიას ანდერძში“ ნათქვამია; რომ „ნე, გლახაკი ზაქარია, ქართლიდანვე უკანა შეუდეგ წმიდასა მას“⁵⁶. ჭერ კიდევ ა. გაწერელიამ შენიშნა ამ ცნობის აშკარა სიყალბე. მან აღნიშნა, რომ კიდევ თუ დაკუთვებით რომ ზაქარია პეტრეს თანატოლი იყო და, მასთანადამე, დაახლოებით 12 წლისა (უფრო საფიქრებელი კია, რომ ის უფროსი იყო), გამოვა, რომ მას პეტრეს გარდაცვალების შემდეგ: როგორც დადგენილია, 518 წ. დაწერილი თხზულება და-

⁵³ ი. ლოლაშვილი, დასახ. ნაშრომი, გვ. 132.

⁵⁴ ა. გაწერელიამ შენიშნა „ცხოვრების“ ქართული ვერსიაში არსებული რამოდენიმე მცდარი, აღრეული ცნობა და აშკარა ანაქრონიზმი, იხ. ისევ..., გვ. 167.

⁵⁵ ა. გაწერელია, ისევ..., გვ. 165—167.

⁵⁶ ძეგლები, II, გვ. 262.

ახლოებით 100 წლისას უნდა შეედგინა, ან უფრო ხნიერს, რაც ძნელი დასაჯერებელია⁵⁷. ამ შეუსაბამობას გრძნობს ი. ლოლ-აშვილიც; იგი აღნიშნავს, რომ საექვოა 12 წლის მურვანოსს ქართ-ლშივე ჰყოლოდა მოწაფეები, ამასთან ზაქარია არ ჩანს უფლის-წულის ამალაში ქართლიდან უკანასკნელის წასვლის დროს, არ უნ-და ყოფილიყო ის პეტრესთან არც კონსტანტინეპოლში, არც იე-რუსალიმში გაქცევისას; თუმცა ქართულ ტექსტში ზოგან შეტა-ნილია შესწორება და ზაქარია პეტრესთან ჩანს კონსტანტინეპო-ლშიაც და იერუსალიმში მოგზაურობის დროსაც, მაგრამ ეს შეს-წორებები არათანამიმდევრულადაა გაკეთებული: ზოგან აკტორი პირველი პირით აღწერს მოვლენებს („ჩვენ“, „წარვემართენით“, „წარვლეთ“, „მივიწიენით“ და სხვ.), ზოგან კი ამავე ეპიზოდებში— მესამე პირით („დაშურიან“, „მოილიან“, „იხილიან“ და სხვ.); მაშ-ერთისა და იმავე ეპიზოდის აღწერისას აკტორი ხან თანამონაწილე ჩანს ამბებისა, ხან არა. ი. ლოლ-აშვილი ამ შეუსაბამობას ასე ხსნის: ზაქარია პეტრეს, რომელიც უკვე მაიუმში მოღვაწეობდა, ქართლი-დან დაემოწაფა, შემდეგ (480-იან წლებში) ჩავიდა პეტრესთან და მისი თანხლები (თანამოსენაკე) გამხდარა, ანიტომ „ცხოვრების“ პირველი ნაწილი მას განაგონის საფუძველზე შეუთხზავს, ხოლო მეორე ნაწილი, იმ დროიდან, რაც ის პეტრესთან მივიდა. უკვე როგორც თვითმხილველს აღუწერია. მაგრამ, რაკ ზაქარია ქართ-ველი ამბობს, „მოწაფე მისი ქართლითგანვე, უკანა შეუღდეგ წმი-დასა მას“, ვილაც მწიგნობარს (პავლეს თუ სხვას) თხზულების ავ-ტორი პეტრეს მთელი ცხოვრების თანაღმბდურად ჰგონებია, მას ადგილ-ადგილ ტექსტიც შესაბამისად შეუცვლია, მაგრამ ნაწი-ლობრივ და უწესრიგოდ⁵⁸.

რასაკვირველია, სურვილის შემთხვევაში ყოველგვარი შეუსა-ბამობის ახსნა შეიძლება, მაგრამ საექვოა ზაქარიას ეთქვა — „მოწა-ფე მისი ქართლიდანვე, უკანა შეუღდეგ წმიდასა მას“ — და ეგულოს-ხმა, რომ ის მერე, მოგვიანებით, მაიუმში მყოფ პეტრეს ქართლიდან დაემოწაფა და იქ ჩავიდა მასთან⁵⁹. უფრო საფიქრებელი არაა, რომ

⁵⁷ ა. გაწერელია, ისევ..., გვ. 166.

⁵⁸ ი. ლოლ-აშვილი, დასახ. ნაშრომი, გვ. 149—150.

⁵⁹ ამ ტექსტის ასეთი ახსნის არადამაჯერებლობა აღნიშნა ა. გაწერელიამაც, ამა-სთან შენიშნა: მეტად ხელოვნური ჩანს ის, რომ მართლმადიდებლურ ქართლში ცხო-ვრობდა ვილაც ზაქარია — მას გაუგია, რომ მაიუმში იმყოფება ასკეტი ბერო, მონო-ფიზიტი პეტრე, გამხდარა მისი მხურვალე მიმდევარი, ჩასულა მასთან და მისი მო-სენაკე გამხდარა (იხ. წიგნი არეოპაგტიკის საკითხებზე, გვ. 142). უფრო ქვევით

ზაქარიას ანდერძი და ტექსტში ზოგან უწესრიგოდ შეტანილი შესწორებანი ერთდროული ნოვლებია — შეითხზა ანდერძი და შესაბამისად იქნა შეტანილი შესწორებანი ტექსტში? რასაკვირველია, აუცილებელი არაა, რომ ანდერძის შეთხზვა და შესწორებათა ტექსტში შეტანა ზუსტად ერთდროულად მომხდარიყო; გამორიცხული არაა, რომ ერთმა პირმა შეთხზა ანდერძი და არ მიაქცია ყურადღება ანდერძსა და ტექსტის შეუსაბამობას, ხოლო მერე სხვამ (პავლემ ან სხვა ვინმემ) ეს შეუსაბამობა შეამჩნია და სცადა შეესწორებინა. მაგრამ კვალიფიკაცია არ ეყო, რომ ეს შესწორებანი თანამიმდევრულად განეხორციელებინა. ასეა თუ ისე, ყველა ეს მომენტი ფრიად საეჭვოს ზღის ე. წ. „ზაქარიას ანდერძის“ პეტრეს „ცხოვრების“ ნამდვილი ავტორისადმი კუთვნილებას.

ი. ლოლაშვილის აზრით, ჩვენ უნდა ვენდოთ მაკარი ხუცესის ანდერძსაც, ჭერ ერთი, აღსანიშნავია, რომ ამ ანდერძში არსად არაა ნათქვამი, რომ ზაქარია ქართველია. ამას გარდა, თუკი ზაქარია ქართველი არა მარტო ქართული „პეტრეს ცხოვრების“, არამედ ასურული ვერსიის ავტორიცაა, მაკარი მესხსა ცნობა, რომ მას (ზაქარიას) პეტრეს „ცხოვრება“ „ასურებრითა ენითა“ აღუწერია ზუსტი არაა. ჩვენ უკვე აღნიშნული გვქონდა, რომ რააბეს მიერ გამოცემული ასურული ტექსტი ბერძნული დედნიდან მომდინარეობს და, მაშასადამე, თავდაპირველად ეს „ცხოვრება“ ბერძნულად ყოფილა დაწერილი, ე. ი. მაკარი მესხს არ ჰქონია მთლად ზუსტი ცნობები ზაქარიას შესახებ, უფრო სწორედ მას, ვისაც ეს ანდერძი (და საფიქრებელია ზაქარიას ანდერძიც) შეუთხზავს, არ ჰქონია ასეთი ცნობები და ალბათ არც ზაქარიას ვინაობა სცოდნია ზედმიწევნით.

და ბოლოს, როგორც არაერთხელ აღინიშნა, ჩვენს ხელთ არსებული ქართული ტექსტი პავლე დეკანოზის მიერაა გაანართული და შეკვებული. პავლეს ანდერძში ნათქვამია, რომ მის ხელთ არსებულ დედანს აკლდა შესავალიც და დასასრულიც („...არცა შესავალი რა იყო და არცა დასასრული“) და თვით პავლეს

ა. გაწერელა აღნიშნავს რა რააბესეული „ცხოვრების“ ავტორის ღრმა თეოლოგიურ განსწავლულობას, ორთოდოქსალურ მონოფიზიტობას, ვრცელ და უშუალო ცოდნას ბიზანტიის იმპერიაში მიმდინარე ამბებისა, სამართლიანად სვამს საკითხს, როგორ მოასწრო ქართლიდან 482 წ. ჩასულმა კაბუქმა ყოველივე ზემოაღნიშნულის შექმნა, ბერძნულა და ასურულა ენების ისე ღრმად შესწავლა, რომ შესანიშნავი თხზულების დაწერა შეძლო ბერძნულად უკვე დაახლოვებით 500 წ., როგორც ფიქრობს ი. ლოლაშვილი (იქვე, გვ. 162).

.....გაცამიერებელია შესავლითაცა და სასწაულთა მიწყებითა და ბოლოსა კეთილად დასრულებითა⁶⁰. მაშ პავლეს განკარგულებაში წყოფ ხელნაწერს ბოლო ნაწილი აკლდა. როგორ უნდა წარმოვიდგინოთ, ტექსტს თუ ბოლო ნაწილი ჰკლებია, სწორედ ბოლოში მიწერილი ზაქარიას და ნაკარი ხუცესის ანდერძები როგორღა შენოინახა? განა შეიძლება წარმოვიდგინოთ, რომ ეს ორი ანდერძი ძირითადი ტექსტის შიგნით იყო სადმე ჩართული?

ამრიგად, ფაქტიურად ერთადერთი წყარო, რომელშიაც დასახელებულია „ზაქარია ქართველი“, ესაა ქართული „ცხოვრების“ ანდერძები და ისინი კი ყველა ნიშნით აშკარად გვიანდელი შეთხზულია და ამიტომ მათზე დაყრდნობა მეთოდოლოგიურად გაუმართლებელია. თუ ყოველივე ზემოთქმულს დაუვქატიებთ იმ მეტად კონკრეტულ მასალას, რომელიც მოტანილი აქვს ა. გაწერელის ამის საილუსტრაციოდ, რომ არავითარი „ზაქარია ქართველი“ არ არსებობდა, რომ იგი არსად ჩანს პეტრე იბერის მოსენაკე-მოწაფეთა შორის და რომ რ. რაბებს მიერ გამოცემული „ცხოვრება“ არ შეიძლება საერთოდ ქართველის მიერ იყოს დაწერილი⁶¹, უნდა საბოლოოდ დავასკვნათ, რომ პეტრე იბერის ასურული „ცხოვრება“ დაწერილია არაქართველის იოანე რუფუსის მიერ, დაახლოებით 518 წ. ამდენად მის ცნობებს ქართლის სამეფო კარის ისტორიის შესახებ ვერ ნივანიჭებთ რაინე უპირატესობას ქართულ წყაროებთან შედარებით, მით უფრო. როცა ამ უქანასკნელთ ადასტურებს სომხური წყაროები⁶².

აღსანიშნავია, რომ ლ. ჯანაშია სავსებით ნაართებულად აქცევს უტრადლებას იმ გარემოებას, რომ თვით პეტრე იბერის „ცხოვრების“ ანალაზიკ არ იძლევა საფუძველს პეტრეს პაპა ქართლში ქრისტიანობის გამავრცელებელ მეფედ მივიჩნიოთ. ბაკურის დასახასიათებლად და მის განსაზღვრებლად ავტორი ისეთ, შედარებით წერილობრივ ამბებს ყვება, რომ შეუძლებელია მას გამორჩენოდა ისეთი მსაშენელოვანი მოვლენა. როგორც იყო ქართლის მოქცევა, ის რომ პაკუთან ყოფილიყო დაკავშირებული და მის შესახებ

⁶⁰ Н. М а р р, Жизнь Петра Ивера, стр. 53—54.

⁶¹ იბ. ა. გაწერელის ზემოთ დასახელებული სტატიები.

⁶² ჩვენ არ ვეწებით პეტრეს „ცხოვრების“ ქართული ვერსიის ავტორისა და ამ ვერსიის რუფუსის შრომასთან მიპარაობის საკითხს, რადგან იგი ჩვენი თემისთვის საინტერესო არაა.

უფრო დაწვრილებით არ მოეთხოვრება. ამიტომ ლ. ჯანაშიას აზრით, ცნობა, თითქოს ქართლის პირველი ქრისტიანი მეფე იყო პეტრეს პაპა ბაკური, გვიანდელი ჩართულია პეტრეს განსაზღვრებად; ის თვით ცხოვრების ავტორს არ ეკუთვნის⁶³.

რაც შეეხება პეტრე იბერის ჩანომავლობას და მისი წინაპრების სახელებს, ეს საკითხიც აგრეთვე ჯერ კიდევ საკვლევეია. ცნობილია, რომ პეტრეს „ცხოვრების“ ქართული ვერსიის მიხედვით პეტრე (მურვანოს) შვილი იყო ვარაზ-ბაკურისა, რომელიც „გეოთხე მეფე იყო... მირიან მეფითგან“⁶⁴. ეს მეფე ვარაზ-ბაქარის სახელით ცნობილია ლეონტი მროველის „მეფეთა ცხოვრებისათვის“⁶⁵. ასურული ვერსიის თანახმად კი, პეტრეს (ნაბარნუგიონის) მამა იყო ბოზმაროს II, ძე ბოზმაროს I-სა, ხოლო დედით კი მისი პაპა იყო ბაკური, აქვეა დასახელებული ამ უკანასკნელის ძმა — არსილოსი (როგორც ჩანს — არჩილი), პეტრეს დედა ბაკურ-ჯუხტია და სხვა ნათესავები⁶⁶. როგორც ვხედავთ დამთხვევები არაა. თუ მიხედვით არ მივიღებთ, რომ „ქართლის ცხოვრებით“ პეტრეს დედით ნათესავებს შორის არის არჩილი, მაგრამ არა პეტრეს პაპის ძმა, არანედ ბევრად შორეული ნათესავი, ხოლო ვარაზ-ბაკურის პაპა (მამის მამა), არის მირიანის ძე ბაქარი, რომელიც სახელის მიხედვით შეიძლება გაგვეიგივებინა ასურული „ცხოვრების“ ბაკურთან, მაგრამ პეტრეს ნათესაობა ბაქართან სრულიად სხვაა, ვიდრე „დიდ ბაკურთან“⁶⁷.

როგორ უნდა ავხსნათ ეს შეუსაბამობა, ან ის, რომ ქართულ წყაროებში საერთოდ არაა ბუზმაროსების ხსენება? საიდან, რა წყაროებიდან აიღო იოანე რუფუსმა ქართლის ამ მეფეთა, პეტრეს დედის, პაპის, პაპის ძმის სახელები, იყვნენ თუ არა ისინი რეალური პირნი? როგორც ჩანს იყვნენ. რადგან, ჯერ ერთი, იოანე რუფუსს, როგორც პეტრეს მოწაფესა და მასთან დაახლოებულ პირს. სწორედ მისგან უნდა გაეგო მისი ნათესავ-მშობლების სახელები, და გარდა ამისა, პალესტინის უდაბნოს ქართული მონასტრის წარწერაში, რომელიც პეტრე იბერთანაა დაკავშირებული.

⁶³ საქართველოს ისტორიის ნარკვევები, ტ. II, გვ. 74—75.

⁶⁴ ძეგლები, II, გვ. 215.

⁶⁵ ქართლის ცხოვრება, I, გვ. 132.

⁶⁶ R. R a a b e, Petrus der Iberer..., გვ. 15—16, 248—249.

⁶⁷ განსაკუთრებით თეალსაჩინოდ ეს ყველაფერი ჩანს ი. ლოლაშვილის მიერ შედგენილ გენეალოგიურ ტაბულაზე: არეოპაგოტიკის პრობლემები, გვ. 155.

მოხსენიებული „ბურზნ..“ რეალურად ასურული ტექსტის „ბუზმარი-ოსს“ უნდა უდრიდეს⁶⁸. მაგრამ იყენენ კი პეტრე იბერის ეს წინაპრები ნამდვილად ქართლის მეფეები, რატომ არ ჩანან ისინი ქართულ წყაროებში? ან თვით პეტრეს ერისკაცობის სახელი: ასურული „ცხოვრება“ და აგრეთვე იოანე რუფუსის „პლეროფონიები“ გვაწვდიან სახელს „ნაბარნუგიოს“, ქართულში კი გვაქვს „მურვანოს“, თანაც ეს უკანასკნელი დადასტურებულია იმავე ბეთლემის ქართული წარწერით „მარუან“ ფორმით⁶⁹. საიდან აიღო იოანე რუფუსმა სახელი „ნაბარნუგიოს“? ყველა ეს საკითხი საკვლევი და გასარკვევია და სანამ ეს არ მოხდება, პეტრე იბერის ასურული „ცხოვრების“ ცნობათა გამოყენება ქართლის სამეფო კარის ისტორიისათვის, ვიმეორებთ, გამართლებული არ ექნება.

ყოველივე ზემოთქმული საფუძველს გვაძლევს დღესაც დავეთანხმობთ კ. კეკელიძეს, რომელიც უპირატესობას მაინც ქართულ წყაროებს ანიჭებდა და აღნიშნავდა: „შეუძლებელნია და დაუჭერებელი, რომ ქართულ ეკლესიას დაეიწყებოდა სახელი თავიანთი პირველი ქრისტიანი მეფისა“⁷⁰.

საიდან უნდა გაჩენილიყო პეტრეს ასურულ „ცხოვრებაში“ ცნობა მეფე ბაკურის, როგორც პირველი ქრისტიანი ქართველი მეფის შესახებ, ძნელი სათქმელია. აქ მრავალნაირი ვარაუდია შესაძლებელი. ერთი ასეთი ვარაუდი ს. ჯანაშიამ წარმოადგინა: მისი აზრით, უცხოური (ბერძნულ-ასურული) წყაროების ბაკური არის მირიანის მემკვიდრე და მომდევნო მეფე ბაკური (ლეონტი მროველით ბაქარი), რომელიც ქართული მატრიარქით მიმდევრად იყო კონსტანტინეპოლში; შესაძლოა მისი მძევლობა გვიანდელი შენათხზი იყოს, მაგრამ სავსებით დამაჯერებელია, რომ მას იმპერატორის კარზე ეცხოვრა, ქართლის სამეფო სახლიდან ქრისტიანობა მართლაც პირველს მიეღო, რის გამოც გარკვეულ წრეებს ის გამოეცხადებინათ პირველ ქრისტიან მეფედ⁷¹. სავსებით დასაშვებია ვარაუდი, მაგრამ ასახსნელი რჩება პეტრეს ასურული „ცხოვრების“ ქართლის მეფეთა სიის შეუსაბამობა ქართულ წყაროთა მონაცე-

⁶⁸ გ. წ ე რ ე თ ე ლ ი, უძველესი ქართული წარწერები პალესტინიდან, 1960, გვ. 19—26.

⁶⁹ იქვე, გვ. 18—19.

⁷⁰ კ. კ ე კ ე ლ ი ძ ე, ეტიუდები, III, გვ. 18.

⁷¹ ს. ჯ ა ნ ა შ ი ა, საქართველო აღრინდელი ფეოდალიზაციის გზაზე, „შრომები“, წ. I, 1949, გვ. 228—229.

ნებთან. ერთი სიტყვით. ს. ჯანაშიას მოსაზრება მაინც ვარაუდად რჩება.

სრულიად ახლებურად დააყენა ეს საკითხი შ. ამირანაშვილმა: იგი ეყრდნობა ე. ჰერცველდის აზრს, რომ მიჰრან-მირიანი არ არის საკუთარი სახელი, არამედ აღნიშნავს ძველ არშაკიდულ საგვარეულოს, რომელიც პატივში იმყოფებოდა ირანში სასანიანთა ეპოქაშიაც. მაშასადამე „ქართლის ცხოვრებაში“ შენახული სახელი ქართლის პირველი ქრისტიანი მეფისა, რეალურად სახელი კი არაა, არამედ გვარი: შემდეგ შ. ამირანაშვილს მოაქვს ლეონტი მროველის თბრობა მირიანის გამეფების შესახებ, სადაც ნათქვამია, რომ ნირიანი (ანუ მიჰრანი) იყო ძე სპარსთა მეფის ქასრესი და ქართლის მესვეურთა თხოვნით დაჯდა ქართლის ტახტზე უძეო ასფაგურ ნეფის სიყვდილის შენდევ: შ. ამირანაშვილი თვლის, რომ რეალურად აქ უნდა ვიგულისხმოთ ქართლის პირველი ქრისტიანი მეფის მიჰრანთა სახელოვან გვარისადმი კუთვნილება და ასკვნის. რომ ან მიჰრანის პირადი სახელი უნდა იყოს ბაკური. „პეტრე ქართველის ცხოვრების პერსონაჟი ბაკური და ქართული მატრიანეს მიჰრან-მირიანი ერთი და იგივე პირია. ამრიგად, საკითხი იმის შესახებ, თუ ვინ იყო ქართლის პირველი ქრისტიანი მეფე — ბაკური თუ მირიანი, დამაჯერებლად არის გადაჭრილი“⁷².

ფიქრობთ, რომ მოტანილი მსჯელობა სწორედ დამაჯერებლობასაა მოკლებული და მეტად ხელოვნურად გამოიყურება. ჯერ ერთი, მას საფუძვლად უდევს მირიანის სპარსული ჩამომავლობის ლეონტიველი ვერსიის ისტორიულ ფაქტად აღიარება, რაც თავისთავად ძნელი გასაზიარებელია. ცნობილია, რომ ლეონტი მროველს და მასთან ერთად ჭუნანშერს, ქართლის ყველა მეფე, დაწყებული ნუხტთე მეფე არშაკიდან, ვიდრე ვახტანგ გორგასანლამდე, უცხოური წარმოშობისად ჰყავთ დასახელებული — ჯერ არშაკიდებად, შემდეგ ხოსროიანებად. რაც გარკვეული ტენდენციის ნაყოფი უნდა იყოს და არა ისტორიული სინამდვილის ასახვა (იხ. ზევით, გვ. 42-43). ამას გარდა, ლეონტი მროველის ამ ვერსიას ეწინააღმდეგება „მოქცევაჲ ქართლისაჲ“, რომელიც არაფერს ამბობს მირიან მეფის სპარსელობაზე და მას ქართველსავე მეფის ლევის (როგორც ჩანს რევის) შვილად აცხადებს⁷³. თავისთავადაც ძნელი დასაჯერებელია,

72 შ. ამირანაშვილი, არმაზისხევიშვილის გვთხრების დროს ნაპოვნი აღრესანაური ეპოქის ვერცხლის თასი, გვ. 91—92.

73 ძეგლები, I, გვ. 83.

რომ ქართული წყაროებისათვის უცნობი დაჩქინილიყო ქართლის მეფის, ისიც პირველი ქრისტიანი მეფის ნაშთილი სახელი, მით უფრო, რომ მოვახსნის ხორენაციც ამ სახელს ინახავს და ლათინური წყარო ანიანე მარცელინე⁷⁴. ამრიგად, ვერც ეს მოსაზრება ხსნის ბაქურის პირველ ქრისტიან მეფედ გამოცხადებას დასაჯებლად.

ყოველივე ზემოთქმული საფუძველს გვაძლევს დავასკვნათ, რომ დღევანდელ პირობებში, სანამ არ დამტკიცებულა უცილობლად პეტრე იბეჟის ასურული „ცხოვრების“ ცნობის უტყუარობა, ქართლის იმ მეფედ, რომლის დროსაც ქართლში ქრისტიანობა სახელმწიფო რელიგიად გამოცხადდა, უნდა ვადიაროთ მ ი რ ი ა ნ ი.

2. ახრთა მნიშვნელოვან სხვადასხვაობას იწვევს ქართლში ქრისტიანობის ოფიციალურ სარწმუნოებად გამოცხადების თარიღის საკითხიც. სხვადასხვა მეწვევებზე (დიუბუა დე ნოზპერე, დიმ. ბაქრაძე, პ. იოსელიანი, თ. ყორღანია, მ. ბროსე, ა. ხახანაშვილი, ე. თაყაიშვილი, კ. ცინცაძე, ს. გორკაძე და სხვ.) სრულიად განსხვავებულ თარიღებს (317, 318, 326, 330, 337 წწ.) ასახელებენ. ყველა ამ მოსაზრებათა აქ განხილვას არ მოვახდენთ, რადგან დასახელებული ავტორები ან საერთოდ დასაბუთების გარეშე იძლევიან ამა თუ იმ თარიღს, ან მხოლოდ წყაროთა ერთი რიგის საფუძველზე გამოაქვთ თავისი დასკვნები.

ახრთა არსებითი განსხვავება ისევე ივ. ჭავჭავაძისა და კ. კეკელიძის აქვთ. ჭავჭავაძე 1913 წ. ივ. ჭავჭავაძის „ქართველი ერის ისტორიის“ I ტომში ქართლის გაქრისტიანება დაათარიღა 330-იანი წლებით. 1926 წ. კ. კეკელიძე საგანგებოდ შეეხო ამ საკითხს და მივიდა დასკვნამდე, რომ ქართლის გაქრისტიანება შეუძლებელია 330 წ-ზე ადრე მოხდარიყო. რომ მას რეალურად ადგილი ჰქონდა არა კონსტანტინე I, არამედ კონსტანტინის იმპერატორობის დროს. ე. ი. 337—361 წლებში, უფრო კონკრეტულად 355—356 წწ⁷⁵. 1928 წ. ივ. ჭავჭავაძის მიერ შედგენილი შრომის ახალ გამოცემაში უკვე საგანგებოდ შეეხო ამ საკითხს, განიხილა კ. კეკელიძის ყველა არგუმენტი, არ დაეთანხმა მათ და კვლავ 330-იანი წლები, უფრო კი 337 წ. დაადასტურა ქართლის გაქრისტიანებას თარიღად⁷⁶. კ. კეკელიძე დიდხანს არ გამოხმაურებია თავისი შე-

⁷⁴ გეორგიკა, I, გვ. 101, შუად. გვ. 60—61.

⁷⁵ კ. კეკელიძე, „მომოსილველი“, გვ. 31—36.

⁷⁶ ივ. ჭავჭავაძის მიერ, ქართველი ერის ისტორია, I, 1951, გვ. 225—226.

ხედულების ამ კრიტიკას, სხვა მკვლევარნი საკითხს სპეციალურად არ შეხებიან და ასე მოხდა, რომ სამეცნიერო ლიტერატურაში მიღებული იყო ივ. ჯავახიშვილის მიერ შემოთავაზებული თარიღი. მაგრამ 1955 წ. გამოქვეყნებულ სპეციალურ წერილში კ. კეკელიძე კვლავ დაუბრუნდა ამ პრობლემას, მოიშველია ზოგი ახალი არგუმენტი და გაიმეორა თავისი მოსაზრება, თანაც განაცხადა, რომ „დღეს უკვე გარკვეულად შეიძლება ჩათვალოს, რომ ქართლში ქრისტიანობა მიღებულ იქნა ოფიციალურად არაკონსტანტინე დიდის, არამედ მისი შვილის, იმპერატორ კონსტანტინის დროს, IV ს. მეორე ნახევრის დასაწყისში. 350—356 წლებში“⁷⁷. კ. კეკელიძის ამ განცხადებას არავინ გამომხაურებია, მისი დებულებები უა საბუთები არავის უარუყვია, მაგრამ საქართველოს ისტორიის შესახებ ნაშრომებში ძველებურად ივ. ჯავახიშვილის თარიღი იყო ყველგან აღნიშნული. ამავე დროს კ. კეკელიძის არგუმენტები გარკვეულ ყურადღებას იმსახურებს და არ შეიძლება მათი უბრალო უგულვებელყოფა, მით უფრო, რომ 1931 წ. კეკელიძისგან დამოუკიდებლად, მსგავსავე დასკვნამდე მივიდა იოსებ მარკვარტიც; მანაც ქართლის მონათვლა იმპერატორ კონსტანტინის ხანით, 350—356 წწ. დაათარიღა და ქართლში ქრისტიანობის არიანული ფორმის შემოსვლა აღიარა კ. კეკელიძის მსგავსად⁷⁸.

კ. კეკელიძეს თავისი მოსაზრების დასადასტურებლად მოაქვს საკმაოდ მრავალრიცხოვანი საბუთი, რომელთაგან ზოგიერთი უდავოდ ანგარიშგასაწევია და მოითხოვს საგანგებო განხილვას. ივ. ჯავახიშვილმა ამ საბუთთა უმეტესობა უარჰყო, მაგრამ, ვინაიდან კ. კეკელიძემ თავისი მოსაზრება კვლავ გაიმეორა და თანაც საბოლოოდ გარკვეულად ჩათვალა, საჭიროდ მივიჩნიეთ ამ მოსაზრებებს კვლავ დავუბრუნდეთ.

კ. კეკელიძე აღნიშნავს, რომ ყველა წყაროში იბერიის მოქცევის უახლოეს საბაზად დასახელებულია მზის დაბნელება, ხოლო ასტრონომ ოპოლცერის მიერ შემუშავებული ტაბულების თანახმად, ჩუნთვის საინტერესო ხანაში მზის დაბნელებას ადგილი ჰქონდა 319, 346, 348 და 355 წლებში. კ. კეკელიძე უპირატესობას ამ უკანასკნელს ანიჭებს, რადგან სწორედ 355 წ. 28 მაისს დაბნელება თითქმის სრული უნდა ყოფილიყო⁷⁹.

⁷⁷ კ. კეკელიძე, „ეტრულები“, III, 16; შუად. მისივე, „მნათობი“, გვ. 16.

⁷⁸ J. Markwart, Die Bekehrung Iberiens..., გვ.გვ. 112, 120.

⁷⁹ კ. კეკელიძე, „მიმოხილველი“, გვ. 38.

მაგრამ ივ. ჯავახიშვილმა აჩვენა, რომ ეს საბუთი მეტად არა-
 მყარ საფუძველზეა აგებული. საქმე ისაა, რომ მზის დაბნელება ნახ-
 სენებია მხოლოდ წმ. ნინოს „ცხოვრების“ კელიშურ ვარიანტში,
 რომელიც IX საუკუნეშია შესრულებული, ხოლო ყველა დანარჩენ
 წყაროში (ქართულში, ბერძნულ-ლათინურში, სომხურში) ლაპარა-
 კია მხოლოდ სქელ ბურჯსზე, რომელმაც გარემო მოიცვა⁸⁰. აღსა-
 ნიშნავია, რომ შემდეგ კ. კეკელიძეს ეს არგუმენტი აღარ გაუმეო-
 რებია.

შემდეგ კ. კეკელიძე ენყარება ქართულ წყაროებში მოცემულ
 ცნობას წმ. ნინოს გარდაცვალების თარიღის შესახებ. „მოქცევაჲ
 ქართლისაჲ“ გადმოგვცემს, რომ ნინო გარდაიცვალა „ქართლად მო-
 სვლითაჲნ მეთაზუთმეტესა წელსა და ქრისტეს ამაღლებითგან 338
 წელსა. დასაბამითგან 1838 წელსა“⁸¹. ასეთივე ცნობაა ლეონტი
 მროველთანაც, ოღონდ ნინოს გარდაცვალება ქართლში მოსვლი-
 დან ნეთოთხმეტე წელსაა დასაზღვრებული⁸².

აღნიშნულ ცნობას კ. კეკელიძე ასე განმარტავს: ქრისტეს ამ-
 აღლება მოხდა ახ. წ. 33 წ. ე. ი. ქრისტეს ამაღლებიდან 338 წ.
 მოდის $33 + 338 = 371$ წ. და ნინო სწორედ 371 წ. გარდაცვლილა.
 რაკილა ის მომკვდარა ქართლში მოსვლის მე-15 თუ მე-14 წელს
 მაშ მას ქართლი მოუქცევია $371 - 15 = 356$ (თუ $371 - 14 = 357$),
 ე. ი. 356/7 წ.⁸³

მაგრამ ქართულ წყაროებში მოცემულ თარიღთა გამოყენება
 საკმაო სიძნელეებს აწყობდა. ჯერ კიდევ ე. თაყაიშვილმა და კ. ცინ-
 ცაძემ გასული საუკუნის ბოლოს აღნიშნეს, რომ აქ ყველაფერი
 არეულია და ყველგან სადაც წელთაღრიცხვას „ქრისტეს ამაღლები-
 დან“ იწყებენ, უნდა ვეაჯღოსნით „ქრისტეს დაბადებიდან“⁸⁴. შე-
 ნდეგ ს. გორგაძემ კონკრეტულ მაგალითებზე აჩვენა „მოქცევაჲ
 ქართლისაჲ“-ს ზოგიერთი თარიღის შეუსაბამობა თვით ამ ძეგლის
 ცნობებთან იმ შემთხვევაშიაც კი, თუ წელთაღრიცხვას ქრისტეს
 დაბადებიდან დავიწყებთ⁸⁵.

⁸⁰ ივ. ჯ ა ვ ა ხ ი შ ვ ი ლ ი, ქართული ერის ისტორია, I, გვ. 225.

⁸¹ ძეგლები, I, გვ. 20.

⁸² ქართლის ცხოვრება, I, გვ. 127.

⁸³ კ. კ ე კ ე ლ ი ძ ე, „მიმომხილველი“, გვ. 33—40.

⁸⁴ ე. თ ა ყ ა ი შ ვ ი ლ ი, ახალი ვარიანტი წმ. ნინოს ცხოვრებისა ანუ მეორე
 ნაწილი ქართლის მოქცევისა, 1891, გვ. XVIII—XIX; კ. ც ი ნ ც ა ძ ე, რომელ წელს
 მიიღეს ქრისტიანობა ქართველებმა?, „ივერია“, 1899, № 159, გვ. 3.

⁸⁵ ს. გ ო რ გ ა ძ ე, საქართველოს ეკლესია და მისი დასაწყისი, გვ. 2—4; ე.
 თ ა ყ ა ი შ ვ ი ლ ი, ახალი ვარიანტი..., გვ. XVIII—XIX, XXIII—XXV.

თავისთავადაც კ. კეკელიძის გამონაგარიშება ძალზე სათუო ჩანს და თვით ქართული წყაროების მონაცემებს ეწინააღმდეგება. თუ ნინო 371 წ. გარდაიცვალა, ამ დროს ბიზანტიანთი ვალენტინიანუს I და ვალენტი მეფობენ, ხოლო ორსავე ქართული წყაროთი აქ ამ დროს კონსტანტინეა. კიდევ რომ დავეთანხმოთ კ. კეკელიძეს, რომ კონსტანტინეს ნაცვლად უნდა კონსტანტი ვიგულისხმოთ. ეს უკანასკნელიც ამ დროს კარგა ხნის გარდაცვლილია უფრო მეტიც, თუ ნინო ქართლში 356 წელს მოვიდა, ქართლის გაქრისტიანება ბევრად უფრო გვიან უნდა ვივარაუდოთ: „მოქცევაჲ ქართლისაჲ“ მოგვითხრობს, რომ ნინო, ქართლში მოსვლის მერე, სანი წელი ფარულად ცხოვრობდა, ე. ი. 359 წლამდე: მეოთხე წელს, ე. ი. 360 წლიდან იწყო ქადაგება, მეექვსე წელს, ე. ი. 362 წ. „არწმუნა ცოლსა მეფისასა, ნანას“, მეშვიდე წელს, ე. ი. 363 წ. „მეფესა არწმუნა და აღაშენეს ეკლესია“, მხოლოდ ამას შემდეგ წარავლინეს ნოცქელნი მეფე კონსტანტინესთან და ითხოვეს მღვდლების გამოგზავნა: ნოცქელთა უკან მობრუნების შემდეგ მონათლეს მხოლოდ ერთი⁸⁶. მაშასადამე ამ ანგარიშით ქართლის მოქცევა შეიძლებოდა მონაწილეობა არა უადრეს 363 წ. და ამ დროს კი არც კონსტანტი აღარ არის ცოცხალი, ბიზანტიის სამეფო ტახტზე ზის იულიანე განდგომილი და მის დროს კი მღვდელთა გამოგზავნა და ქართლის მონათვლისათვის ხელის შეწყობა გამორიცხული იყო, რადგან როგორც ცნობილია, იულიანე ეცადა წარმართობის რესტავრაციას და ქრისტიანობას ებრძოდა. *წინა*

ერთი სიტყვით, ცხადია, რომ ქართულ წყაროთა აღნიშნულ თარიღებზე დაყრდნობა და მათი ასე პირდაპირ გამოყენება არაა განართლებული და კ. კეკელიძის ეს საბუთიც არანყარია.

უფრო სერიოზულ დამოკიდებულებას მოითხოვს კ. კეკელიძის შენდევნი არგუმენტი. იგი ყურადღებას აქცევს იმ გარემოებას, რომ გელასი კესარიელის (უფრო ზუსტად — გელასი კვიზიკელის), რუფინუსისა და თეოდორიტე კვირელის თხზულებებში იბერთა მოქცევის ამბავს წინ უსწრებს ეთიოპელთა გაქრისტიანების აღწერა და შემდეგ ნათქვამია: „ამავე დროს ღმრთის ცნება მიიღეს... იბერებმა“⁸⁷. შემდეგ კ. კეკელიძე ემყარება ვ. ბოლოტოვის ლექციებს ეკლესიის ისტორიაში, სადაც ეთიოპელთა მოქცევა 355/6 წლებით არის დათარიღებული და დასძენს, რომ, რაკი ეთიოპია და იბერია

⁸⁶ ჭეგლები, I, გვ. E4—85.

⁸⁷ გეორგიკა, I, გვ. გვ. 186, 201, 209.

ერთსა და იმავე დროს მოიქცნენ, მაშ იბერიაც 355/6 წლებში უნდა მოქცეულიყო⁸⁸. ამასვე იმეორებს იგი 1955 წ. „ეტიუდებში“, ანჭერად უკვე ი. მარკვარტზე დაყრდნობით⁸⁹. ეს საბუთი მართლაც დამაფიქრებელი ჩანს. ზემოხსენებულ საეკლესიო ისტორიებში მოთხრობილია ეთიოპელთა მოქცევის შესახებ ფრუმენტიოსის მიერ და უკანასკნელის კურთხევა ეთიოპიის ეპისკოპოსად ათანასე აღეკსანდრიელის მიერ. როგორც სამეცნიერო ლიტერატურაში გარკვეულად არის დადგენილი, ფრუმენტიოსის ხელდასხმა სწორედ 356 წ. უნდა მომხდარიყო⁹⁰. ამას ეყრდნობა ი. მარკვარტიც, როცა კ. კეკელიძისგან დამოუკიდებლად, იბერიის მოქცევასაც IV ს. 50-იან წლებში, კერძოდ 350—356 წლებში ვარაუდობს⁹¹.

ივ. ჭავჭავაძე იმ საბუთით, რომ წყაროებში ნახმარი გამოთქმა „ამავე დროს“, „ამავე ხანებში“ — ზოგადი გამონათქვამია და მის საფუძველზე ქართლის მოქცევის წელიწადის გარკვევა ვერ მოხერხდება; მისი აზრით, „...ამ განუსაზღვრელა ცნობის გამოყენება მხოლოდ ხანის დაახლოვებით გათვალისწინებისათვის შეიძლება“⁹².

მაგრამ საკითხი ასე იოლად ვერ გადაწყდება და ამ არგუმენტის უარყოფისთვის უფრო სერიოზული კონტრსაბუთი ჩვენსა სჭირდება.

ვითარება ასეთია: გელასი კვაზიკელიც, რუფინუსიც და თეოდორიეტე კვირელიც, ისევე როგორც მათზე დამოკიდებული სოკრატე სქოლასტიკოსი და სოზომენე, ფრუმენტიოსის შესახებ თხრობას საკმაოდ შორიდან იწყებენ, კერძოდ იმ დროიდან, როდესაც ის და მისი ბიძაშვილი ედესიუსი თავიანთ ბიძასთან და მასწავლებლებთან — მეროპიუსთან ერთად გაემგზავრნენ ეთიოპიისაკენ სამოგზაუროდ. შემდეგ მოთხრობილია მათი დატყვევება ერთ-ერთ აბისინიურ ნავსადგურში მეკობრეთა მიერ, უმაწვილთა დანდობა და მათი მიყიდვა ადგილობრივი მეფისთვის, ფრუმენტიოსის მიერ აქ ნდობის მოპოვება, სამეფო კარზე მისი დაწინაურება, შემდეგ მის მიერ ქრისტიანობის ქადაგების დაწყება და ბოლოს ათანასე

⁸⁸ კ. კეკელიძე, „ზიმომხილველი“, გვ. 34—37.

⁸⁹ კ. კეკელიძე, „ეტიუდები“, გვ. 16.

⁹⁰ A. Dillman, Zur Geschichte des Axumatischen Reiches im 4. bis 6. Jahrhundert, ABA, 1880, გვ. 6—14; A. Julicher, Frumentius, RE, 7. Bd., გვ. 126.

⁹¹ J. Markwart, Die Bekerung Iberiens..., გვ.გვ. 112, 120.

⁹² ივ. ჭავჭავაძე, ქართველი ერის ისტორია, I, გვ. 227.

აღუქმანდრიელის მიერ მისი ეპისკოპოსად კურთხევა⁹³. მთელი ამ საქმეოდ ვრცელი მოთხრობის მანძილზე არსად არ არის გაკეთებული არავითარი მინიშნება, ესა თუ ის ფაქტი როდის, ან ვისი ნებობის დროს ხდება, მხოლოდ დასაწყისში, როდესაც მეროპიუსისა და მისი მოწაფეების სამოგზაუროდ წასვლაზეა ლაპარაკი, აღნიშნულია. რომ ეს მოხდა „ნეტარი კონსტანტინეს დროს“. მკვლევარები ერთხმად აღიარებენ, რომ მეროპიუსის მოგზაურობას ადგილი ჰქონდა სწორედ კონსტანტინე დიდის მეფობაში, დაახლოებით 330-იან წლებში⁹⁴. შემდგომად ამისა მოთხრობილია ფრუმენტიოსის მთელი ზემოაღნიშნული თავგადასავალი და მოღვაწეობა, ბოლოს აღწერილია ფრუმენტიოსის ხელდასხმა ეპისკოპოსად და უშუალოდ ამის შემდეგ, მომდევნო თავი იწყება სიტყვებით „ამავე დროს მოიქცნენ იბერები“. იქნება შთაბეჭდილება, რომ იბერთა მოქცევა დროის მიხედვით მართლაც უკავშირდება ეთიოპიის გაქრისტიანების ამ ბოლო ეტაპს — ფრუმენტიოსის ეპისკოპოსად კურთხევას. ე. ი. 356 წ.

მაგრამ ჩვენ საქმე სხვაგვარად წარმოგვიდგება. ფრუმენტიოსის ეპისკოპოსად ხელდასხმა რეალურად იმპერატორ კონსტანტინის დროს მოხდა; საერთოდაც მისი მთელი საეკლესიო მოღვაწეობა ამ იმპერატორის ზეობაში მიმდინარეობს; მაგრამ ყველა ზემოაღნიშნული ავტორი, როგორც ჩანს, თავის საერთო წყაროზე — გელასი კესარიელზე დაყრდნობით, ამ ამბებს კონსტანტინე დიდის ღვაწლის აღწერასს მოგვითხრობს. როგორც სამართლიანად აღნიშნა ი. მარკვარტმა. აქ ჩვენ შეცდომასთან კი არ გვაქვს საქმე, არამედ სრულიად გარკვეულ ტენდენციასთან — გაზარდონ კონსტანტინე დიდის დაშასხურება და დაამცირონ არიანობის მიმდევარი იმპერატორის კონსტანტინის ღვაწლი⁹⁵. მაგრამ ეს თავისებური, ასე ვთქვათ ფალსიფიკაცია ძალზე მოხერხებულად კეთდება: გელასი კესარიელი (და შემდეგ მასზე დამოკიდებული ავტორები) არსად გარკვევით არ ამბობს, რომ ეთიოპიაში ფრუმენტიოსის საეკლესიო საქმიანობა კონსტანტინე დიდის დროს ხდება, მაგრამ ფრუმენტიოსის მოღვაწეობის შესახებ თხრობას შორიდან იწყებს, იმ დროიდან, როცა ყრმა ფრუმენტიოსი ბიძაშვილთან და მასწავლებელთან ერთად

⁹³ Rujin., Hist. eccl., I, 9; Theodorit, I, 22; Sosom., I, 6; Socrat., I, 19.

⁹⁴ A. Dillmann. Zur Geschichte..., გვ. 6—10; RE, 7. Bd., გვ. 126.

⁹⁵ J. Markwart, Die Bekehrung Iberiens..., გვ. 112.

უთაობისაჲენ მიემგზავრება. ამის მერე მოთხრობილია დანარჩენი ანბები, ვიდრე ფრუმენტიოსის ეპისკოპოსად კურთხევამდე და, როგორც აღნიშნული გვექონდა, მთელი ამ საკმაოდ ვრცელი და ზაწვრილებითი თხრობის მანძილზე არსად არ არის მცირე მინიშნებაც კი. როდის, რომელი იმპერატორის მეფობაში მოხდა ესა თუ ის მოვლენა. მხოლოდ დასაწყისში არის ნათქვამი. რომ კონსტანტინე დიდის დროს გაემგზავრნენ ეთიოპიაში მეროპიუსი და მისი მოწაფეები. ასე მაგალითად, გელასი კვიზიკელის თხრობა ფრუმენტიოსის შესახებ ასე იწყება: „ღმრთისაგან რჩეულმა მეფე კონსტანტინემ, ღმრთის მოსავობითა და რწმენით აღძრულმა, ღმრთისაგან წარმძღვარებულმა, იღუაწა, რათა მრავალი ბარბაროსული ხალხი მისდამი მეგობრულად განწყობილიყო, მიანიჭა რა მათ ღმრთის კურთხევა“... და ამის მერე იწყება თხრობა ფრუმენტიოსზე⁹⁶.

რუფინუსი შესაბამის ანბაებს იწყებს იმით, რომ აღნიშნავს: დიდი ხნის მანძილზე „შინაგანი ინდოეთი“ (ეთიოპია) მოკლებული იყო ნოციქულთა ქადაგების ზემოქმედებას, მაგრამ კონსტანტინე მეფის დროს პირველად შეიქმნა შესაძლებლობა აქაც განეგრცვლებინათ ღმრთისადმი რწმენა; ამას მოსდევს ფრუმენტიოსის თავგადასავალი⁹⁷.

ამრიგად ის ფაქტი, რომ ფრუმენტიოსის მოგზაურობა ეთიოპიაში დაიწყო კონსტანტინე I-ის დროს. საეკლესიო ისტორიის ავტორმა გამოიყენა საბაბად, რათა ფრუმენტიოსის მოღვაწეობის აღწერა შეეტანა სწორედ კონსტანტინეს ცხოვრების მოთხრობაში; ნკითხველს შეეძლო ეფიქრა, რომ ფრუმენტიოსის მთელი დანარჩენი მოღვაწეობაც კონსტანტინეს დროს მოხდა, თუმცა, მეორეს მხრივ, მას ვერაფერს დასდებდა ბრალს ფაქტების გაყალბებაში — იგი ხომ არსად აღნიშნავს, რომ ფრუმენტიოსის დანარჩენი საქმიანობაც, კერძოდ ეთიოპიის მონათვლა, კონსტანტინეს დროს ხდებდა.

ყოველივე ზემოთქმულის საფუძველზე ჩვენ მიგვაჩნია, რომ სიტყვები — „ამავე ხანებში“, რომლითაც იწყება თხრობა იბერთა მოქცევის შესახებ, უნდა დაუკავშირდეს არა ფრუმენტიოსის მოღვაწეობის ბოლო სტადიას — მის ეპისკოპოსად კურთხევას, არამედ მისი თავგადასავლის აღწერის დასაწყისს. ამდენად, ჩვენ არ უნდა ვეძიოთ კავშირი იბერიის მოქცევისა და ფრუმენტიოსის ხელდას-

⁹⁶ Gelas. Caesar., Hist. eccl., III, 9.

⁹⁷ Rufin., Hist., eccl., I, 9.

ხმის რეალურ თარიღს შორის. საეკლესიო ისტორიის ავტორთა ტენ-
დენციის გათვალისწინებით, იბერთა მოქცევა ქრონოლოგურად უნ-
და დაუკავშირდეს სწორედ კონსტანტინე დიდის ხანას. ისტორიკო-
სებმა, რომელნიც თავიანთი „საეკლესიო ისტორიების“ შესაბამის
თავეებში სწორედ კონსტანტინე I-ის საეკლესიო მოღვაწეობაზე მო-
გვიხსობენ, აღნიშნეს, რომ ეთიოპიის მომავალი განმანათლებელი
კონსტანტინეს დროს გაემგზავრა „შინაგან ინდოეთში“; ამან მათ
საბაბი მისცა ფრუმენტიოსის მთელი შემდგომი საქმიანობაც აქვე
მოუხსროთ და შეფარვით ეს ფაქტიც — ეთიოპიის გაქრისტიანე-
ბაც — კონსტანტინეს მოღვაწეობასთან დაეკავშირებინათ; ამი-
ტომ იპირ ბოლომდე გაპყენენ ფრუმენტიოსის საქმიანობის აღწე-
რას, თუმცა მკითხველს დაუმაღეს, რომ ეთიოპიის მოქცევა რეა-
ლურად არა კონსტანტინეს, არამედ კონსტანტინის დროს მოხდა,
ხოლო შემდეგ თავში კვლავ მიუბრუნდნენ კონსტანტინეს ხანას და
აღნიშნეს: „ამავე დროს (ე. ი. იმავე კონსტანტინეს ხანაში. — ნ. ლ.)
მოიქცნენ იბერებიო“.

ჩვენს მოსაზრებას უნდა ადასტურებდეს სოკრატე სქოლასტი-
კოსა და სოზომენეს ნაშრომთა შესაბამისი თავების ცოტა თავი-
სებური დასაწყისი. სოკრატე ასე იწყებს თავს იბერთა მოქცევის
შესახებ: „დროა, ვთქვათ იმის შესახებაც, თუ როგორ გაქრისტი-
ანდნენ იმავე ხანებში იბერებიც“ (Καί ποτε ἐν ἰβηρίαις ἔγειται,
ἐπὶ αὐτῶν ἡμεῖς ἰβηρίαις ὑπὸ τὸν αὐτὸν χρόνον ἐχρηστέωνται).⁹⁶
იქმნება შთაბეჭდილება, რომ წინამავალ თხრობაში ავტორმა გადა-
უხვია თავის ძირითად თემას და ახლა მიიჩნევს, რომ დროა მას
დაუბრუნდეს. სოკრატე, როგორც ჩანს, უნებურად გაპყვა თავის
წყაროს (რუფინუსს), კონსტანტინეს დროს დასცილდა, წინ წავი-
და. მერმინდელ ამბებს შეეხო, მაგრამ იგრძნო რა, რომ მკითხველ-
ნა შეიძლება კარგად ვერ გაიგოს, ვის დროს მოხდა იბერთა მოქ-
ცევა, უბრალოდ კი არ გაიმეორა რუფინუსის „per idem lempus“.
არამედ აღნიშნა „დროთა ვთქვათ“ იბერთა გაქრისტიანებაზე და
ამათ მკითხველს თითქოს მინიშნა „დროა დაუბრუნდეთ“ ჩვენს
ძირითად თემას, ე. ი. კონსტანტინეს დროის აღწერას.

უფრო ნიშანდობლივია ერმია სოზომენეს კონტექსტი: სათანა-
დო თავს იგი ასე იწყებს: „ზემოხსენებული მეფობის დროს (Ἐπι-
θὲ τῆς παροιμεύης βασιλείας, λέγεταί...) იბერებმა აღიარეს ქრისტი“⁹⁷..

⁹⁶ Socrat., Hist. eccl., I, 20.

⁹⁷ Sossomen., Hist., eccl., VII, 7.

ხოლო ზემოთ კი, ფრუმენტიოსის ღვაწლის თბრობისას, მას ნხოლოდ კონსტანტინე ჰყავს მოხსენიებული, ფრუმენტიოსისა და მის თანამგზავრთა სამოგზაუროდ წასვლის აღწერისას¹⁰⁰. ცხადია, რომ სოზომენსაც საჭიროდ ჩათვალა დაწესებება, ვის დროს მოხდა იბერთა მოქცევა.

ამას უნდა შემდეგიც დაემატოს: იმ დროს, როდესაც ფრუმენტიოსის მოღვაწეობის აღწერისას „საეკლესიო ისტორიები“ არსად არ ასახელებენ ამა თუ იმ მოვლენის თანამედროვე იმპერატორს, ქართლის მოქცევის აღწერისას ისინი ყველანი სრულიად გარკვევით და არაერთგზის ასხენებენ კონსტანტინეს ე, ი., როდესაც ისინი „ელსიფიკაციას“ მიმართავენ, ცდილობენ კონსტანტინეს მიაწერონ მის შენდევ მომხდარი ფაქტი, ისინი ამას მაინც შეფარვით აკეთებენ. არ ასახელებენ პირდაპირ იმპერატორს, მხოლოდ დასაწყისში ასხენებენ კონსტანტინეს იმ ფაქტთან დაკავშირებით, რომელიც მართლაც მის დროს მოხდა (ფრუმენტიოსის გამგზავრება ეთიოპიაში). ეს გასაგებიცაა, აშკარა სიყალბის ჩადენა არ შეიძლებოდა; უნდა ვიფიქროთ, რომში იყო ისეთი წყაროები (შესაძლოა დოკუმენტებიც), რომელთაც კარგად იცოდნენ, ვის დროს მოხდა ეთიოპიის გაქრისტიანება. იბერთა მოქცევის კონსტანტინეს ხანაში გადმოტანა რომ მომხდარიყო, ისეთივე ტენდენციის შედეგად, როგორც ფრუმენტიოსის მოღვაწეობის კონსტანტინეს ღვაწლის აღწერისას მოთხრობა, საეკლესიო ავტორებს ასე ნაზვასმით და გარკვევით დასახელებდნათ აქ კონსტანტინე.

ამრიგად, კ. ვეკელიძის არგუმენტაცია საკმაოდ საეკვოდ და არადაზაჯერებლად გამოიყურება; ხოლო წყაროებში მოიპოვება მონაცემები, რომლებიც მის მოსაზრებას სრულიად აშკარად ეწინააღდეგება და ნაზრს უქერს იმ თვალსაზრისს, რომ ქართლში ქრისტიანობის სახელმწიფოებრივ რელიგიად გამოცხადება სწორედ იმპერატორ კონსტანტინე I-ის დროს მოხდა.

ქართლის მოქცევის თანამედროვედ სწორედ კონსტანტინეს ასახელებენ ქართული წყაროები, თანაც აქ ეს იმპერატორი გაცივრით კი არაა ნახსენები, ისე რომ მისი სახელის შეცვლა კონსტანტინის სახელით უმტივიწულოდ შეიძლებოდა, არამედ საკმაოდ ნიწანდობლივ და გარკვეული ისტორიული ატრიბუციით.

ასე მაგალითად, „მოქცევაჲ ქართლისაჲ“ იწყებს რა ქართლის გაქრისტიანების ამბავს, მოგვითხრობს, რომ ეს იყო „დღეთა კონს-

¹⁰⁰ Sossomen., Hist. eccl., VII, 6.

ტანტინე მეფისათა“, როცა მეფე კონსტანტინეს, „ძესა კოსტაქსა...“
უქორდა მტერთაგან. შემდეგ მოთხრობილია, რომ კონსტანტინემ
ნოაყვანინა ეპისკოპოსები იერუსალიმიდან, ანტიოქიიდან, რომიდან
და ალექსანდრიიდან; შემდეგ, რომ მან სძლია მტერს ძალითა ჯვრი-
სა¹⁰¹. როგორც სამართლანად აღნიშნავდა ს. გორგაძე, აქ ზოგიერ-
თი უზუსტობით ასახულია მაქსენციუსთან კონსტანტინეს ბრძოლა
და ბილანოს ედიქტი¹⁰².

ამავე მოვლენათა გამოძახილი ჩანს ლეონტი მროველის მატია-
ნეშოაც. აქ მოთხრობილია, რომ მირიანი და სპარსთა მეფე შეიპო-
რნენ სომეხეთში, ხოლო შემდეგ საბერძნეთში, ე. ი. რომის იმპერია-
ში. „და ვერ წინააღმდეგა მათ ბერძენთა მეფე კონსტანტინე და
შთავარდა მწუხარებასა დიდსა“; მაშინ ეახლნენ იმპერატორს კაც-
ნი ღმრთის-მსახურნი და უთხრეს, რომ „ვიხილეთ საკვრელება
ქრიატესი და ძლევა მტერთა მოსავთა მისთაგან, ვითარ ყოველნი
მოსავნი ქრისტესნი წარძლუანებითა ჯუარისათა სძლევენ მტერთა
მათთა“. კონსტანტინემ ირწმუნა მათი, ნათელილო „და წარმო-
იძლუანა საზე ჯუარისა“ და სძლია მტერს¹⁰³.

მართალია, აქ მოვლენები აღმოსავლელშია გადმოტანილი, გა-
უნართებლად არიან საქმეში ჩარეულნი სპარსნი და ქართველნი,
მაგრამ აღწერილობის დეტალები აშკარას ხდიან, რომ რეალურად
აქ კონსტანტინეს მაქსენციუსთან ბრძოლაა გადმოცემული. თუ შე-
ვადარებთ ამ ადგილს ევსევი კესარიელის „კონსტანტინეს ცხოვ-
რებაში“ მოცემულ თხრობას კონსტანტინეს და მაქსენციუსის უკა-
ნასკნელი ბრძოლის შესახებ რომის მისადგომებთან, მილვიის ხიდ-
თან, დავინახავთ, რომ ბევრი რამ ნიშანდობლივ ემთხვევა და განს-
ხვდება მხოლოდ დეტალებში: ევსევი წერს, რომ ბრძოლის წინ
კონსტანტინეს მოეჩვენა ცაზე ჯვრის გამოსახულება წარწერით:
„ϫϩϩ ϯ ϩϩϩ“. რაც ნიშნავდა „ამით გაიმარჯვებ“ ანუ „ძალითა
ჯვრისა სძლევ“. ამ ფორმულის სრული შესატყვისობა ლეონტისე-
ული „წარძლუანებითა ჯუარისათა სძლევ მტერთა“. შემდეგ ევსე-
ვის ვაჟმოცემით, კონსტანტინეს დაუმზადებია დროშა, რომელიც
ჯვრის ფორმის ტარზე იყო მიმაგრებული და რომელზედაც ქრის-
ტეს სახელს პირველი ასოები იყო გამოსახული (XP). ამ ჯვრის და
ქრისტეს სახელით გაიმარჯვა კონსტანტინემ, რომელმაც ქრისტე ირ-

¹⁰¹ ბევლები, I, გვ. 83.

¹⁰² ს. გორგაძე, საქართველოს ეკლესია..., გვ. 24.

¹⁰³ პართლის ცხოვრება, I, გვ. 69—70.

¹⁰⁴ Euseb., Vita Const., 28.

წმუნაო — გვარწმუნებს ევსევი¹⁰⁴. ლეონტი მროველიც წერს: „ნათელ-ილო კოსტანტინე, და წარმოიძღუანა სახე ჯუარისა... და ძალითა ქრისტესითა აოტა ბანაკი მათი, და მოსრა სიმრავლე მათი“, თანაც უმატებს: „ვითარცა წერილ აოს ეაე ვანცხადებულად მოქცევისა ბერძენთასა“¹⁰⁵.

აღსანიშნავია, რომ ქართლის მოქცევის შესახებ თხრობისას, ქართული წყაროები არაერთგზის ასახელებენ კონსტანტინე I-ის დედას, დედოფალ ელენესაც. ლეონტი მროველით, წმ. ნინო მიდის რომში ელენე დედოფლის მოსაქცევად¹⁰⁶; როცა მირიანმა ქრისტე ირწმუნა და მოციქულები გაგზავნა კონსტანტინესთან, ნინო წერილს წერს დედოფალ ელენეს¹⁰⁷, ელენე საპასუხო წერილს წერს ნინოს¹⁰⁸; მირიანი გზავნის კონსტანტინესთან მოციქულებს და ითხოვნს ნაწილს „ძელი ცხოვრებისას“, რომელიც იმ დროს ეპოვნა დედოფალ ელენეს¹⁰⁹. ეს უკანასკნელი ცნობა ცხადყოფს, რომ მემეტრიანემ იცის ელენე დედოფლის მოგზაურობა იერუსალიმში ქრისტეს ჯვრის საპოვნელად.

„მოქცევაჲ ქართლისაჲ“-ც იცნობს ელენე დედოფალს; აქ ნათქვამია, რომ „წარვიდა ჰელენე იერუსალმად ძიებად ჰატიოსანისა ჯვარისა“¹¹⁰, აქაც დასახელებულია ნინოს წერილი ელენესთან და სხვ.

ერთი სიტყვით ცხადია, რომ ქართულმა წყაროებმა კარგად იციან. რომელი იმპერატორის თანამედროვეა მირიანი და ვისთან აქვს მას ურთიერთობა.

იგივე ითქმის მოვსეს ხორენაციზეც. აღწერს რა ნეტარი ნუნეს მიერ ქართლისა და მეფე მიპრანის მოქცევას, იგი მთელ ამ მოთხრობას მოაქცევს კონსტანტინე მეფის ხანაში; ქართლის მოქცევის აღწერის შემცველ თავს მიჰყვება კონსტანტინეს მიერ ლიციანიუსის შეპყრობის, დედაქალაქის კონსტანტინეპოლში გადმოტანის, არიანობის წარმოქმნის და ნიკეის საეკლესიო კრების აღწერა. ამასთან მიპრანის თანამედროვე სონხეთის მეფე თრდატი კონსტანტინეს მოკავშირედ¹¹¹. აღსანიშნავია, რომ მოვსეა ხორენაცი იცნობს კონსტანტინესაც: მეფე თრდატის სიკვდილის შემდეგ უმ-

¹⁰⁵ ქართლის ცხოვრება, I, გვ. 69—70.

¹⁰⁶ იქვე, გვ. 78.

¹⁰⁷ იქვე, გვ. 111.

¹⁰⁸ იქვე, გვ. 116.

¹⁰⁹ იქვე, გვ. 117.

¹¹⁰ ძეგლები, I, გვ. 837.

¹¹¹ მოვსეს ხორენაცი, II, 83—89.

ეფოდ დაჩენილი სომხეთის ნახარებები სწორედ კონსტანტინისთან კვაზინიან ელჩებს დახმარების თხოვნით, უკანასკნელი უგზავნის ჭარს და ეხმარება თრდატის ვაჟს ხოსროვს გამეფებაში, შემდეგ უფრო გვიან მასვე ტახტზე აპყავს ხოსროვის ვაჟი ტირანი, აღწერილია კონსტანტინის სპარსეთის მეფის შაპუხის წინააღმდეგ ბრძოლა¹¹².

ამჟამად, რომ სომეხი ისტორიკოსი, რომელიც ამ ამბების აღწერისას, საკუთარი განცხადების თანახმად, ძირითადად იყენებს IV ს. ავტორის აგათანგელოსის თხზულებას, შესანიშნავად იცნობს კონსტანტინესაც და კონსტანტინისაც, ასხვავებს მათ ერთმანეთისაგან და გარკვევით უფარდებს ქართლის მოქცევას სწორედ კონსტანტინე I-ის ხანას.

მაშასადამე, ქართლის მოქცევის შესახებ არსებული ყველა წყარო, როგორც ბერძნულ-ლათინური, ისე ქართული და სომხური, ერთხმად ასახელებს ქართლში ქრისტიანობის დამკვიდრების თანამედროვედ სწორედ კონსტანტინე I და, თუ ბერძნულ-ლათინურ წყაროებში შეიძლება კიდევ დაწვებულ იქნას რაიმე შეცდომის, ან დოკუმენტური მიზეზის საფუძველზე კონსტანტინის სახელის შეცვლა კონსტანტინეს სახელით, ქართული და სომხური წყაროები ამის საფუძველს არ იძლევა. ამიტომ უნდა დავასკვნათ, რომ ქართლში (იბერიაში) ქრისტიანობის სახელმწიფოებრივ რელიგიად გამოცხადება მოსდა სწორედ კონსტანტინე I-ის დროს, ე. ი. 312—337 წლებს შორის.

ყველა წყაროს ცნობით, სწორედ კონსტანტინე კეისრის მიერ გამოგზავნილმა მღვდელმთავრებმა მონათლეს იბერიის ერი და მაშასადამე, წყაროთა მიხედვით, თვით ფაქტი იბერთა მოქცევისა კონსტანტინეს სიცოცხლეში მომხდარა. ამრიგად, ქართლში ქრისტიანობის ოფიციალურ სარწმუნოებად გამოცხადებისათვის terminus post quem non 337 წ. უნდა იქნას მიჩნეული.

მაგრამ ჩვენ ხელთ არის ზოგიერთი მითითება, რომელიც ამხედა ქრონოლოგიური მიჯნის ცოტა ქვევით ჩამოწევის საშუალებას იძლევა. საქმე ისაა, რომ ლეონტი მროველის თანახმად, არა ნარტო ქართლის მონათვლის დროისთვის, არამედ ნინოს გარდაცვალებია დროსაც კონსტანტინე I ჯერ კიდევ ცოცხალია: ნინოს სიკვდილის მერე უბრუნებს იგი მირიანს კონსტანტინეპოლში მძევლად მყოფ უფლისწულ ბაქარს და სწერს წერილს¹¹³. ამდენად 337

¹¹² იქნა, III, 4—12.

¹¹³ ქართლის ცხოვრება, I, გვ. 128.

წ. ნინოს გარდაცვალებისათვის უნდა იყოს უკიდურესი ზედა ქრონოლოგიური ზღვარი და არა ქართლის მოქცევისათვის, რადგან სამეფო სახლის მონათვლასა და ნინოს გარდაცვალებას შორის რამდენიმე წელი ჩანს გასული მატყიანეს მიხედვით. კერძოდ, „მოქცევაჲ ქართლისაჲს“ მიხედვით, როგრც ზევით აღვნიშნეთ; ნინო გარდაიცვალა ქართლში მოსვლიდან მეთხუთმეტე წელს, ხოლო ლეონტი მროველით — მეთოთხმეტე წელს; ისე რომ, აღნიშნულ წყაროთა მიხედვით, მეფისა და მისი ოჯახის მონათვლასა და ნინოს გარდაცვალებას შორის გასულა 7 თუ 8 წელი, რადგან, იმავე წყაროთა მიხედვით, მირიანი მონათლულა ნინოს ქართლში მოსვლიდან მეშვიდე წელს. კიდევ რომ მივიღოთ ნინოს გარდაცვალების თარიღად 337 წ., გამოდის, რომ იბერიის სამეფო სახლის მონათვლა დაახლოებით 330 წელს უნდა მომხდარიყო.

ამავე დროს ყურადღებას იპყრობს კიდევ ერთი გარემოება: არც რუფინუსს, არც თეოდორიტე კვირელს, არც მათზე დამოკიდებულ გვიანდელ ავტორებს, არც ქართულ წყაროებს არა აქვთ არც ერთხელ დასახელებული ქალაქი კონსტანტინეპოლი. გამოთქმის წარმოადგენს მხოლოდ გელასი კვიზიკელი, რომელიც წერს, რომ იბერთა მეფის ელჩები მიდიან კონსტანტინეპოლში¹¹⁴. სწორედ ეს უკანასკნელი ცნობა გამოიყენა თავის დროს კ. კეკელიძემ იმის დასადასტურებლად, რომ იბერთა მოქცევა არ შეიძლებოდა 330 წელზე ადრე მომხდარიყო, რადგან სწორედ ამ წელს დაარსდა კონსტანტინეპოლი¹¹⁵.

მაგრამ ეს მოსაზრება უარპყო ივ. ჯავახიშვილმა ს. ყაუხჩიშვილზე დაყრდნობით. საქმე ისაა, რომ უკანასკნელმა დამაჯერებლად აჩვენა, რომ კონსტანტინეპოლის ხსენება არ ყოფილა თვით გელასი კესარიელის თხზულებაში, რადგან იგი არაა მოხსენიებული არც მის ლათინურ თარგმანში (რუფინუსი) და არც მის უშუალოდ გამომყენებელ თეოდორიტესთან. ასე რომ ეს გვიანდელი ჩანაართია და თვით გელასი კვიზიკელს უნდა ეკუთვნოდეს¹¹⁶.

რაც შეეხება ქართულ წყაროებში კონსტანტინეპოლის მოუხსენებლობას, ამას ჯერ კიდევ ვახუშტი ბაგრატიონმა მიაქცია ყურადღება და აღნიშნა, რომ ქართლის მოქცევა მოხდა. მანამ, სანამ

¹¹⁴ გეორგიკა, I, გვ. 193.

¹¹⁵ კ. კეკელიძე, „მომომხილველი“, გვ. 32.

¹¹⁶ ს. ყაუხჩიშვილი, გელასი კესარიელი ქართლის მოქცევის შესახებ, „მომომხილველი“, 1926, გვ. 64—65.

კონსტანტინეპოლი აშენდებოდა, „არამედ კონსტანტინე ჯერეთ რომ-სავე იყო“¹¹⁷.

მართლაც, თუ კი ეს მოვლენა შემთხვევითი არაა (ხოლო ყველა წყაროსთვის საეჭვოა ის შემთხვევითი იყოს), ეს ფაქტი შეიძლება იმის საბუთად გამოდგეს, რომ ქართლის მოქცევა 330 წელზე ადრე მოხდა.

ნიშანდობლივია კიდევ ერთი გარემოება: როგორც აღვნიშნეთ, ლეონტი მროველს აქვს ცნობა, რომ სამეფო კარისა და ერის მონათვლის შემდეგ, მირიანმა წარგზავნა მოციქულნი კონსტანტინესთან. თხოვნით გამოეგზავნა მისთვის „ნაწილი ძელი ცხოვრებისა, რომელიც მას ოდენ ჟამსა გამოეჩინა ღმრთისმოყვარესა ელენე დედოფალსა“¹¹⁸. ელენე დედოფალმა ქრისტეს ჯვრის საპოვნელად იერუსალიმს იმოგზაურა დაახლოებით 322—329 წლებში; მოგზაურობიდან დაბრუნდა 328 თუ 329 წ., ხოლო ზოგიერთი მკვლევრის აზრით 330 წ.¹¹⁹. მაშასადამე, ქართლის ოფიციალური მონათვლა დედოფლის დაბრუნების ახლო ხანებში („...მას ოდენ ჟამსა...“) უნდა მომხდარიყო და ეს ცნობაც დაახლოებით 330 წელზე მიგვანიშნებს.

ყურადღებას იქცევს ის ფაქტიც, რომ ყველა წყაროს მიხედვით ქართლის მოქცევის დროისთვის კონსტანტინე ქრისტიანობის მფარველად, ღმრთისმოშიშად, ქრისტიანობისათვის მოღვაწედ არის დასახელებული; ამას ხაზს უსვამენ გელასი კვიზიკელიც, რუფინუსიც, თეოდორიტე კვირელიც¹²⁰ და ქართული წყაროებიც¹²¹.

მართალია, ევსევი კესარიელისა და ლაქტანციუსის მიხედვით, კონსტანტინემ ნათელი ილო უკვე მაქსენციუსზე გამარჯვების დროს, როცა ჯვრის გამოსახულების დახმარებით სძლია მეტოქეს, მაგრამ რეალურად ქრისტიანობის ოფიციალურ სარწმუნოებად გამოცხადება რომში ბევრად უფრო გვიან ხდება. პირველი აქტი, რომლითაც ქრისტიანობა ერთადერთ ჭეშმარიტ სარწმუნოებად იქნა გამოცხადებული 324 წ. ეკუთვნის¹²², ხოლო სახელმწიფოებრივ რელიგიად მისი აღიარების თარიღად ითვლება 325 წ., როცა ნი-

¹¹⁷ ვ ა ხ უ შ ტ ი, საქართველოს ისტორია, დ. ბაქრაძის გამოც., წ. I, გვ. 67, შენ. I.

¹¹⁸ ქართლის ცხოვრება, I, გვ. 117.

¹¹⁹ See k, Helena, RE, 7. Bd., გვ. 2821—2822.

¹²⁰ გეორგიკა, I, გვ.გვ. 193, 206—207, 213.

¹²¹ ქართლის ცხოვრება, I, გვ. 128.

¹²² E u s e b., Vita Const., II, 24—42.

კელს მსოფლიო საეკლესიო კრების მსვლელობაში იმპერატორი აქტიურად ჩაერთა.

ამრიგად, ის აქტიური დახმარება, რომელსაც კონსტანტინე I უწევს ქართლის გაქრისტიანებას, მის და არა რომელიმე მღვდელნათავრის მიერ აქ ღვდელ-ღიკვანთა გამოგზავნა, მისი ღვთისმსახურებისა და მხურვალე კეთილმორწმუნეობის არაერთგზისი ხაზგასმა წყაროებში, თითქოს იმაზე უნდა მიუთითებდეს, რომ ყველა ეს მოვლენა სწორედ 324—325 წლებს შემდეგ უნდა მომხდარიყო.

ასებელი რეალების ურთიერთწეჭერებისა და ანალიზის საფუძველზე ჩვენ შესაძლებლად მიგვაჩნია გვაკეთოთ დასკვნა, რომ ქართლში ქრისტიანობის ოფიციალურ რელიგიად გამოცხადება 325—330 წლებს შორის უნდა მომხდარიყო, მეფე ნირიანის დროს.

თუ ჩვენი მოსაზრება მართებულია, მაშინ თავისთავად იხსნება კ. ქველდისა და ი. მარკვარტის მტკიცება, რომ თითქოს ქართლში თავდაპირველად ქრისტიანობის არიანული მიმართულება დამკვიდრდა, რამდენადაც IV საუკუნის 30-იან წლებში, და პით უფრო 325—330 წლებს შორის, არიანობა დევნას განიცდიდა რომის იმპერიაში და კონსტანტინე დიდი ამ დროს სხვა ქვეყანაში არიანული მიმართულებას დამკვიდრებას ხელს არავითარ შემთხვევაში არ შეუწყობდა. მართალია, მან სიცოცხლის უკანასკნელ წლებში არიანობისაკენ იბრუნა პირი, მაგრამ უშუალოდ ნიკეის საეკლესიო კრების შემდეგ იგი, ცხადია, არ შეიძლებოდა ამ მწვალებლობად გამოცხადებული მოძღვრების მხარდამჭერად გამოსულიყო. ამდენად, ჩვენი ცდა ქართლში ქრისტიანობის სახელმწიფოებრივ სარწმუნოებად გამოცხადების თარიღი დაკვირვებად, გვაძლევს საფუძველს დავდასტუროთ სამეცნიერო ლიტერატურაში ადრეც გამოთქმული მოსაზრება (ს. გორგაძე, ე. თაყაიშვილი, კ. ცინცაძე და სხვ.) ქართლში იმთავითვე ქრისტიანობის მართლმადიდებლური, ორთოდოქსალური მიმართულებას დამკვიდრების შესახებ.

ქართლში ქრისტიანობის სახელმწიფო რელიგიად გამოცხადების გარეპოლიტიკური მნიშვნელობა

როგორც ცნობილია, ქრისტიანობის გავრცელებას და შემდეგ მის სახელმწიფოებრივ რელიგიად გამოცხადებას ყველა ქვეყანაში და კერძოდ ქართლშიაც თავისი მიზეზები და საფუძვლები ჰქონდა. ეს მოვლენა, უპირველეს ყოვლისა, ქვეყნის საზოგადოებრივი განვითარებით იყო გაპირობებული და ასახავდა იმ შინაგან ძვრებს, რომელთაც ადგილი ჰქონდა სოციალურ-ეკონომიურ ბაზისში.

საქართველოში ქრისტიანობის დამკვიდრება-გამარჯვების სოციალურ-ეკონომიური საფუძვლები საკმაოდ კარგად არის შესწავლილი ჩვენს ისტორიოგრაფიაში და ჩვენ ამჟამად ამ პრობლემას არ შევხებით¹.

ჩვენ ამჟერად გვიანტერესებს ქართლში ქრისტიანობის სახელმწიფო რელიგიად გამოცხადების გარეპოლიტიკური მხარე, მისი მნიშვნელობა ქართლის რომთან და სასანურ ირანთან ურთიერთობაში.

როგორც აღნიშნავდა ს. ჯანაშია, „...ქრისტიანობის ოფიციალურ სარწმუნოებად ქცევა ქართლში გულსხმობდა არა მარტო გარკვეულ შინაურ სოციალურსა და პოლიტიკურ პირობებს, არამედ გარკვეულს გარეპოლიტიკურ პირობებსაც. ეს გარეპოლიტიკური პირობები განსაზღვრული იყო რომისა და ირანის ბრძოლებით პირველობისათვის წინა აზიაში, მებრძოლ მხარეთა დაინტერესებით ამიერ-კავკასიის ქვეყნებისა და, კერძოდ, ქართლის მი-

¹ ამ საკითხზე იხილე ს. ჯ ა ნ ა შ ი ა, საქართველო ადრინდელი ფეოდალიზმის გზაზე, გვ. 212—224.

მართ და, დასასრულ, თვით ქართლის მმართველ წრეების განწყობილებითა და მიდრეკილებებით ამ ბრძოლაში².

როგორც ცნობილია, IV ს. 30-იან წლებში ქრისტიანობა რომის იმპერიაში ოფიციალურ საწმენოებად გამოცხადდა. თუ აღ-რე, როგორც რომში ღვენილნი, ქრისტიანები ირანში ერთგვარი მფარველობით სარგებლობდნენ, მკა მერე, რაც ქრისტიანობა რომში სახელმწიფოებრივ საწმენოებად აქცა, მისი მიმდევრები ირანში უკვე დევნას განიცდიან.

რასაკვირველია, ირანში ქრისტიანებისადმი ასეთი დამოკიდებულება მართო ამ გარემოებით არ იყო გაპირობებული. როდესაც სასანიდებმა თავის პოლიტიკურ მოღვაწეობის მსვლელობაში ფარსის (პერსიდის) ფარგლები დასტოვეს და მთელი ირანის განაერთიანებულთა როლში გამოვიდნენ, მათ იმათვითვე ირანის ძველი რელიგია — ზოროასტრიზმი გაიხადეს თავის იდეოლოგიურ საფუძვლად. მაგრამ ირანის დასავლეთ ოლქებში და მათ მეზობელ სხარებში, რომელთა დაპყრობა პირველმა სასანიდებმა თავის უპირველეს ამოცანად გაიხადეს, ზოროასტრიზმი არ იყო პოპულარული: აქაურ მოსახლეობაში მრავალი სხვადასხვა რელიგიური რწმენა იყო გავრცელებული: ჯერ კიდევ ცოცხალი იყო ძველი ბაბილონური კოსმოგონიური და კოსმოლოგიური რწმენები, ღმერთების ბელის, შამაშის და სხვათა თაყვანისცემა, ბევრგან. სადაც რომაული გავლენა იყო შემოქრილი, თაყვანს სცემდნენ ბერძნულ-რომაული პანთეონის ღმერთებს, პოპულარული იყო აქ შიორაიზმი და იუდაიზმი³.

მნიშვნელოვან ძალას წარმოადგენდა აქ ქრისტიანობაც. ირანის მეზობელ ოლქებში და თვით ირანშიაც ქრისტიანობა საკმაოდ ფართოდ ვრცელდება და ბევრგან აქ III ს-ის 20-იანი წლებისათვის უკვე საეპისკოპოსო კათედრებიც იყო დაარსებული⁴.

იმისთვის, რომ ირანის დასავლეთ ოლქებში მტკიცე ძალაუფლება დაემკვიდრებინათ და მესოპოტამიის ოლქებში სანდო მოკავშირეები შეეძინათ, პირველ სასანიდებს აქ არ შეეძლოთ უკიდურესი ზომების მიღება, რათა რელიგიური შუღლი არ გაემწვავებინათ⁵. სწორედ ამით აიხსნება, რომ თავდაპირველად სასანიდები სა-

² ს. ჯ ა ნ ა შ ი ა, საქართველო აღრინდელი ფეოდალიზაციის გზაზე, გვ. 224.

³ В. Г. Л у к о и н и н, Культура сасанидского Ирана, стр. 71—72.

⁴ M. L. C h a u m o n t, Les Sassanides et la christianisation de l'Empire Iranien au III sciecle de u. é., RHR, vol. CLVI, № 2, 1964, გვ. 165—202.

⁵ В. Г. Л у к о и н и н, Культура сасанидского Ирана, стр. 72.

ერთოდ სხვა რელიგიებს შემრავებლურად ექცეოდნენ. მაგრამ, მეორე მხრივ, ახლადშექმნილ სახელმწიფოს შინაგანი სიმტკიცის დაცვისთვის, ერთიანობის შენარჩუნებისათვის სჭირდებოდა მტკიცე რელიგიური იდეოლოგია. თავდაპირველად ირანის შაჰან-შაჰებმა სცადეს ასეთად ე. წ. მანიქეიზმის გამოყენება, მაგრამ მანიქეველთა უჩვეულო პესიმიზმმა, სექტების შეზღუდულობამ, ასკეტიზმისაკენ მიდრეკილებამ, ამ მოძღვრების ცალკეული მიმართულებათა დემოკრატიზმმა და მისი ფილოსოფიური იდეების დიდმა სირთულემ ცხადჰყო, რომ მანიქეიზმი ვერ გამოდგებოდა დასაყრდენად სასანიდების ცენტრალიზებული სახელმწიფოსათვის.

მეორე მხრივ, შაბურ I-ის წარმატებებმა დასავლეთში წამოტრეხს ახალი ამოცანა — დაპყრობილ ოლქთა ირანიზაცია, რაშიაც გარკვეული და ძალზე მნიშვნელოვანი როლი უნდა შეესრულებინა სწორედ წმინდა სპარსული რელიგიის გავრცელება-დამკვიდრებას. მაგრამ პირველი სასანიდების დროს ზოროასტრიზმი როგორც კანონიზირებული რელიგიური სისტემა, ჯერ არ იყო ჩამოყალიბებული; და აი, სასანიდების წინაშე დაისვა ამოცანა ზოროასტრიზმის კოდიფიკაციისა და მისი მწყობრ, მტკიცე რელიგიურ სისტემად ჩამოყალიბებისა. ეს საქმე განახორციელა მაგუშატმა (უმალღესმა მოღვაწემ) კარტირმა, რომლის მოღვაწეობა აქტიურად შაბურ I-ის დროს იწყება და III საუკუნის ბოლოს, ვარახრან II-ის დროს აღწევს თავის დაგვირგვინებას⁶. სწორედ ზოროასტრიზმის კოდიფიკაციისა და მის ერთადერთ ჭეშმარიტ და სავალდებულო რელიგიად გამოცხადების შემდეგ იწყება სხვა რელიგიურ მიმდინარეობათა შევიწროება და დევნა.

„ზოროასტრის ქააბაზე“ ამოკვეთილ, ჩვენს მიერ უკვე ნახსენებ, თავის წარწერაში, მაგუშატი კარტირი ამბობს: „...შაჰრიდან შაჰრამდე, ოლქიდან ოლქამდე, მთელს ქვეყანაში საქმენი აპურამაზდასი და ღმერთებისა განდიდდნენ და მაზდეანურმა სარწმუნოებამ და მოკვებმა მიიღეს მთელ ქვეყანაში ბატონობა... და იუდეველნი, და ბუდას ქურუმნი, და ბრამინები, და ნაზარეველნი, და ქრისტიანნი და მანიქეელები განადგურებულ იქნენ და მათი ღმერთების გამოსახულებანი დანგრეულნი“⁷.

იგივე წარწერაში კარტირი აღნიშნავს, რომ ყველგან იქ, სადაც

⁶ ამ საკითხზე დაწვრილებით იხ. М. М. Дьяконов. Очерк истории древнего Ирана, стр. 292—303.

⁷ მოგვაქვს ე. ლუკონინის წიგნიდან: Культура сасанидского Ирана, стр. 87

კი მიაღწიეს შაბურ I-ის ცბენებმა და მეომრებმა“, დაფუძნებულ იქნა ცეცხლთაყვანისმცემლური ტაძრები და დასხდნენ მოგვები (იხ. ზევით, გვ. 37).

ამრიგად, მტკიცე რელიგიური სისტემის შექმნა იწვევს ამ სახელმწიფოებრივი რელიგიის ძალით დამკვიდრებას დაპყრობილ და დამოკიდებულ ქვეყნებში, სხვა რელიგიურ მიმდინარეობათა დევნას და, უპირველეს ყოვლისა, ყველაზე ძლიერი და გავრცელებული რელიგიისა — ქრისტიანობის, მით უფრო მას შემდეგ, რაც ქრისტიანობა რომის სახელმწიფოს ოფიციალურ რელიგიად იქცა.

რომისა და ირანის მეზობელ სახელმწიფოთათვის ქრისტიანობის მიღება-არმიღება გახდა მათი პოლიტიკური ორიენტაციის თავისებური საზომი: ქრისტიანობის მიღება ნიშნავდა რომის მხარეზე აშკარა გადასვლას. ირანისადმი მტრულ ბანაკისადმი მიმხრობას.

IV ს. დასაწყისში იბერიის მმართველი წრეების წინაშე პოლიტიკური ორიენტაციის საკითხი იდგა. მართალია, ნიზიბისის ზავის შემდეგ რომსა და სპარსეთს შორის მშვიდობიანი ურთიერთობა სუფევდა, მესოპოტამიის დიდი ნაწილი რომის სახელმწიფოს შემადგენლობაში შედიოდა, ხოლო სომხეთის ტახტზე კვლავ არშაქიდების დინასტიის წარმომადგენელი, პრორომაულად განწყობილი თრდატ III (287—330) იჯდა და რომის ვასალად ითვლებოდა, მაგრამ ასეთი სიტუაცია სრულიად არ ხსნიდა რომისა და ირანის მეზობელი სახელმწიფოებისათვის პოლიტიკური ორიენტაციის საკითხს.

აშკარა იყო, რომ ირანი საბოლოოდ ვერ შეურიგდებოდა არმენიის დაკარგვას და ვერც მესოპოტამიას შეელოდა; თუ ნიზიბისის ზავის შემდეგ ირანმა კარგა ხანს ვერ შეძლო არმენიისა და შუამდინარეთისათვის ბრძოლის განახლება, ეს გამოწვეული იყო იმ შინაგანი არეულობით, რომელიც სპარსეთში IV ს. დასაწყისში სუფევდა. ჰორმიზდ II-ის (302—309) მეფობაშივე დაიწყო სამეფო კარზე შუღლი, ხოლო მისი გარდაცვალების შემდეგ მის შვილთა და მათ მომხრე დიდებულთა შორის გაგრძელდა ბრძოლა; ბოლოს წარჩინებულმა დიდკაცობამ ტახტზე ჰორმიზდ II-ის უმცროსი ვაჟი, მცირეწლოვანი შაბურ II (309—379) აიყვანა⁸. ცხადია სანამ შაბურ II დავაყვადებოდა და ძალაუფლებას განიმტკიცებდა, აქტიურ საგარეო პოლიტიკაზე ფიქრიც არ შეიძლებოდა.

⁸ Eutrop., 9, 14—15; Ioann. Mal., 308.

ანეთ ვითარებაში ამიერკავკასიის ქვეყნები კიდევ უფრო მეტად უახლოვდებოდნენ რომს და გადაწყვეტით იღებდნენ მასზე ორიენტაციას. შემთხვევითი არ იყო ის ფაქტი, რომ 301 წ. თრდატ III ქრისტიანობა სახელმწიფოებრივ რელიგიად გამოაცხადა სომხეთში⁹. როგორც სამართლიანად აღნიშნავს მ. დიაკონოვი, „სომხეთის მმართველი ზედაფენის მიერ ქრისტიანობის მიღება მოასწავებდა ირანისაგან შემდგომ ჩამოშორებას და რომის აღმოსავლეთ ოლქებთან შემდგომ დაახლოებას“¹⁰.

ჩვენ არ ვიცით, რა კონკრეტული ურთიერთობა იყო ირანსა და რომს, ან ირანსა და ამიერკავკასიის ქვეყნებს შორის შაბურ II-ის მეფობის პირველ ათწლეულებში. მოვსეს ხორენაცის მოთხრობილი აქვს, რომ თრდატმა ილაშქრა სპარსეთზე და დაამარცხა შაპუხ (იგივე შაბურ) მეფე, შემდეგ კი მოუცადა მრავალრიცხოვან რომაულ ჯარს, რომელიც ასურეთზე გავლით მოვიდა სპარსეთის საზღვრებთან. შაპუხი გაიქცა, სომეხ-რომაელთა ჯარმა კი სასტიკად გადაიკვია და მოარბია სპარსეთი. ამასთან სომხეთის მეფის მოკავშირე ამ ომში იყო იბერიის მმართველი მიპრანი¹¹.

სამწუხაროდ, მოვსეს ხორენაცი აქ კვლავ ქრონოლოგიურ უზუსტობას უშვებს, რადგან თრდატ III-ის თანამედროვედ აცხადებს შაპუხ არდაშირის ძეს; ეს გაურკვეველს ხდის, რეალურად ირანის რომელი მეფის დროინდელ ბრძოლებზეა აქ სინამდვილეში ლაპარაკი — შაბურ I თუ შაბურ II-ის. ამას გარდა, ამ მონათხრობის ქვეშარტიტებაში გვაქვებს ის გარემოება, რომ არც რომაულ-ბიზანტიურ, არც სპარსულ წყაროებში ჩვენ არსად არ გვაქვს ცნობა სომეხ-რომაელთა რაიმე ლაშქრობაზე ირანის წინააღმდეგ შაბურ II-ის მეფობაში და საერთოდ ირანისა და რომის რაიმე ომზე იმპერატორ კონსტანცის ხანამდე, ე. ი. 337—338 წლებამდე. მაგრამ, თავისთავად გამორიცხული არაა, რომ შექმნილ ვითარებაში სომხეთის მეფეს მართლაც რაიმე სამხედრო აქციები ჩაეტარებინა ირანის მიმართ, რამაც ერთგვარად გაზვიადებული ასახვა ჰპოვა ხორენაცის შრომაში.

ცნობილია აგრეთვე, რომ იმპერატორ კონსტანტინეს სიკვდილმა შეუშალა ხელი დაეწყო ლაქშრობა ირანის წინააღმდეგ¹². ეს

⁹ История армянского народа, Ереван, 1951, стр. 63.

¹⁰ М. М. Дьяконов, Очерк..., стр. 264—265.

¹¹ მოვსეს ხორენაცი, II, 85—87.

¹² Н. А. Машикин, История древнего Рима, стр. 532.

უნდა მოწმობდეს, რომ საამისო მიზეზები არსებობდა და ირანის თავდასხმა არმენიაზე, რაც კონსტანტის დროს მოხდა, წინასწარ მზადდებოდა. ამ მზადების შესახებ უნდა სცოდნოდათ როგორც რომში, ისე ამიერკავკასიის ქვეყნებში და შესაძლოა, კონსტანტინე I-ის მიერ განზრახული ლაშქრობა სწორედ ირანელებისათვის სამხედრო მოქმედების დაწყებაში დასწრებას ისახავდა მიზნად. ამიერკავკასიის ქვეყნებში კი ირანის თანდათანობითი მომძლავრება შაბურ II-ის მეფობის დასაწყისში, იწვევდა სათანადო რეაქციას, რაც რომთან შემდგომ დაახლოებაში გამოიხატებოდა.

თავის მხრივ სასანიდებიც არ ეგუებოდნენ არმენიის დაკარგვას და, რადგან გარკვეულ დრომდე აქტიური მოქმედების შესაძლებლობა არ ჰქონდათ, ფარულად ხელს უწყობდნენ და ზურგს უმაგრებდნენ სომეხ დიდებულთა იმ ნაწილს, რომელიც რომთან კავშირის მოწინააღმდეგე იყო. მოვსეს ხორენაცის მონათხრობი იმის შესახებ, როგორ აუჯანყა შაპუხმა თრდატს სელჯუნთა საგვარეულოს მამამთავარი სლუჯი¹³, იძლევა საფუძველს ვივარაუდოთ, რომ არმენიის ნახარათა შორის შეიქმნა ანტირომაული დაჯგუფება, რომელიც სპარსეთის ნხარდაქერას ეყრდნობოდა¹⁴.

რაც შეეხება იბერიას, ჩვენ არ გავაჩნია კონკრეტული ცნობები აქ პრორომაული და ანტირომაული, სპარსეთის მომხრე დაჯგუფებათა არსებობის შესახებ. მაგრამ საერთო პოლიტიკური სიტუაციის და არმენიაში დამოწმებული ვითარების გათვალისწინება ვვარაუდებინებს, რომ ქართლის მმართველ წრეებში იყო როგორც პრორომაულად განწყობილი დაჯგუფება, რომელიც შესაბამისად ქრისტიანობის მომხრედ გამოდიოდა, ისე ირანის მომხრე პარტია, რომელიც მხარს უჭერდა ძველ, წარმართულ რელიგიას და ქრისტიანობას ეწინააღმდეგებოდა. ვფიქრობთ არ შეეცდებით, თუ ამ უკანასკნელ დაჯგუფებას მივაცუთვნებთ ძველი მონათმფლობელური არისტოკრატის გარკვეულ ნაწილს და წარმართული კულტის მსახურთ — ქურუმობას.

ამ მხრივ მეტად საინტერესოა ის ცნობები, რომლებიც ქართულ წყაროებში შემოინახა ქართლის ცალკეულ ოლქებში ქრისტიანობის ძალით დამკვიდრების შესახებ. ს. ჯანაშიამ ეს ცნობები გამოიყენა მაშინდელ ქართლში სოციალური ბრძოლის საილუს-

¹³ მოვსეს ხორენაცი, II, 84.

¹⁴ М. М. Дьяконов, Очерк..., стр. 265—268.

ტრაციოდ¹⁵. ეს სავსებით სწორი შადგომია ამ მოხატვებისადმი, მაგრამ, ჩვენი აზრით, ამ საკითხს მეორე მხარეც გააჩნია: ქართლის ცალკეულ ოლქთა მცხოვრებლებს ბრძოლაში ქრისტიანობის წინააღმდეგ აისახებოდა აგრეთვე საერთოდ ანტიქრისტიანული ელემენტების ბრძოლა ახალი რელიგიის წინააღმდეგ და ამ ელემენტებს შორის, უდავოდ, უნდა უმადლესი არისტოკრატიის წარმომადგენლები და ქურუმობა ვიგულისხმოთ. გაბატონებული კლასის ეს დაჯგუფება იყენებს ხალხის დაბალი ფენების უკმაყოფილებას ახალი რელიგიით თავისი საკუთარი პოლიტიკური ინტერესებისათვის. რომ ჩვენი ვარაუდი უსაფუძველო არ უნდა იყოს, ამას ადასტურებს „მოქცევაჲ ქართლისაჲ“ და ლეონტი მროველის ზოგიერთი ცნობა. „მოქცევაჲ ქართლისაჲ“ მოგვითხრობს, რომ საქმეო კარის მონათვლის შემდეგ, წმ. ნინო მიემართება ნთიან ოლქებში, აქ ქრისტიანობის დასამკვიდრებლად: მას მიჰყვებიან დედოფალი, მღვდელმთავარი და მღვდელნი და აგრეთვე ერისთავი. მაგრამ „მთიელნი ყოველნი“, ქართალებნი, ფხოვლნი, წილკნელნი წინააღმდეგნენ ნინოს ქადაგებას, არ ისურვეს ახალი რჯულის მიღება; „ხოლო ნინო უბრძანა ერისთავსა, რაჲთა წარმართოს მცირედ მახვლი მათ ზედა. და ვითარცა შებმა უყვეს, შიშითა მისცნეს თავნი მათნი ნათლისღებასა, და დაღწენეს კერპნი მათნი“. ამის შემდეგ ნინო და მისი თანმხლებნი გადავიდნენ ერწო-თიანეთს და მონათლეს აქაური მცხოვრებნი, ხოლო ყვარელები, რომელთაც გაიგეს მომხდარი ამბების შესახებ, „შეშინდეს და თოშეთს გარდაკრებს, რომელნი კვალად მოიყვანენ, მონათლნა“¹⁶.

ნართალია, ყვარელთა მიმართ ძალმომრეობაზე პირდაპირ არაფერია ნათქვამი, მაგრამ თუშეთს გადახვეწილ ყვარელთა უკან გადმოყვანა და მონათვლა, ცხადია, ნებით არ მომხდარა და სავარაუდოა აქაც „ერისთავის მახვილს“ უნდა შეესრულებინა გადამწყვეტი როლი.

წინდგომ, — წერს მემატიანე, — ნინო გადასულა კახეთს (თუ კუხეთს?), მოუნათლავს აქაური მთავარნი ერითურთ და შემდეგ მისულა „დიდად კახეთად.. და მოიყვანნა კახნი მთავარნი, ამათვე ფეთა ნათესავნი, და ნათელსცა და განიშორა ნათვლა მათი“¹⁷.

¹⁵ ს. ჯ ა ნ ა შ ი ა, საქართველო აღრინდელი ფეოდალიზაციის გზაზე, გვ. 221-224.

¹⁶ ძეგლები, I, გვ. 89.

¹⁷ იქვე, გვ. 89.

მართალია, აქაც ძალის განოყენებაზე არაფერია ნათქვამი, მაგრამ კახეთის მთავართა მოხსენიება ერთ კონტექსტში იმათთან, ვინც ძალით აქნა მოქცეული, გვაპარულებინებს, რომ კახეთის მთავარნი ამავე გზით აიძულებს მიეღოთ ახალი სარწმუნოება.

ლეონტი მროველს შენახული აქვს უფრო ნიშანდობლივი ცნობა: მისი მოთხრობით „როცა მეფე მირიანმა, მისმა კარმა და „ყოველმა ერმა“ აღიარა ქრისტეს რჯული, „არა ნათელ-იღო ფეროზ, სიძემან მირიან მეფისამან, რომელსა ჰქონდა რანი ბარდავამდე მიცემული მირიან მეფისაგან“¹⁸... ცოტა უფრო ქვევით ლეონტი მროველი მოგვითხრობს, რომ მირიანმა უთხრა ნინოს: „მნებავეს ესრეთ, რათა იძულებით მახვილთა მოვაქცივნეთ მთეულნი და სიძე ჩემი ფეროზ, და დავამონნეთ ძესა ღმრთისასა და ვათაყუანნეთ პატიოსანსა ჟუარსა“¹⁹.

აქ უკვე სრულიად გარკვევითაა დასახელებული დიდკაცობის წარწომადგენელი, თვით მეფის სიძე, რომლის მოქცევისათვის მეფეს აუცილებლად მიაჩნია მიმართოს მახვილის ძალას.

უდავოდ მართალია ს. ჯანაშია, როდესაც ზემომოტანილ ცნობებში ხედავს სოციალური ბრძოლის ანარეკლს. მისი სამართლიანი მსჯელობით „ქრისტიანობა საქართველოს მოველინა როგორც აზნაურთა რელიგია და ძველი მონაჩივის ოფიციალური კულტი“, ამიტომ მას ნაკლებად ეგუება და ზოგჯერ ებრძვის კიდევ ხალხის დაბალი ფენა, მით უმეტეს მთაში, სადაც „ამ დროს ფეოდალური ურთიერთობა ან სრულიადწარ არსებობდა, ან სუსტად იყო ჩასახული და, მაშასადამე აქ არსებობდა ჯერ კიდევ ის სოციალური ფენა, რომელსაც ქრისტიანობა დაენყარებოდა“²⁰.

მაგრამ, ამასთან ერთად, იმავე ცნობებში, ჩვენის აზრით, აჩრეკლება აგრეთვე ის პოლიტიკური წინააღმდეგობაც, რომელიც ქართლში არსებობდა საგარეო ორიენტაციის გამო და რომელიც ქრისტიანობისადმი სხვადასხვა პოლიტიკურ დაჯგუფებათა განწყობილებაში ელინდებოდა. მაგალითად, რანის ერისთავი და მეფის სიძე ფეროზ, ჩვენი რწმენით, განასახიერებს სწორედ იმ ანტირომაულ და პროირანულ დაჯგუფებას, რომელიც, შესაბამისად, ქრისტიანობის მოწინააღმდეგედ გამოდიოდა.

ანგარიშგასაწევი იმ გარემოება, რომ ლეონტი მროველი მო-

¹⁸ ქართლის ცხოვრება, I, გვ. 117.

¹⁹ იქვე, I, გვ. 125.

²⁰ ს. ჯ ა ნ ა შ ი ა, საქართველო აღრინდელი ფეოდალიზაციის გზაზე, გვ. 121

გვითხრობს რა მირიან მეფის მართვის პირველ წლებზე, აღგვიწერა მის მკვიდრო კავშირს სასაანურ სპარსეთთან და ბრძოლას რომთანაც და უკანასკნელის მოკავშირე სომხეთის მეფე თრდატთანაც. სპარსეთის მეფესთან ერთად ულაშქრია მირიანს რომის (საბერძნეთის) წინააღმდეგაც, მაგრამ კონსტანტინე კეისარს გაუმარჯვია, სპარსეთისა და ქართლის მეფეები თავთავის ქვეყანაში გადაურეკია და მირიანს ბოლოს ზავი უთხოვია; კონსტანტინე ზავზე დათანხმებულა, მირიანის ძე ბაქარ მძევლად გამოუთხოვია, ქართლის მეფე თრდატთან შეურიგებია და დაუმოყვრებია, თან მათ შორის მტკიცე საზღვრები განუქწყობია²¹.

მაართალია, აქ აშკარა შეცდომებია დაშვებული, რადგან ცნობილია, რომ ირანსა და რომს შორის კონსტანტინეს დროს ომი არ ყოფილა და გარდა ამისა, როგორც ზევით იყო აღნიშნული (გვ. 78). სპარსელ-ქართველთა ლაშქარზე გამარჯვების აღწერა ზედმიწევნით იმეორებს რომაულ საეკლესიო ისტორიოგრაფიაში მოცემულ აღწერილობას კონსტანტინეს მაქსენციუსზე გამარჯვებისა, მაგრამ შესაძლოა, რომ ამ მონათხრობში დამახინჯებულად აირეკლა გარკვეული რეალური ვითარება: თავდაპირველი პროირანული ორიენტაცია იბერიის სამეფო კარისა, მტრული ურთიერთობა რომთან და მის მოკავშირე არმენიასთან; მაგრამ შემდგომ ეს ორიენტაცია, რაღაც პოლიტიკური ვითარების ზეგავლენით, შეცვლილა და ქართლის მეფეს რომთან კავშირი უფრო ხელსაყრელად უცვნია. შესაძლოა, რომ მას თავისი ახალი ორიენტაციის სიმყარის დასამტკიცებლად რომის იმპერატორისათვის მძევლის მიცემაც მოუხდა:

თუ ჩვენი ვარაუდი საფუძვლიანია, უნდა ვაღიაროთ, რომ თავდაპირველად იბერიის საგარეო პოლიტიკას პროირანული დაჯგუფება განსაზღვრავდა, შემდეგ კი მას მარცხი განუცდია და ამ პოლიტიკის წარმმართველად უკვე ანტიირანული, პრორომაული პარტია განხდარა. ამ უკანასკნელის წარმატების გამოხატულება იყო იბერიაში ქრისტიანობის სახელმწიფოებრივ რელიგიად გამოცხადებაც.

ზემოთქმულს გარდა უნდა შევნიშნოთ კიდევ ერთი საინტერესო გარემოება: წმ. ნინოს მცხეთაში მოსვლის აღწერისას ლეონტი მროველი აღნიშნავს: „ხოლო ვითარ-იგი მიიწივნეს ქალაქად მცხეთად, წილ მოგუთჱსა კიდსა ზედა, და დადგეს მუნ. და ხედვიდა წმინდა ნინო ცეცხლის მსახურთა მათ ერთა მო-

²¹ ქართლის ცხოვრება, I, გვ. 69—70.

გ უ ე ბ ა ს ა და ც თ ო მ ა ს ა: და ტიროდა წმიდა ნინო წარწყმედასა მას ზედა მათსა“²²...

როგორც ცნობილია, ზორასტრულ რელიგიაში, მის კულტში მნიშვნელოვან როლს ასრულებდა ცეცხლის სტიქიისადმი თაყვანისცემა. ეს იმდენად მნიშვნელოვანი კომპონენტი იყო ზორასტრიზმისა, რომ უცხოელნი, მათ შორის ქართველნიც, ზორასტრის მიმდევართ ცეცხლთაყვანისმცემლებსაც უწოდებდნენ²³. „ცეცხლის მსახურთა“ მოხსენიება „მეფეთა ცხოვრებაში“ ამტკიცებს, რომ ქრისტიანობის დამკვიდრებამდე ქართლში გავრცელებული იყო ზორასტრიზმი. ივ. ჭავჭავიძის აღნიშნული აქვს, რომ წარმართობის ეპოქაში მაზდეანობა საქართველოში, და კერძოდ ქართლში, საკმაოდ გავრცელებული იყო²⁴. შემთხვევითი არაა, რომ V საუკუნეშიაც, ე. ი. ქართლში ქრისტიანობის ოფიციალურ რელიგიად გამოცხადების შემდეგ, ქრისტიანობას უხდება ზორასტრიზმის (მაზდეანობის) წინააღმდეგ არა მარტო ფიზიკური, არამედ ლიტერატურულ-პოლემისტური ბრძოლა და ეს პოლემიკა შემდგომც საუკუნეებშიაც გრძელდება²⁵.

ლეონტი მროველის ეს ცნობა ეხმაურება იმ მონაცემებს, რომელსაც იძლევა ირანის დიდი მაგუპატის კარტირის ჩვენ მიერ უკვე დამოწმებული წარწერა; კარტირი აღნიშნავს რა თავის დამსახურებას ირანის ოფიციალური რელიგიის განმტკიცებისა და გავრცელების საქმეში, ჩამოთვლის იმ ქვეყნებს — ირანისა და არაირანისა, სადაც მან დააფუძნა ცეცხლის (ცეცხლთაყვანისმცემლობის) ტაძრები და დააფუძნა მოგვები; ამ ქვეყნებს შორის დასახელებულია იბერიაც²⁶.

ყოველივე ეს გვაძლევს უფლებას დავასკვნათ, რომ ქართლში ირანის გავლენის გავრცელებას შაბურ I-ის დროს მოჰყვა აქ ზორასტრიზმის, ანუ ცეცხლთაყვანისმცემლობის გაძლიერება. ცხადია, რომ ზორასტრიზმის მიმდევრები და განსაკუთრებით მოგვები, უნდა ყოფილიყვნენ, პირველ რიგში, პროირანული ორიენტა-

²² ქართლის ცხოვრება, I, გვ. 88.

²³ М. М. Дьяконов, Очерк..., стр. 299.

²⁴ ი. ჭავჭავიძე, ქართველი ერის ისტორია, I, გვ. 284—285.

²⁵ ე. კეკელიძე, ანტიმაზდეისტური პოლემიკის ფილოსოფიური დასაბუთება უძველეს ქართულ ლიტერატურაში, „ეტიუდები“, ტ. III, გვ. 42—60; მისივე, ქართული ლიტერატურის ისტორია, წ. I, გვ. 475—477.

²⁶ В. Г. Луконин, Картир и Мани, ВДИ, 1966, № 1, стр. 76.

ციის მატარებელნი და ქრისტიანობის წინააღმდეგ ყველაზე აქტიური მებრძოლნი.

ერთი სიტყვით. ჩვენ უდავოდ გვეჩვენება, რომ ქართლის მოსახლეობის გარკვეულ წრეებში, კერძოდ კონის მმართველ ფენაში, მიმდინარეობდა საკმაოდ მწვავე ბრძოლა გარეპოლიტიკური ორიენტაციის საკითხის გარშემო: ეს ბრძოლა რელიგიური-იდეოლოგიურ წინააღმდეგობასა და პოლემიკაშიაც ვლინდებოდა.

ჩვენს ხელთ არის ერთი გვიანდელი წყარო, რომელიც, მართალია, მერმინდულ მოვლენებს ეხება, მაგრამ შესანიშნავად გადმოცემს ქრისტიანობის წინააღმდეგ სპარსეთის ბრძოლის კავშირს პოლიტიკური ორიენტაციის საკითხთან. VI—VII ს. აგიოგრაფი აღწერს რა ქართლის ვითარებას V ს. მეორე ნახევარში, წერს „აღდევს სპარსნი ქრისტიანეთა ზედა... რამეთუ დიდი იყო მაშინ ბრძოლა და დაუცხრომელი მტერობაჲ ქრისტიანეთა ზედა და უფრო მდესად ბერძენთა მიმართ. ხოლო ჩუენ ქართველთა მომართ ამისთვის, რამეთუ ეძვანებოდა ჩუენი ბერძენთა მიმართ სიყუარული და ერთობაჲ და ესე იყო ნებაჲ მათი, რათა ჩუენცა მათთანა მტერ ვიქმნეთ ბერძენთა“²⁷.

(ვიჩინებთ მეფის მიერ ქრისტიანობის სახელმწიფო რელიგიად აღიარება პრორომაული ორიენტაციის გამარჯვებას და იბერიის სამეფო კარის რომაელთა მხარეზე აშკარა და საბოლოო გადასვლას ნიშნავდა.) ამ დროიდან დაწყებული, ქართლის მმართველნი ყოველთვის სასაზურო ირანის მოწინააღმდეგეთა ბანაკში იმყოფებოდნენ. ასე იყო რომსა და ირანს შორის ხანგრძლივი ომების მთელ მანძილზე. ომებისა, რომლებიც, მცირე ხარვეზებით, თოქმის განუწყვეტლივ მიმდინარეობდა IV—VI საუკუნეებში.

მაგრამ ამ ორიენტაციის გამარჯვება უმტიკივანეულოდ არ მომხდარა და არც საბოლოო იყო: იბერიაში, როგორც ჩანს, პროირანულად განწყობილი ძალებიც რჩებოდნენ. ჩვენ ვფიქრობთ, რომ ამ პერიოდის (ე. ი. IV ს. პირველი ნახევრის) სხვადასხვა ორიენტაციის დაჯგუფებათა ბრძოლაში უნდა ვეძიოთ ერთერთი საფუძველი იმ მოვლენებისა, რომელთაც ადგილი ჰქონდა ქართლში შემდგომ სა-

²⁷ წამება რაქდენსი, მ. ჯანაშვილის გამოცემა: Описание рукописей Тифлисского церковного музея, кн. III, 1908, стр. 154.

უკუნეებში, როდესაც სპარსელები საკმაოდ ძლიერ დასაყრდენს პოულობენ ადგილობრივ ფეოდალთა წრეში. რასაკვირველია, ჩვენ კარგად გვესმის, რომ ქართლის ფეოდალთა გადასვლას სპარსეთის მხარეს და საკუთარ მეფესთან დაპირისპირებას, რასაც ადგილი ჰქონდა, მაგალითად, ვახტანგ გორგასალის დროს, უფრო ღრმა სოციალური მიზეზები აპირობებდა²⁸, მაგრამ არც ჩვენ მიერ აღნიშნული მომენტია გამოსარიცხი და ვარქსენ პიტიანში, გარკვეული თვალსაზრისით, იმ ქართველ დიდებულთა მემკვიდრედ გვევლინება, რომელთაც ჭერ კიდევ III—IV სს-ში ორიენტაცია ირანთან კავშირზე და მასთან დაახლოებაზე აიღეს.

ქრისტიანობის სახელმწიფოებრივ რელიგიად აღიარება რომ გარეპოლიტიკური ორიენტაციის გადაწყვეტასაც ნიშნავდა, კარგად ესმოდათ იმ მწერლებსაც, რომლებიც ქართლის მოქცევის ისტორიას ეცებოდნენ.

ასე, მაგალითად, გელასი კესარიელი აგვიწერს რა იბერიის მეფისა და სამეფო კარის მიერ ქრისტიანობის აღიარებას, მოგვითხრობს, რომ, როცა იბერიის მეფის მოციქულნი მივიდნენ იმპერატორ კონსტანტინესთან, აუწყეს მას იბერიაში ქრისტეს რწმენის განმტკიცება და სთხოვეს მათთვის ეპისკოპოსის გაგზავნა, „სათნო და ქრისტეს მოყვარე კონსტანტინე მეფემ ისინი მეგობრულად მიიღო, რადგან უხაროდა უფლისათვის; მან შეიწყნარა თხოვნა და კონსტანტინეპოლის ეპისკოპოსს ალექსანდრეს ხელთ-დაასხმევინა იბერთა ეპისკოპოსი; ამ ანგელოზს მას კარგად ესმის, რომ ეს არის ნიში დმრთისა, რომელიც უცხოთესლთ (ἄλλόφυλοι) უქვემდებარებს მას.“²⁹

ამავე ამბავს ისტორიკოსი რუფინუსი ასე აღმოგვცემს: „კონსტანტინემ დიდის სიხარულით და პატრუით განაბრებდა მოციქულები; ეს ამით უფრო მეტად იყო გახარებული, ვიდრე მაშინ იქნებოდა, რომ რომის იმპერიისათვის უცნობი ხალხები და უცნობი სახელმწიფოები შეეერთებინა (... quam si incognitas Romano imperio gentes et regna ignota iunxisset)“³⁰.

²⁸ ამ საკითხზე იხ. ს. ჯანაშია, საქართველო აღრინდელი ფეოდალიზაციის გზაზე, გვ. 288—295.

²⁹ Gelas Caes., Hist. eccl., „გეორგია“, I, გვ. 193—194.

³⁰ Rufin., Hist. eccl. „გეორგია“, I, გვ. 206—207.

ხოლო, ლეონტი მროველი წერს: როცა მირიანმა მიიღო ქრისტიანობა, კონსტანტინე I-მა დაუბრუნა მას რომში მძევლად მყოფი მისი ვაჟი ბაქარი და წერილი მისწერა: „...ვინათგან იცან შენ სამება ერთარსება, ღმერთი დაუსაბამო, დამბადებელი ყოვლისა, არღარა მიკმს მე შენგან მძევალი, არამედ კმა არს ჩუენ შორის შუამდგომლად ქრისტე, ძე ღმრთისა... და შუამდგომლობითა ღმრთისა დამბადებელისათა ვიყვნეთ ჩუენ სიყუარულსა ზედა ძმებრივ. და შვილი შენი შენადვე მიმინიჭებიეს, იხილე და განიხარე; და ღმრთისაგან მოვლინებული ანგელოზი მშვიდობისა იყავს შენ თანა წარადის; განდევნენ ღმერთმან დამბადებელმან ეშმაკი მაცდური საზღვართაგან შენთა“³¹.

ბნელი სათქმელია, საიდან აღო ლეონტი მროველმა ეს წერილი და რამდენად შეიძლება ის ნამდვილად კონსტანტინესეულად მივიჩინოთ, მაგრამ ერთი რამ სრულიად აშკარაა: ეს წერილი ასახავს იმ დროის რეალურ ვითარებას. როგორც ჩანს, ძველადაც კარგად ესმოდათ, რომ იბერიის მეფის მიერ ქრისტიანობის აღიარება ნიშნავდა ირანთან ურთიერთობის აშკარა გაწყვეტას და რომის იმპერიასთან მტკიცე კავშირის დამყარებას.

ამრიგად, III ს. ბოლოსა და IV ს. დასაწყისიდან ქართლის მმართველი წრეების რომისადმი დამოკიდებულებაში მკვეთრი ცვლილება შეიმჩნევა. წინარე საუკუნეებში იბერიის სამეფო რომისაგან სრული დამოუკიდებლობის მოპოვებისათვის ყველა ღონეს ხმარობდა, ხოლო II საუკუნეში აღწევს რა ასეთ დამოუკიდებლობას და სარგებლობს რა იმპერიის დასუსტებით, მის წინააღმდეგ მტრულ აქციებსაც არ ერიდება. ეხლა კი, სასანური ირანის გაძლიერებისა და გააქტიურების შემდეგ, იბერიის მმართველნი იძულებულნი არიან რომთან კავშირი ეძიონ; უკანასკნელი ერთადერთ ბუნებრივ მოკავშირედ ხდება იბერიისათვის ირანის აგრესიული სახელმწიფოს წინააღმდეგ ბრძოლაში. ასეთი ვითარება რჩება შემდგომ საუკუნეებშიაც: იბერია ეძიებს ბიზანტიის იმპერიასთან უფრო მყარ კავშირს, მით უფრო, რომ IV საუკუნის ბოლოდან სულ უფრო ძლიერდება ირანის შემოტევა ამიერკავკასიის ქვეყნების მიმართ.

³¹ ქართლის ცხოვრება, I, გვ. 128.

ОЧЕРКИ ИЗ ИСТОРИИ КАРТЛИЙСКОГО (ИБЕРИЙСКОГО) ЦАРСТВА В III — НАЧАЛЕ IV ВВ. Н. Э.

Резюме

В данных «Очерках» рассматриваются некоторые вопросы политической истории Картлийского (Восточногрузинского, Иберийского) царства в III в. н. э. и в начале IV в. В нашей историографии этот период изучен недостаточно, исследователи редко привлекают персидские эпиграфические памятники, такие, как надписи Шабур I и магупата Картира на т. н. «Каабе Зороастра». Поэтому характеристика данной эпохи истории Картли выглядит довольно поверхностной. Мы делаем первую попытку более подробного анализа этих памятников, в частности, впервые привлекаем данные надписей Картира, да и трилингву Шабур I используем полнее и подробнее, чем до сих пор. Мы также даем грузинский перевод тех частей надписей, которые содержат сведения о Грузии. Сопоставление этих данных со сведениями других источников позволило нам уточнить некоторые вопросы истории Картли в III в. и внести определенные коррективы в ранее высказанные предположения.

I. Политическое положение Картлийского царства в III в.

В начале III в. на политической арене Ближнего Востока произошли значительные изменения, коснувшиеся как Римской империи, так и ее основного соперника — Парфянской державы.

В результате все отчетливее выявляющегося социально-экономического и политического кризиса, Римская империя значительно ослабла; она уже не в состоянии не только вести завоевательную политику, но и всегда успешно отражать нашествия «варваров», или нападения соседних государств.

На Востоке ослабленное внутренними междоусобицами, децентрализованное Парфянское царство уступает место более мощному и агрессивному персидскому государству Сасанидов, которое уже при первых царях этой династии (Ардашире I и Шабуре I) вступает в борьбу с Римом, пытаясь отторгнуть у последнего Месопотамию и Закавказье, в первую очередь — Армению.

Сведения позднейших арабских источников, а также армянских и грузинских летописей (Мовсеса Хоренаци, Ухтанеса, Леонтия Мровели) о завоевании Армении и Иберии Са-

санидами уже при Ардашире I, не соответствуют действительности. Не подтверждается и высказанное в научной литературе мнение, что якобы при Ардашире между Иберией и Ираном был заключен союз, направленный против Рима (Г. А. Меликишвили). Основным аргументом этого предположения служит персидская надпись на серебряной чаше из Армазисхеви (Мцхета), вернее, чтение этой надписи, предложенное Ш. Я. Амирашвили. Однако, анализ надписи показывает необоснованность ее такой интерпретации и заставляет относиться эту чашу (и надпись) ко второй половине III в. Следовательно, она не может служить источником для эпохи Ардашира I. Анализ источников и общей политической ситуации исключает наличие ирано-иберийского договора или союза при Ардашире I.

Лишь при втором Сасаниде — Шабуре I, в результате его успешных войн с Римом, Сасанидский Иран смог установить свое господство в Армении и распространить определенное политическое влияние на Картли. Разбор персидских эпиграфических памятников и данных нарративных источников позволяет установить относительно точную дату этих исторических событий: по нашему мнению, покорение Армении Ираном и подчинение последним Картлийского царства произошло между 253 и 255 годами, а не между 244 и 253 годами, как считалось прежде.

Вместе с тем, анализ названных источников дает основание утверждать, что подчинение Иберии Ирану, засвидетельствованное в надписи Шабура I на «Каабе Зороастра», носило реально формальный характер, влияние Сасанидов здесь было весьма непрочным и правящие круги Иберии все определеннее берут ориентацию на союз с Римом. Одним из проявлений этой ориентации явилось принятие царским домом Картли христианства и объявление его государственной религией.

2. Из истории объявления христианства государственной религией в Картли.

Из ряда спорных вопросов, связанных с историей установления в Картли христианства, мы касаемся двух: 1) При каком, при каком царе, произошло крещение картли и 2) когда, в каком году имело место это событие?

1) Грузинские летописи («Обращение Картли» и «Житие царей» Леонтия Мровели) называют первым христианским царем Картли Мирианом. Однако, в т. н. сирийской

версии «Жития Петра Ивера» таковым назвал Бакур, дед Петра Ивера. В зависимости от того, который из этих источников считают исследователи более достоверным, часть из них признает первым христианским царем Картли Мириана (К. С. Кекелидзе и др.), другие же — Бакура (И. А. Джавахишвили). Примыкая к точки зрения тех исследователей, которые отрицают принадлежность сирийской версии «Жития Петра Ивера» перу грузинского писателя Захария Грузина, реальное существование которого, само по себе, вызывает серьезные сомнения, мы приходим к выводу, что при решении данной проблемы, предпочтение следует отдать грузинским источникам, сведения которых подтверждают и армянские историки, а так же грузинской церковной традиции, признающим Мириана первым христианским царем Картли.

2) Относительно даты обращения Картли в христианство существуют различные точки зрения, однако научно аргументированы фактически две датировки — И. А. Джавахишвили и К. С. Кекелидзе. Первый считает, что это событие произошло в 30-ых годах IV в., точнее около 337 г., тогда как второй полагает, что крещение Картли имело место не при императоре Константине I, а при Константине, т. е. после 337 г. конкретнее в 355—356 гг. К такому же выводу, независимо от К. С. Кекелидзе пришел и И. Маркварт.

Проанализировав все доводы К. С. Кекелидзе и И. Маркварта и изучив целый ряд источников, мы пришли к выводу, что точка зрения этих ученых не достаточно обоснована; по нашему мнению, нет реальных оснований относить крещение Картли к событиям правления Констанция и датировать его столь поздним временем. Вместе с тем, мы считаем возможным точнее датировать это событие: сопоставление сохранившихся исторических реалий позволяет нам сделать вывод, что христианство было объявлено в Картли официальной религией между 325 и 330 годами.

Уточнение этой датировки облегчает решение задачи выяснения конкретной исторической ситуации, обусловившей объявления христианства государственной религией в Картли, события, имевшего столь большое значение в истории Картли, да и всей Грузии.

3. Внешнеполитическое значение объявления христианства государственной религией в Картли.

В период обострения враждебных взаимоотношений между Римом и Сасанидским Ираном, принятие или непринятие христианства стало своеобразным мерилom внешнеполитической ориентации соседних с этими державами госу-

дарств. Принятие христианства означало открытый переход на сторону Рима, присоединение к враждебному Ирану лагерю. Официальное объявление христианства государственной религией в Картли, явилось демонстрацией именно такой ориентации. Это подтверждают грузинские и византийские летописи, авторы которых ясно представляли себе политическую подоплеку христианизации Картли. Грузинские источники рассказывают, что в некоторых областях страны христианство распространялось и утверждалось силой оружия; эти сведения, в свое время, использовались исследователями для иллюстрации социальной борьбы в Картли, мы же привлекаем их в другом аспекте: активное противодействие населения отдельных областей Картли христианству отображало и те политические противоречия, которые существовали между различными группировками в вопросе внешней ориентации. Источники дают нам основание предполагать, что некоторые группы иберийской знати сочувствовали Ирану; мы считаем, что отдельные представители правящего класса Иберии (среди них и эристави Пероз, зять царя Миряна), а также языческое жречество, отвергавшие крещение, принадлежали к проиранской группировке. Приверженность к Ирану, по-видимому, особенно сильно проявлялась среди той части населения Картли, которая до того примкнула к зороастризму. Наличие последователей этой религии в Картли в это время отмечается грузинскими летописцами, а также вышеупомянутыми надписями верховного жреца Ирана — Картира. Нам представляется, что события последующих времен, когда персы нашли в Картли довольно сильную поддержку среди части местной феодальной знати (вторая половина V в., эпоха царствования Вахтанга Горгасала), в значительной мере объясняются борьбой различных ориентаций; истоки этих явлений следует искать именно в событиях IV в.

Таким образом, с конца III и начала IV вв. правители Иберии были вынуждены искать прочный союз с Римом, их единственным и естественным союзником в борьбе против агрессивного Ирана. Несмотря на противодействие проиранских сил, цари Иберии неуклонно проводили эту политику и впоследствии, в условиях постоянно растущего давления и все более агрессивных посягательств со стороны Сасанидского Ирана.

ESSAYS ON THE HISTORY OF THE KARTLIAN (IBERIAN) KINGDOM IN THE THIRD AND EARLY FOURTH CENTURIES A. D.

These essays are a discussion of some problems of the political history of the Kartlian (East-Georgian, Iberian) kingdom in the third century A. D. and at the beginning of the fourth century. This period is as yet insufficiently studied by our historiography; researchers rarely make use of Persian epigraphic monuments, such as the inscriptions of Shahpur I and of the *m a g u p a t K a r t i r* on the so-called „Kaaba of Zoroaster“; in any case, such studies are, at least, superficial. Ours is the first attempt at making a more detailed analysis of these monuments; we have also translated into Georgian those parts of the above inscriptions in which Georgia is referred to. A comparison of these data with the information provided by other monuments has enabled us to elucidate some problems of the history of Kartli in the third century and to suggest some emendations of previous solutions.

I. The Political Situation in the Kingdom of Kartli in the Third Century

In the early third century considerable changes took place on the political arena in the Near East, involving both the Roman Empire and her principal rival — Parthia.

The incipient socio-economic and political crisis greatly weakened the Roman Empire, in consequence of which Rome was no longer able to pursue her policy of conquest; in fact, it was no easy task for her to repulse the «barbarians», or to counteract encroachments on the part of neighbouring states.

In the East, the Parthian kingdom, extenuated and disintegrated, was superseded by the powerful, centralized and aggressive Sassanian State. Under the first Sassanids (Ardashir I and Shahpur I) the new Persian state warred against Rome, the main objectives being Mesopotamia and the Transcaucasus, Armenia in the first place.

The information contained in later Arabic sources, as well as in Armenian and Georgian chronicles (Moses Khorenatsi, Leonti Mroveli) concerning the conquest of Armenia and Iberia (Kartli) as early as in the reign of Ardashir I is not based upon facts. Neither is there anything to corroborate the opinion put forward in scholarly publications, to the effect that in the time of Ardashir I Iberia and Iran formed an alliance directed against Rome (G. Melikishvili). The principal argument to support this opinion is a Persian inscription on a silver dish from Armaziskhevi (Mtskheta), or, rather, the reading of it proposed by Sh. J. Amiranashvili. An analysis of the inscription proves that it belongs to the latter half of the third century and, consequently, cannot be regarded as a source of information on the epoch of Ardashir I. The analysis of extant sources, and of the general political situation, precludes the possibility of such an alliance under the first Sassanid king.

It was only in the reign of Shahpur I, the successor of Ardashir I, and as a result of the former's successful wars against Rome, that Sassanian Iran succeeded in establishing her domination over Armenia and broadened its sphere of influence to include Kartli. A study of Persian epigraphic monuments and literary sources enables us to establish the date of these events more exactly: we suggest that the conquest of Armenia by Iran, and the relative subjection of Kartli to the latter state, took place between 253 and 255, but not between 244 and 253, as has been hitherto supposed.

At the same time, a thorough analysis of the sources mentioned above gives us grounds to state that the submission of Iberia to Iran, recorded in the inscription of Shahpur I on the Kaaba of Zoroaster, was of a purely formal nature; the hold of the Sassanids on Iberia was precarious, and the ruling circles of the country were more and more in favour of an alliance with Rome. One of the manifestations of this orientation was the fact that the royal house of Kartli adopted Christianity and declared it the state religion.

II. On the History of the Adoption of Christianity as the State Religion in Kartli

We dwell, basically, on two of the controversial problems connected with the Christianization of Kartli: 1. — Under whom, in the reign of which king Christianity was declared the state religion, and 2. — When, in which year this event took place.

1. — The Georgian chronicles ("The Conversion of Kartli" and "The Tale of Kings" by Leonti Mroveli) are unanimous in naming Mirian the first Christian king of Kartli; however, the so-called Syrian version of the "Life of Peter the Iberian" also mentions Bakur, the grandfather of Peter the Iberian. Depending on the degree of authenticity ascribed by researchers to this or that source, some of them recognize Mirian as the first Christian king (C. Kekelidze et al.), while others favour Bakur (I. Djavakhishvili). Accepting the opinion of the scholars who do not agree that the Syrian version of the "Life of Peter the Iberian" was written by the Georgian chronicler Zakharia the Georgian, the very fact of whose existence is open to serious doubts, we consider that in solving this problem preference should be given to Georgian sources and to the Georgian ecclesiastical tradition which recognize Mirian as the first Christian king.

2.—There is no unity of opinion about the date of the Christianization of Kartli. Essentially, there are two opposed views, that of I. Djavakhishvili and that of C. Kekelidze. The former considers that this event took place in the thirties of the fourth century, more exactly, in 337, while the latter supposes it to have taken place not under Constantine I, but in the reign of the Emperor Constantius, i. e. after 337, more exactly in 355 or in 356. The same opinion was expressed by J. Markwart, independently of C. Kekelidze.

Having analyzed all the argumentation of Kekelidze and Markwart, and having studied various sources, we have come to the conclusion that their opinion is insufficiently well grounded. At the same time, we consider it quite possible to assign an exact date to the event in question: a comparison of surviving historic-

al realia enables us to conclude that the official adoption of Christianity by Kartli took place between 325 and 330.

This dating will facilitate the task of revealing the concrete historical situation which led to this event, a task of signal importance for the study of the history of Iberia in the early fourth century.

III. The Political Significance of the Official Adoption of Christianity in Kartli

At a time of open hostilities between Rome and Iran, acceptance or non-acceptance of Christianity became a kind of touchstone in appraising the political orientation of states bordering on these two countries: adoption of Christianity was tantamount to siding openly with Rome, to joining the camp hostile to Iran. The official conversion of Iberia was a demonstration of this orientation. The fact is attested by Byzantine and Georgian chronicles, whose authors were well aware of the political implications of Kartli's Christianization. Georgian sources state that in some parts of the country Christianity was forced upon the population. This information has often been quoted by researchers, to serve as an illustration of social strife in Georgia; we allude to it from a quite different angle: the active antagonism of the population of some parts of Kartli to Christianity was a manifestation of antagonistic political orientations. Historical sources give us grounds to suppose that certain groups of Iberian nobility were pro-Iranian in their sympathies. We suggest that certain members of Iberia's ruling class who refused baptism (among them, the Eristavi Peroz, King Mirian's son-in-law, as well as the pagan priesthood) belonged to the pro-Iranian group. These sympathies must have been particularly strong in that part of Kartli's population who had adopted the Zoroastrian creed. The fact of the existence, at the time, of followers of this creed in Kartli is recorded by the Georgian chronicler, as well as in the above-mentioned inscription of Kartir, the High Priest of Iran. It appears to us that the events which took place in Kartli in subsequent centuries, when the Persians found rather powerful supporters among some of the local

feudal lords, are largely attributable to the clash of opposed orientations.

Thus, since the close of the third century and at the beginning of the fourth, the rulers of Iberia were compelled to seek a firm alliance with Rome, the latter becoming their only and natural ally in the struggle against the aggressive Iranian state. Despite the opposition of pro-Iranian forces, the kings of Iberia unswervingly pursued this policy in later times, under conditions of constantly growing pressure and increasingly aggressive encroachments on the part of Sassanian Iran.